

# WANTOK

NIUSPEPA BILONG OL PAPUA NIUGINI STRET

56 pes

Mosbi 25 toea

Namba 755

22 - 28 Desemba, 1988

Arapela Provins 30 toea



## LUKIM 16 PES KRISMAS SAPLIMEN INSAIT



## Mungkas tu i go insait long kros

OL LAIN bilong Mungkas Asosiesen long Not Solomons i askim pinis ol plisman long lusim Panguna insait long 48 aua. Ol i mekim dispela singaut insait long wanpela pas ol i raitim na givim long siaman bilong Peace na Gut Oda komiti Peter Tsiamalili.

Ol Mungkas i bin bung long Sande 18 Desemba na tokaut olsem ol hevi i kamap long Panguna i no bilong ol pipel bilong Panguna tasol. Em i hevi bilong olgeta pipel bilong Not Solomons.

Moa long 300 pipel husat i makim olgeta lain bilong Not Solomons i bin stap long dispela bung.

Ol pipel i tok olsem ol plisman i bin mekim nabaut long ol pipel na ol i no bihainim tokorait i bin kamap long ol lain bilong nesanel gavman na ol papa bilong graun.

Long dispela tokorait ol i bin tok olsem ol

plisman i no inap long go long ol viles tasol ol bai was tasol long ol samting bilong BCL.

Long Mande 19 Desemba Mista Tsiamalili i bung wantaim ol Mungkas na Provinsal na Edministretiv sekreteri bilong Not solomons provinsal gavman long skelim ol toktokt.

Bihain long dispela bung ol i askim nesanel gavman long toksave long plisman long was long samting bilong ples na no ken mekim nabaut long ol pipel.

Presiden bilong Mungkas asosiesen Patrick Itta i tok olsem ol pipel i amamas bikos gavman i rausim sampela plisman long Panguna pinis.

Mista Itta i tok olsem ol pipel i no inap givim ol dainamait long plisman bikos gavman i no tokaut long wanem samting ol bai mekim long ol lain husat i givim bek ol dainamait.

i go moa long pes 2

**FRI KALA  
KALENDA  
NEKS WIK**



**Laki Resis  
namba 1**

1-3  4  9

**Wanem namba  
i no stap.**

Sapos yu save orait raitim na salim i kam long:

Wantok Laki Resis Namba 1,  
P.O. Box 1982, Boroko, NCD.

**GO SEE THE GOOD GUYS**



# BOROKO MOTORS

● PORT MORESBY — PH: 25 5255 ● LAE — PH: 42 1144 ● RABAU — PH: 92 2777  
● MT HAGEN — PH: 52 1433 ● MADANG — PH: 82 2433 ● TABUBIL — PH: 58 3311  
● ARAWA MOTORS — PH: 95 1566 ● HIGATURU MOTORS — PH: 29 7175



## Mungkas

i kam long pes 1

Ol pipel bilong Panguna i laikim gavman i mas tokim BCL long no ken rausim ol pipia long solwara long Not Solomons.

Mista Itta i tok olsem "Ol i bagarapim Jaba riva pinis na nau ol i laik bagarapim solwara bilong mipela".

"Mipela i luksave pinis olsem ol bagarap i kamap long graun bilong mipela bai bikpela moa long ol samting mipela bai kisim long kampani".

Olsem na ol pipel i laikim gavman i mas stapim dispela tingting bilong gavman long rausim ol pipia long solwara.

## Nupela lo bilong Is Nu Briten provins

NUPELA LO bilong Is Nu Briten bai autim moa memba taim provinsal ileksen i long Mas 1989. Dispela nupela lo em toktok long ol memba husat i no bilong Is Nu Briten.

Lo ya i stap pinis

provinsal konstitusen. Em i stap aninit long Seksen 11 (2) tok olsem; kendidet bilong provinsal asempli i mas sitisen bilong provins. Na em i mas stap long konstituensi em i laik resis long en inap long wanpela yia olgeta. Sapos em i no bilong Is Nu Briten,

em i mas sindaun long provins inap long tupela yia orait em i gat rait long resis long provinsal ileksen.

Provinsal minista bilong komyuniti gavman John Tiniu tok klia olsem sapos memba i laik kamap orait em i mas stap long konstituensi em ol i laik resis long en inap tupela yia. Em i ken go mekim wok bilong em tasol em yet i mas sindaun long dispela konstituensi.

Em i tok lo i no inap larim ol memba i resis long konstituensi em ol i gat bisnis long em. (Ol bai i no inap larim wankain pasin i bin kamap long Sir Iambakey Okuk.)

Mista Tiniu i tok dispela lo em i karamapim ol memba husat i gat tingting long resis long provinsal ileksen tasol ol yet no save stap long konstituensi bilong ol.

Wankain pasin tu bai karamapim long Primia Sir Ronald ToVue. Sapos em stap moa long tupela yia long haus bilong primia long Rabaul na i no go long ples, em tu bai i no inap resis.

Primia Sir Ronald i tok ol i toktok tasol long dispela. Ol i wok long paitim toktok tasol ol bai askim ol provinsal loya long lukluk gen long dispela lo.

Dispela toktok i bin kamap tokpait liklik taim asempli i bin bung long 13 Desemba. Planti ol memba i luksave tu olsem, i tru ol i makim konstituensi, tasol planti bilong ol i no save stap long dispela hap.

i go moa long pes 16

## Smith i painim wok



•Smith Karosa na famili bilong em

PAPUA Niugini i gat wanpela aipas man husat i ken lukautim ol swisbot. Nem bilong dispela man em Smith Karosa Em i marit na i gat tripela pikinini. Tasol em i no kisim wok yet.

Smith i kisim skul bilong em long Mosbi na tupela aipas man, John Patrick na Hekoi Igo i bin em. Patrick na Hekoi i kisim skul long pasin bilong lukautim swisbot long Australia.

Hekoi i tok olsem Smith i save pinis long lukautim switbot na em i no inap painim wanpela hevi long dispela wok.

Husat man o kampani i laik givim wok long Smith i ken lusim toksave wantaim St John Asosiesen bilong ol Aipas long telipon namba 251238 o ringim Wantok Niuspepa long 252500.

## Ol Arawe askim ol wantok long larim wok i go het

OLGETA bikman long Wes Nu Briten i mas wok gut long helpim ol papa bilong Arawe Timba kampani.

Menesing Dairekta Lio Apio i mekim dispela toktok. Em i askim Nesenel na provinsal minista bilong Fores na tu Primia bilong Wes Nu Briten long sapatim dispela kampani.

Ol papa bilong graun long Arawe i bin kamapim dispela kampani long Jun 26 1986. Ol i wok inap tupela yia olgeta long kamapim dispela nupela kampani.

Em i tok olgeta papa

bilong graun long Is na Wes Arawe i gat nem long dispela nupela kampani ya, Arawe Logging Pty Ltd.

Mista Apio i tok em i kirapim dispela kampani na askim olgeta papa bilong graun i mas wok bung. Dispela graun em kampani i laik katim timba em ples bilong wokim gaden na painim abus. Ol tumbuna bilong ol Is na Wes Arawe i save wok long painim abus.

Em i tok ol pipel i laik gutpela sevis long ol diwai bilong ol. Na ol i no laik gavman na kampani i long paulim ol pipel. Ol

pipel bai larim ol gutpela kampani husat i no gat nem long wok paul long timba i katim timba bilong ol.

Menesa i tok em i gat bilip tru olsem dispela timba kampani bai helpim tru ol pipel bihain. Bikos, i gat ol gutpela diwai long salim long ovasis na kisim bikpela mani long em.

Em i tok olsem papa bilong graun, mipela ol pipel i laikim skel bilong ol. Wanem profit kampani i wokim orait ol i mas tilim gut dispela mani.

Ol pipel i no dispela kain wankain straik olsem dispela i kamap long Panguna gol

main. Em i tok dispela pasin i no inap tru long kamapim wanpela mani sapos ol pipel i no wanbel long lukaut bilong kampani.

Mista Apio i tok ol papa bilong graun, provinsal gavman na ol arapela bikman i mas wok gut. Ol i mas wok long helpim ol pipel i kisim gutpela sevis long timba bilong ol.

Wanem kampani i wok i mas bihainim gut lo bilong kantri na tu lo bilong asples. Dispela em ol bikpela samting. Planti taim kampani i laik mekim wok long laik bilong

em na trabel i save kamap.

Taim kampani i laik wokim agrimen i mas skelim gut ol tingting namel long papa bilong graun, provinsal gavman na tu nesenel gavman paitim na katim diwai.

Em i askim olgeta Arawe i stap long arapela bilong kantri long no ken mekim ol kain kain toktok. Em i tok mobeta ol i larim na ol papa bilong graun yet i ken stretim.

Bikos planti taim ol arapela man i giaman na tok ol i papa bilong graun na kamapim planti hevi.

MOSBI: Ol plisman long Mosbi i wok long painim wanpela raskol husat i bin givim bagarap long menesa bilong Loloata Ailan Risot na bihain em i ranawe long wanpela liklik bot. Nem bilong man husat i kisim bagarap long dispela birua em Dick Knight.

Plis ripot i tok olsem Dick Knight i lusim sampela ki na wanpela redio long taim em i painim dispela birua. Na ol samting em i bin bagarap long dispela taim i kos mao long K600.

Plis bilong Sentral Provins i bilip olsem dispela raskol i mas ranawe long Milen Be long sas bilong kilim man na em i kam long Mosbi. Ol i bilip nau em i hait i stap long Sogeri eria.

LAE: Bikpela stil pasin i kamap nau long Lae Siti. Long moning bilong Sande 18 Desemba, liklik taim sampela raskol i ranawe wantaim potnait pe bilong ol wokman bilong Burns Philip.

Ol wokman kisim tokwin long ol raskol bai traime stilim pe bilong ol. Olsem na ol i was i stap na ol raskol i ranawe wantaim wanpela brif kes tasol em i no gat mani long en.

Plis ripot i tok olsem tupela man i yusim tupela sotgan na hensapim meri i save stretim pe bilong Burns Philip kampani long taim em i laik go insait long opis.

Na namba tri raskol i bin wet long narapela ka em ol i bin stilim na stapim klostu long Burns Philip stua.

Tasol ol wokman i save pinis na raunim dispela Cressida stesin wagon ka. Hariap tru ol plisman i helpim na holim pasim dispela draiva long Wan Mail na kisim bek tupela sotgan. Narapela tupela raskol tasol i bin ranawe.

Dispela em i namba 7 taim we ol raskol i laik stilim bikpela mani long bikpela san.

ENGA: Long nait bilong Sarere 17 Desemba 1988, wanpela bikpela pait i bin kamap namel long tupela ples insait long Tambul eria long Westen Hailens Provins. Dispela pait i bin kamap bihain long dai bilong wanpela boi husat i gat 16 krismas tasol. Dispela boi i bilong ples Maike.

Plis ripot i tok olsem dispela boi i bin go long danis long narapela ples. Na em i kros wantaim man husat i was long dua bilong banis we danis i kamap. Wanpela man i lukim olsem na i kam long baksait na sutim em. Boi ya i dai planti blut na i dai stret ong dispela taim.

Plis ripot i tok tu olsem sampela haus wantaim kopi diwai na pik tasol i bin bagarap long taim pait i kirap.

Ol plisman long Enga i stap pinis long Tambul eria long stapim moa trabel.

MOSBI: Ol plisman long Mosbi i painimaut nau long wanpela stil pasin em i bin kamap long Tokarara long Sande 18 Desemba, 1988.

Plis ripot i tok olsem K500 mani wantaim sampela samting i bin lus long dispela taim.

Plis ripot i tok tu olsem ol raskol i bin go insait long haus bihain long ol i brukim wanpela windo.

Long las wiken yet, sampela raskol i brukim wanpela haus long Korobosea na ranawe wantaim ol samting em pe bilong ol i moa long K800. Dispela stil pasin i bin kamap long Korobosea.

Ol plisman i painimaut tu wanpela man husat i bin bagarapim wanpela yangpela meri husat i gat 13 krismas tasol. Dispela trabel i bin kamap long Hohola long Sande 18 Desemba.

Plis ripot i tok olsem wanpela man i hensapim dispela meri na kisim em i go long Elkom Kompaun na i bagarapim em.

# NCDIC senisim gen taim bilong salim dring

HEPI krismas na Nu Yia long ol mani bilong painim bia. Nau yupela bai ritim hap stori i kam long ol bikman bilong Nenesenel Kapitell Distrik Interim Komisin (NCDIC)

Insait long wanpela miting long Tunde, Disemba 13, NCDIC i tok orait long oraitim olpela taim bilong salim bia. Na dispela nupela lo bai stat long 2 Januəri 1989.

Dispela tambu long salim bia i bin stap inap 7-pela mun tasol na NCDIC i senisim nau na tok orait long olpela taim bilong salim dring.

Siaman bilong NCDIC, Dokta Jack Ono tokaut long dispela senisim bikos blak maket i wok long kamap bikpela tru insait long Mosbi. Na planti ol arapela stua tu i abrusim taim bilong bisnis na salim bia long laik bilong ol. Dispela i min olsem nau ol lain long NCD i ken baim bia long olgeta de. Tasol, Sande bai nogat. Taim bilong salim bia i stat

long Mande i go inap long Fraide 8 klok moning i go inap long 6 klok long apinun. Na long Sarere, ol i ken salim 8 klok i go 12 klok tasol. Dispela em wanbelo tasol.

NCDIC tu i bin tok orait long givim laisens long ol lain long Setelmen na Motu Koitabu. Dispela bai traim long daunim namba bilong ol blak maket insait long siti.

Siaman bilong Lika laisens long NCD, David Unagi i tok dispela tambu tu i bin kamapim sampela hevi tu. Planti ol man i lusim wok bikos i no gat fultaim wok.

Na arapela tu em NCD i no mekim bikpela mani. Ol i lusim moa long K100,000 long takis bilong strongpela dring.

Em i sapatim tok bilong Siaman olsem taim tambu i kamapim, planti Blak Maket i kamap. Olsem na ol i laik bihainim olpela taim bilong salim bia gen.

Mista Unagi i tok ol lain SP Brewary, husat i save wokim

bia i lusim bikpela mani long NCD. Ol i lusim samting olsem 2 pesen olgeta long mani bilong bia. Tasol ol lain Sentral Provins i amamas tru bikos ol i wokim bikpela mani inap long 60 pesen.

Bikpela haus sik long Mosbi i tokaut olsem nau ol i no kisim planti birua bilong mani spak na bam long ka. Ol plisman tu i tok trabel bilong mani spak na bamim ka o pait i no planti tumas taim dispela tambu i kamap.

Hia em olpela taim bilong salim bia NCDIC i oraitim gen:

- Stua na ol Botol sop na Dealers Laisens i gat wankain taim,
- Mande - Fraide 8 kilok moning i go long 6 kilok apinun
- Sarere - 8 kilok moning i go long 12 kilok - em wanbelo tasol.
- Sande bai pas. Ol bai no inap op long Pablik Holide
- Ol hotel, Motel na Ges Haus - I no gat tambu long ol man i slip long hotel long dring.
- Pablik Ba na Taven,

Mande - Fonde 10 kilok i go inap long hap pas 9 long nait (9.30pm)

Fraide - 6 kilok i go inap long hap pas 9 long nait. (9.30pm) Sarere na Sande 2 kilok i go long 9.30 long nait. Bai pas long ol Pablik Holide.

• Klap Laisens Mande - Sande 10 kilok moning i go long 10 kilok long nait.

• Resturen Laisens i gat rait long salim bia. Ol i ken op long 10 kilok long nait na pas long 12 kilok. Na ol i ken kisim 24 hawa laisens sapos ol i gat ples slip bilong ol man tu.

Ol arapela laisens em Okesenel, Spesel, Dina na ol arapela laisens tu i gat. I gat kain kain awa tu bilong ol dispela laisens i stap antap.

Dokta Ono i tok tupela bikpela de Krismas na Niu Yia i kamap long Sande stret olsem na gutpela. Na ol bai i no inap wari tu long putim tambu.

# Plisman i winim kot

MEJISTRET Philip Takori i rausim pinis kot bilong plisman Patrick Alvin Jockay. Patrick i sanap long kot bikos ol plisman i tok olsem em i bin holim wanpela pamuk piksa ol i kolim "Yamaha Mama" long 4 Julai 1988.

Mista Takori i tok olsem ol 4-pela witnes bilong ol plis i no tok stret taim ol i givim toktok bilong ol.

"Toktok bilong wanpela witnes i egensim toktok bilong narapela witnes", Mista Takori i tok.

"I luk olsem ol CIB

plisman long Waigani plis stesin i bin kamapim dispela giaman stori long kalabusim Patrick", em i tok.

Patrick i bin tokim kot olsem pamuk piksa i bin paul long tebel bilong em i no "Yamaha Mama" i go moa long pes 5



Patrick Alvin Jockay (namel) i amamas bihain long mejistret i rausim kot bilong em.

# Nu Silan gavman helpim Koki maket

HENRY MORABANG i raitim

NU SILAN gavman i givim moa long \$4.9 milien long ol egrikalsa projek insait long kantri.

Sampela bilong ol projek i kisim helpim long Nu Silan em: Mt Wihelm Prut Koperesen - K15,000 na K26,000 i bilong Wapenamanda Vejetebel Ekstensen program.

Wanpela projek nau gavman bilong Nu Silan bai helpim em Koki maket long Mosbi. Dispela maket i gat nem long bipo yet. Na em wanpela olpela maket tru long Mosbi siti.

Nu Silan gavman i givim K317,250 long stretim gen dispela maket. Ol wok kamap

em stretim rot bilong autim pekpek, na tu kisim gutpela wara.

Hai Komisina bilong Nu Silan, Mis Hillary Wilberg i tokaut long dispela taim em i planim wanpela diwai long makim helpim bilong gavman bilong em.

Em i tok mani ya tu bai wokim wanpela paip bilong rausim pekpek i ran i go long biksi. NCDIC bai givim samting olsem K300,000 long helpim wok bilong dispela projek.

Gavman bilong Nu Silan bai givim K8,500 long statim namba wan hap

bilong dispela projek.

Siaman bilong NCDIC Dokta Jack Ono i tok em i amamas tru long dispela helpim bilong Nu Silan. Em i makim maus bilong ol pipel na tok tenk yu long Nu Silan gavman long bikpela helpim bilong ol.

Dispela mani nau bai helpim tru long strongim ol wok bilong NCDIC long gohet.

Memba bilong NCD, Robert Suckling i tok em tu i amamas tru long dispela helpim em gavman bilong Nu Silan i givim.



Hai Komisina bilong Nu Silan Mis Hillary Wilberg i sekhan long siaman bilong NCDIC Dokta Jack Onno bihain long em i givim mani bilong stretim Koki maket.

**Toto**  
WANPELA TAIM TORO I SPAK NOGIT TRU NA EM I GO SILIP...

NAU LONG TRAIPELA NAIT EM I DRIMAN NA EM SINGIM MERI KRISMAS I STAP...  
22 MERRI... KRISMAS... TO..YU... 22 MERI KIRI...

MERI BILONG EM I TING TORO I AMAMAS NA SINGSING I STAP...  
MAN!! TORO I AMAMAS LONG KRISMAS NA SINGSING O WANEM?

TASOL TAIM EM LUKIM,.. TORO I PULIM WIN NA DRIMAN I STAP...  
2222 MERI KRISMAS TU..YU 2222

EM BELHAT NOGIT TRU NA PAITIM MAUS BILONG EM...  
PAGIM MALIS!  
TARANGU TORO I SOT WIN..

# Ol asples helpim ol plisman long holim ol trabelman

## Taim bilong bel isi

Neks wik em krismas na yumi redi nau long amamasim dispela de Jisas i kamap long graun. Em i taim bilong stap isi wantaim famili na amamasim dispela bikpela de bilong yumi ol Kristen.

Na em i taim bilong tingim tu ol arapela manmeri na stap bel isi. Em i taim bilong skelim ol samting yumi mekim long dispela yia na luksave long wanem hap yumi krancki liklik na traime stretim ol dispela asua.

Yumi olgeta i tingting long dispela na amamasim Krismas long stret-pela pasin we yumi no inap long bagarapim laip bilong ol arapela manmeri. Krismas em i taim bilong bilong bel isi na amamas.

Bel isi bilong Krismas long yupela olgeta.

OL PLISMAN long Madang i holim pinis sampela man husat i save wokim planti raskol pasin namel long Simbu na Bundi.

I gat 7-pela man olgeta em ol i bilip i save mekim ol trabel. Tasol plis i holim 5-pela tasol na tupela i ranawe.

Dispela 5-pela man ol plisman i bin holim

em Jerry Makop husat i gat 24 krismas bilong ples Bundikara long Bundi, Maim Agrua husat i gat 35 krismas, Mogl Dilu husat i gat 27 krismas, Ludwik Kambu husat i gat 19 krismas na Jack Oye husat i gat 18 krismas.

Dispela 4-pela arapela man i bilong Kerowagi insait long Simbu Provins.

Sampela pipel long

ples Bundikara i save olsem ol man ya i bin yusim ol sotgan na samting olsem long holim pasim wanpela ka na ranawe wantaim sampela samting. Dispela trabel i kamap long Desemba 8 long samting olsem 3 klok moning.

Ol i toksave long ol plisman na ol yet i helpim ol plisman long mekim wok painimaut long dis-

pela.

Long Desemba 9 long moning, ol plisman i painim hap em 7-pela man ya i save hait insait long bus bilong Ormara eria, namel long Simbu na Bundi.

Sinia Inspekta bilong CID long Madang, Lance Kalale i tok olsem dispela 5-pela man i stap nau long han bilong plis. Na nau ol plis i givim

askim long wanpela pistol na tupela sotgan em ol yet i wokim na i save yusim.

Dispela 5-pela man i bin kamap long Madang Distrik Kot long Tunde 13 tasol, ol i skruim kot bilong ol long bihaintaim.

Kalale i tok tenk yu long ol pipel bilong Bundi long helpim ol plisman long holim ol man.

## Madang senisim ol pablik sevan

DIPATMEN bilong Madang i mekim bikpela senis tru long ol sinia pablik sevan bilong provins.

Primia bilong Madang, Andrew Ariako i tokaut long disisen long ol senis bikos Provinsal Eksekutiv Kaunsil (PEC) i laikim. PEC i askim Seketri bilong Dipatmen bilong Madang Nalon Derr;

- Asisten Seketri Provinsal Afeas - Mr Peter Torot.
- Asisten Seketri Helt - Dokta Steven Demok
- Asisten Seketri Praimeri Industri - Paschal Feria
- Asisten Seketri Fainens/Edministresen - Gedai Gabina

- First Asisten Seketri Komyuniti/Fil Sevis - Dunstun Augustine

- First Asisten Polisi, Plening/Edministresen - Chris Makin

- Asisten Seketri Edukesen - Taman Kim

- Medikel Suprintenden - Dokta Philip Basse

Primia i tok em i mekim dispela ol senis bikos planti tok-tok i bin kamap long ol developmen insait long provins. Em i gat bilip nau olsem dispela senis bai helpim tru gavman bilong em long gohet long kamapim develop insait long provins.

# Wantok

P.O. Box 1982, Boroko  
Telepon: 25 2500  
Teleks: NE 22213  
Faks: 25 2579

## PE BILONG WANPELA YIA, 52 NIUSPEPA

Ples	Air	Surface
Port Moresby	K20	K20
PNG	K29	K29
Australia	K60	K39
New Zealand & Pacific	K78	K16
Amerika & Europe	K118	K60

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.



• Vince Smith bilong Dipatmen bilong Mineral na Eneji i givim mani long ol papa bilong graun long Ok Tedi. Mak bilong mani inap long K208,590.

## Ok Tedi givim royalti mani long asples

OL PAPA bilong graun long OK Tedi main i kisim K208,580 royalti mani. Royalti mani em mani kampani i baim ol long yusim graun bilong ol asples long bisnis bilong kopa na gol.

Ol 4-pela ples husat i kisim mani ya em Bultem, Finalvin, Kaborabip na Tamekit. Ol papa bilong Mt Fubilan, we kampani i wok long digim gol na kopa.

Namba bilong ol man long ples em 688. Na wan wan ples i kisim samting olsem K52,147.71. Dispela mani em bilong Julai, 1 1987 i kam inap long Jun 3, 1988.

Dispela royalti mani i kam long 5 pesen em, kampani i baim gavman. Na arapela 95 pesen kampani i givim Flai riva Provinsal gavman.

Asisten Seketeri bilong Mineral na Prospektin Vin Smith i givim dispela mani i go long ol pipel.

Em i tokim ol man long ples olsem kampani bai givim ol royalti mani bilong ol bihainim arapela rot. Dipatmen bilong Mineral na Eneji bai stretim dispela ol rot.

Ekting jenerel menesa Mile Howard i tok planti bilong kain royalti nau i save kamap long ol kain helpim olsem skul, rot, ed pos na ol arapela komyuniti projek.

Nau ol dispela kain helpim i wok long kamap, ol projek long boda provins bai go het.



# Ami kisim Bogia

PAPUA Niugini Difens Fos bai wokim nupela Ensinerung Yunit bilong em long hap bilong Bogia long Madang provins.

Primia bilong Madang Andrew Ariako i tokaut long dispela bihain long nesenel gavman i oraitim dispela tingting.

Mista Ariako i tok em i amamas long dispela. Bikos nesenel gavman i wok long tilim pawa i go long ol arpaela lain tu long mekim wok developmen. Nupela yunit long Bogia bai soim tru olsem gavman i skelim wok bilong ami i go tu long ol provins. Mista Ariako i tok ol



pipel bai kisim bikipela helpim tru long dispela yunit. Dispela yunit bai go long wokim ol liklik projek i stap insait long mani plen bilong provins.

Gavman bilong Madang i oraitim pinis bikipela graun long hap bilong Bogia long ol ami i ken sindaun na mekim wok.

# Yunian opis long Wewak i autim wari

OPIS bilong Waterside Workers na Seamen's Union long Wewak i wok gut nau bihain long ol i makim ol nupela bosman.

Ol bosman wantaim ol wokman i no bin amamas long pe bilong ol na i bin gat wanpela liklik straik i kamap. Dispela em i namba wan taim tru bilong Waterside workers na Seamen's union long Wewak long straik.

Dispela straik i bin stat long Trinde 7 Desemba long apinun na pinis long hap pas 10 moning long Fonde 8 Desemba.

Ripot i kam long Wewak i tok olsem as tingting bilong dispela straik wok em toktok bilong pe bilong ol wokman na ol bosman bilong Waterside Workers na Seaman's Union.

Jeneral Sekreteri bilong Nesenel Waterside na Seaman's Union, Koea Sale i bin tokim Wantok olsem dispela kain pasin bilong i no baim stret ol bosman i soim olsem ol i daunim tru save bilong ol long sait bilong wok.

Em i tok tu olsem aninit long ol bilong Nesenel Workers na Seaman's Union.

Mista Sale i tok Leba Dipatmen i mas

luksave long dispela samting na stretim hariap. Bikos dispela bai kamapim gutpela sindaun na wok bung wantaim Waterside Workers na Seamen's Union, Shipping kampani na ol wokman husat i save rausim ol kago long sip.

Em i tok olsem ol lain bilong Leba Dipatmen i bin slek tru. Bikos Nesenel

Waterside Workers na Seamen's Union i bin rait i go pinis na kibung wantaim Leba Dipatmen long dispela samting

Tasol bikipela opis bilong yunian long Mosbi i no bin kisim wanpela gutpela tokbek i kam long Leba Dipatmen.

Dispela straik i bin kamap long taim wanpela bikipela kontena

sip ol i kolim Kumul Express i go sua long bris bilong Wewak long Trinde 7 Desemba 1988.

Ol wokman bilong rausim kago long sip wantaim ol nupela bos i straik long dispela taim bikos ol i Leba Dipatmen i mas luksave na stretim hariap wari bilong ol.

Presiden na

Sekreteri bilong Nesenel Waterside na Seamen's Union long Wewak, Peter Kulahi na William Annis i tokim Wantok tu olsem dispela ol hevi i bin stap longpela taim tru inap long 4-pela yia olgeta. Dispela hevi i kamap long taim Martin Rumbrawer na Peter Pagio i bosim opis bilong yunian long Wewak.



• (l - r) Presiden bilong Nesenel Waterside Workers na Seamen's Union long Wewak, Peter Kulahi wantaim Jenerel Sekreteri, Koea Sale long namel na William Annis, Sekreteri bilong Nesenel Waterside Workers na Seamen's Union long Wewak. Ol i sanap long bris bilong Wewak em ol sip save kam na sua long en.

# Kampani painim wel yet

WOK bilong painim wel long Baimuru long Galp provins i wok long go het.

Dispela wok painimauti kamap long hap bilong Era Riva.

Liklik taim dispela Puri wel bai kamap bikipela insdait long kantri sapos olgeta wok i orait.

Mausman bilong trans PNG sevis Bert Counsel i tokim Wantok olsem wok bilong dispela nupela wel i kamap isi isi yet.

Trans PNG sevis em wanpela lokal kam-

pani na i save sindaun long Mosbi. Ol i mekim dispela wok bilong Kundu Oil kampani. Kampani ya i wok wanpela yia olgeta long mekim dispela wok painimaut.

Mista Counsel i tok ol wok i kamap isi isi bikos graun i gat planti ston. Na tu ol i gat hevi bilong save-man long wanem hap tru ol bai go long digim hul.

Samting olsem 100 man i stap long Puri na digim hul bilong painim wel.

# Plisman winim kot

i kam long pes 3

tasol nem bilong dispela piksa em Lakatoi na ol lain bilong Papua Niugini stret i stap long dispela piksa.

Em i tokaut tu olsem em i bin mekim sampela painimaut wok taim dispela piksa i lus.

Mista Takori i tok tu olsem em i gat strongpela bilip olsem i gat wanpela pamuk piksa ol i kolim "Lakatoi"

Long dispela taim tu Mista Takori i tok olsem em bai askim gavman long mekim wanpela painimaut wok long stori bilong Patrick,

bikos Patrick i tok olsem sampela bikman na meri bilong kantri i bin stap long pamuk piksa ol i kolim "Lakatoi".

Em bai askim gavman long makim ol Ombudsmen, sampela jas na na ol prinsipel majistret long mekim dispela painimaut wok.

# Pawa go long ples Siar

LIDA bilong Pipels Progres Pati (PPP) na Deputi Oposisen Lida, Sir Julius Chan i bin go long Madang long Trinde 14 Desemba. Bikos ol pipel bilong ples Siar i askim em long go stap wantaim ol long taim opim Siar Pawa Saplai Projek.

Ol pipel bilong Siar i bin askim Sir Julius bikos long taim em i Deputi Praim Minista, em i tok-save long ol olsem wanpela de bai pawa lain i go long ples bilong ol. Sir Julius i tok tu olsem em bai toktok wantaim gavman na Elcom long kamapim dispela projek.

Sir Julius Chan i mekim dispela toktok long taim em i mekim wanpela lukluk raun i go long Madang.

Na long Trinde 14 Desemba, ol pipel bilong Siar klostu long Madang Taun i lukim stret bilong

dispela K52,000 projek. Elcom yet i bin statim na pinisim dispela projek.

Dispela projek i gat tupela masin bilong saplaim pawa olgeta. Wanpela i saplaim pawa i go long ples na narapela i saplaim pawa i go long plantesen.

Olsem na ol pipel bilong Siar i gat pawa bilong kisim lait na long ol arapela samting em ol i ken yusim long kamapim gut laip bilong ol.

Primia bilong Madang, Andrew Ariako wantaim Spika-Angmai Bilas, Memba bilong Madang Taun-Max Moeder, Rijonal Memba-Tom Bais, Seketeri bilong Madang Dipatmen-Nalon Derr na ol arapela provinsal minista wantaim memba bilong Madang i bin kamap long ples balus na tok welkam long Sir Julius Chan.

## SKELIM TOK...

Joseph Namsu



LONG ples, sapos ol man i lukim blakpela klaut long skai, ol i save bai taim nogut i kamap klostu. Ol man husat i stap painim pis long solwara bai hariap long kisim kanu i go bek long nambis. Na long ples, ol meri bai hariap long kisim paiawut, wara na stretim ol saiyoir na kaikai samting olsem bai ol i no mas go ausait long haus gen long taim ren i pundaun.

Ol man husat i painim abus i stap long bus i save hariap long painim rot i go bek long ples.

Long taim laitning na klaut i pairap em taim nogut bilong bikipela win na ren i kamap klostu pinis. Man, meri na pikinini i mas hariap long go long haus na hait long ren na win. Nogut birua i painim ol.

Mi laik tok piksa olsem longpela taim i kam inap nau, wanpela bikipela blakpela klaut i karamapim yumi pinis. Mobeta yumi mas luksave long dispela na traim redi long abrusim dispela taim nogut.

Toktok na pait bilong graun em i wanpela. Yumi no mas pasim ai na abrusim dispela hevi. Yumi mas stretim kwik.

Graun i mas stap yet long han bilong papa bilong graun. Maski long larim narapela man i paulim na stilim kaikai i stap antap o insait long dispela graun.

Yumi lukim dispela hevi i kamap pinis long Tabubil na Panguna. Na liklik meknais i kamap long Mt Kare na ol arapela hap insait long kantri.

Toktok na pait namel long ol bikman i narapela hevi. Long independens i kam inap nau, yumi lukim planti senis bilong gavman. Ol i senis klostu klostu. Dispela i no gutpela sain bilong wanbel na wok bung.

Toktok na pait namel long ol bikman na ol grasrut i wok long kamap isi isi na i no longtaim bai i pairap. Ol sain i kamap pinis we ol grasrut i lukim ol lida i kamap risman na meri. Na ol i baim pawa bilong ol long mani.

Toktok na pait namel long ol manmeri yet i wanpela moa hevi. Na dispela hevi i wok long kamap bikipela. Planti marit i bruk. Ol pikinini i raun long laik bilong ol. I gat skul i stap. Tasol bikos i gat hevi tu long skul, planti pikinini i mas lusim skul bihain long gret 6.

Planti sem pasin i kamap. Manmeri i lusim tingting long gutpela sindaun bilong famili laip. Birua sik nogut i painim planti pinis. Goneria, sifilis, na ol arapela sik VD i no strong moa. Nau, dispela birua sik AIDS i kam kisim sampela pinis.

Sapos yumi laki na Bikman antap i marimari, ating bai em i salim win i kam rausim dispela klaut nogut i go.

Sapos yumi redi na strong, taim win i kam na klaut na laitning i pairap, bai yumi inap sanap yet. Na long taim ren i pinis, yumi ken luksave olsem san bai i kamap gen. Na graun bai i karim nupela kaikai bilong strongim nupela laip gen. I gat sans yet long yumi ol pipel. Yumi mas senisim laip bilong yumi nau.

# Lini i kotim Sope

## Trabel kamap gen long Vanuatu

LONG Sānde 19 Desemba, 1988 Presiden bilong Vanuatu Ati George Sokomanu i bin makim oposisen lida, Barak Sope

nupela Praim Minista, bilong Vanuatu.

Em i makim Sope wantaim 4-pela arapela oposisen memba long lukautim gav-

man bilong Vanuatu inap nupela jenerel ileksen i kamap long mun Februeri, 1989.

Sokomanu i yusim pawa bilong em olsem Presiden na rausim tu gavman bilong Praim

Minista Pater Walter Lini.

Tasol Lini i tok olsem Sokomanu i no gat pawa long senisim gavman. Olsem na em i tok olsem em i Praim Minista yet bilong Vanuatu.

Long dispela de yet Pater Lini i salim ol plisman i go holim Barak Sope wantaim 4-pela memba bilong em.

Na nau yet i luk olsem ol plisman na ami i stap yet aninit long gavman bilong Lini. Bikos taim ol memba i paitim tok-tok long 1989 Baset bilong Lini Gavman, ol plisman na ami i bin was ausait long palamen.

Sope i tok olsem em bai kisim helpim bilong ami na plis long ol arapela Pasifik kantri olsem Australia, Nu Silan, Fiji o PNG long daunim gavman bilong Lini sapos, sekyuriti fos bilong Vanuatu i bihainim yet oda bilong Lini Gavman.

Praim Minista Rabbie Namaliu tu i givim wankain tok tasol. Namaliu i tok olsem PNG i no inap luksave long dispela nupela 4 memba Was Gavman bilong Barak Sope.

Mista Namaliu i tok PNG i no inap bihainim askim bilong Sope long daunim gavman bilong Lini. Bikos gavman bilong Lini em ol Vanuatu pipel yet i votim.

Mista Namaliu i tok dispela hevi i samting bilong gavman na ol pipel bilong Vanuatu yet. Olsem na i gutpela sapos olgeta politikel grup long Vanuatu i bung na stretim



**London- Ingran:** Ol manmeri i wok long helpim ol pasindia husat i stap insait long ol dispela tren. Samting olsem 25 pipel i dai na 66 i kisim bikpela bagarap tru long taim tupela tren i bam na namba tri tren i kam bamim ol tu.

## Ol Palestain i protes

OLGETA bisnis pipel bilong Plastain i long pasim stua na ol arapela bisnis bilong ol. Oli mekim dispela bikos ami bilong Isrel i bin sutim 5-pela man bilong Areb.

Dispela trabel i bin kamap long Fraide 16 Desemba, 1988 na i statim nupela trabel gen namel long dis-


pela tupela teritori. Ol lida bilong Palestain Liberel Ogenaisesen (PLO) i no amamas long dispela.

Olsem na ol i go pas long kamapim dispela bikipela tripela de straik long soim wari na belpen bilong ol.


Ripot i tok olsem dispela trabel i bin kamap bihain long taim ol yangpela manki manmeri bilong Palestain i

wokim wanpela protes na tromoi ston long ami bilong Isreal.

Las yia ami bilong Isrel i bin kisim Wes Benk na Gasa Strip na i laikim olsem Palestain i mas stap yet aninit long pawa bilong Isrel. Olsem na ol ol pipel bilong Palestain i no amamas long dispela na i save kirapim kain kain protes long i kam inap nau.



**Los Enjeles- Amerika:** Dispela poto i soim tupela top fani man bilong Amerika na Rasia i bung na tok pilai i stap. Frish (lephan) em i bilong Mosko Sekes long Rasia na Bozo (raithan) i bilong Amerika. Tupela i bung long taim ol lain bilong Mosko Sekes i go raun long Amerika.



**Swiden- Dispela tupela poto i soim pes bilong man ya Carl Gustav Christer Pettersson. Em i stap nau long kalabus bihain long em i kilim wanpela man. Ol i ting olsem em tasol i kilim olupela Praim Minista bilong Swiden Olaf Palme long Februeri, 1986.**




**Kairo- Ejip:** Presiden bilong Ejip Hosni Mubarak (raithan) i sekan long King Hussein bilong Joden. King Hussein i stop long Ejip na paitim toktok wantaim Mubarak long taim em i harim nius olsem Amerika bai toktok wantaim ol lain bilong Palestain Liberesen Ogenaisesen (PLO).




**Honolulu-Hawai:** Ol i karim olupela Presiden bilong Filipins, Ferdinand Marcos i go long embulens na kisim em go long haus sik. Marcos i bin sik nogut tru ong dispela taim. Tasol nau ol dokta i tok em i wok long kamap gut gen.



**Tokyo- Japan:** Dispela meri i wok long aigris long dispela ol samting bilong Rasia. Ol lain bilong Japan- Soviet Sosaiti i bin bung na salim ol dispela samting. Mani ol i kisim bai i go long helpim ol pipel bilong Amenia long Rasia husat i bin kisim bagarap long bikipela guria.



**Rom - Itali:** I gat bikipela hevi nau long haus sik long Itali. Ol bet i sot olsem na ol i save putim ol sikman i slip ausait long rum inap i gat spes orait ol i karim ol i go insait. Planti komplem i wok long hamap nau long dispela hevi bilong ol.



**Rangun- Burma:** Dispela plisman i sanap ausait long wanpela haus lotu bilong ol lain Budis long ples Swedagon na was i stap. Ol toktok long blakbot i singautim ol pipel long harim toktok bilong ol ami lida. Ol ami i tekova long gavman bilong Burma long mun Septeba long dispela yia.



**Kena- Ejip:** Ol manmeri bilong ples i sanap lukluk long dispela bikipela smok balus bilong Naijeria Ealain. Balus ya i bin pundaun namel long ol haus long ples Kena long Ejip na kilim wanpel man. Ol 8-pela boskru bilong balus i dai tu long dispela birua.



**OLGETA PIPEL I LAIKIM NIUGINI TABLE BIRDS**

Yu laikim famili bilong yu i kaikaim nambawan kwaliti kakaruk tasol? Maski yu praim, kukim long aven, o yu kukim long paia o yu miksim wantaim arapela kaikai --- Niugini Table Birds em nambawan kakaruk stret.



# Maski dau - nim Is Sepik

Dia Edita,

Mi bilong Wosera long Is Sepik provins tasol nau mi stap long Is Nu Briten provins. Mi laik egensim toktok bilong Tedo Lukas i bin kamap long Wantok Niuspepa.

Tedo i bin tok olsem ol lain Sepik i save raun long olgeta hap. Pas bilong yu i bin tok tu olsem ating ples bilong mipela i pulap long tais tasol oisem na nogat ples bilong mipela long stap stret.

Ating yu yet i bin go raun pinis long Is Sepik provins. Na yu bin lukim olsem ples bilong mipela i pulap long tais tasol. Oisem na mipela nogat ples bilong planim kaikai. Oisem na yu daunim gut tru nem bilong mipela ol Sepik.

Susa, sapos yu no go raun yet long provins bilong mipela ol Sepik, inap long yu baim sip o balus na go hariap tru? Taim yu go kamap, yu mas raun tu long olgeta kain liklik hap kona bilong Sepik.

Ating bai yu lukim olsem arere long rot i pulap tru long ol gaden. Na i no ol wel diwai o samting bilong bus i gro, em ol kaikai bilong gaden stret.

Ating ples bilong yu nogat ol samting olsem mipela long Sepik. Raun bilong mipela i go long arapela hap i no min olsem mipela i lus long kaikai o wanpela samting. Mipela i laik go raun lukluk long ol ples.

Tasol long toktok bilong bikhet pasin yes, dispela em we bilong Gawi. Sampela manki Sepik i save kamapim ol dispela kain bikhet pasin tasol sampela nogat. Oli santu stret.

Dispela ol lain husat i save mekim bikhet pasin i save olsem ol i gat senis i stap bilong kisim ples bilong ol. Sapos ol i dai o mekim wanem, i gat senis i stap pinis. Olsem na dispela kain bikhet pasin bilong ol boi i karim blut bilong Gawi bai i no inap pinis.

**Christopher B. Billson,**  
P.O. Box 8, Rabaul. E.N.B.P.

# Givim moa skul long Sik AIDS

Dia Edita,  
Mi wanpela man bilong Gumine insait long Simbu provins. Mi gat bikipela wari tru long dispela sik ol i kolim AIDS i kamap insait long kantri. Mi wari bikos dispela sik bai bagarapim laip bilong plani manmeri long dispela kantri.

Mi lukim na harim pinis olsem gavman bilong yumi i givim mani long Helt Dipatmen long wokim kempen bilong daunim dispela sik. Kain kain kempen program ol i kamapim pinis long ol niuspepa na TV na ol posta na radio. Mi amamas tru long lukim ol dispela kain toksave program.

Tasol mi gat wari yet. Bikos ol manmeri husat i gat dispela sik bai i no inap long luksave olsem ol i gat dispela sik. Ol bai givim isi tru long ol arapela manmeri. Na ol pamuk man na meri bai i karim raun na givim long ol manmeri. Mekim olsem bai dispela sik i kilim planti manmeri insait long kantri.

Mi wanpela grasrut man tasol mi gat tripela tingting em mi ting bai i helpim long

daunim dispela siks AIDS. Mi laik askim gavman, Helt Minista na Helt dipatmen long lukluk long ol dispela tingting bilong mi. Mi ting ol dispela tripela plen bai inap long daunim sik AIDS insait long kantri.

1. Sapos ol manmeri i laik marit, orait ol dokta i mas sekap long blut bilong ol pastaim. Sapos wanpela bilong tupela i gat sik AIDS, orait ol i no mas marit. Na i tambu tru long ol i marit, mobeta ol i stap singel tasol. Mekim olsem bai ol i no inap long givim AIDS long famili bilong ol tu.

2. Sapos man o meri i gat sik AIDS pinis, orait ol dokta i mas givim sut o marasin we ol bai i no inap tingting long slip na pamuk nabaut.

3. Sapos man o meri bilong wanpela ovasis kantri i laik kam insait long kantri bilong yumi long wok o turis, orait ol dokta bilong yumi i mas skelim blut bilong ol pastaim. Sapos ol i no gat



dispela sik, orait larim ol i kam. Tasol sapos ol i gat sik AIDS, ating i gutpela long salim ol i go bek long kantri bilong ol. Mi ting olsem dis-

pela tripela tingting bilong mi i ken helpim long daunim sik AIDS insait long kantri. Husat man o meri i wari long dispela sik, i kam insait long PNG

orait givim ful sapat na yumi olgeta i ken daunim dispela sik.

**Michael Dulme,**  
P. O. Box 482,  
Kundiawa.

# Woa karia askim long pe bilong ol

Dia Edita,

Mi wanpela man bilong Gumine insait long Simbu provins. Mi gat bikipela wari tru long dispela sik ol i kolim AIDS i kamap insait long kantri. Mi wari bikos dispela sik bai bagarapim laip bilong planti manmeri long dispela kantri.

Mi lukim na harim pinis olsem gavman bilong yumi i givim mani long Helt Dipatmen long wokim kempen bilong daunim dispela sik. Kain kain kempen program ol i kamapim pinis long ol niuspepa na TV na ol posta na radio. Mi

amamas tru long lukim ol dispela kain toksave program.

Tasol mi gat wari yet. Bikos ol manmeri husat i gat dispela sik bai i no inap long luksave olsem ol i gat dispela sik. Ol bai givim isi tru long ol arapela manmeri. Na ol pamuk man na meri bai i karim raun na givim long ol manmeri. Mekim olsem bai dispela sik i kilim planti manmeri insait long kantri.

Mi wanpela grasrut man tasol mi gat

tripela tingting em mi ting bai i helpim long daunim dispela siks AIDS. Mi laik askim gavman, Helt Minista na Helt dipatmen long lukluk long ol dispela tingting bilong mi. Mi ting ol dispela tripela plen bai inap long daunim sik AIDS insait long kantri.

1. Sapos ol manmeri i laik marit, orait ol dokta i mas sekap long blut bilong ol pastaim. Sapos wanpela bilong tupela i gat sik AIDS, orait ol i no mas marit. Na i

**Salim pas i kam long:**

**WANTOK  
NIUSPEPA  
P.O. BOX 1982  
BOROKO**

tambu tru long ol i marit, mobeta ol i stap singel tasol. Mekim olsem bai ol i no inap long givim AIDS long famili bilong ol tu.

2. Sapos man o meri i gat sik AIDS pinis, orait ol dokta i mas givim sut o marasin we ol bai i no inap tingting long slip na pamuk nabaut.

3. Sapos man o meri bilong wanpela ovasis kantri i laik kam insait long kantri bilong yumi long wok o turis, orait ol dokta bilong yumi i mas skelim blut bilong ol pastaim. Sapos ol i no gat dispela sik, orait larim ol i kam. Tasol sapos ol i gat sik AIDS, ating i gutpela long salim ol i go bek long kantri bilong ol.

Mi ting olsem dispela tripela tingting bilong mi i ken helpim long daunim sik AIDS insait long kantri. Husat man o meri i wari long dispela sik, i kam insait long PNG orait givim ful sapat na yumi olgeta i ken daunim dispela sik.

**Michael Dulme,**  
P. O. Box 482,  
Kundiawa.

# Ol Sepik i no wankain

Dia Edita,

Mi bilong ples Mundup long Maprik, Is Sepik. Na mi laik bekim pas bilong meri ya Tedo Lukas bilong Madng. Pas bilong em i bin kamap long Wantok Namba 751.

Mi no amamas long pas bilong yu i tok olsem ol Sepik i raun long Madang na Lae na kamapim trabel nabaut. Sapos yu raun pinis long Sepik bai yu save olsem wan wan ples i gat nem bilong en.

Olsem na mobeta yu kolim stret nem bilong ples na maski long kolim biknem Sepik. I gat ol Sepik bilong maunten, Sepik bilong kunai, Sepik bilong wara na Sepik bilong nambis.

Mi save les long harim dispela hap tok, "Ol Sepik em ol lain bilong bikhet na rap. No gat kaikai na tais tasol i pulap long ples bilong ol."

Mi laik tok klia tu olsem dispela ol yangpela Sepik husat i

save bikhet nabaut long Lae na Madang i no bilong Is Sepik. Ol i bilong Lae na Madang na bikos mama bilong ol i karim ol long dispela tupela ples. Na ol i bikipela long hap na ol i save olsem em i provins bilong ol nau.

Olsem na ating bai mobeta sapos yupela i tok ol Sepik-Morobe, o ol Sepik-Madang.

**Eddie Putpuril,**  
Ples Mindup,  
Maprik.

# Plentesin boi wari long pe

Dia Edita,

Mi wanpela manki bilong Pomio tasol nau mi stap long Panguna, Not Solomons Provins. Mi laik sapatim pas biong Alois Kuanzin i bin kamap long Wantok namba 751. Pas bilong em i tok ol man i mekin bikipela wok na kisim liklik pe.

Mi gat strongpela sapat tru long dispela pas bilong brata Kunazin. Praim Minista na Leba Dipatmen i mas lukluk long dispela hevi. Planti ol papa bilong ol plentesin i no save bihainim gut kontrak bilong ol na bagarapim tru sindaun bilong ol wokman.

Dispela kain pasin i kamap stret long Rabaul. Ating dispela kain pasin tu i wok long kamap bikipela tu long arapela hap

bilong kantri tu ya.

Gavman bilong Rabie Namaliu i mas traim stretim kwik dispela hevi bikos ol wokman i stap na ol plentesin i kamap. No ol dispela lain kokonas tasol i wokim long pulim mani kam insait long kantri.

Dispela em bikipela wari tru bilong ol wokman long ol plentesin nau long kantri. Husat i laik sapatim orait rait na mi ken lukim long Wantok.

**Paul Karong,**  
Panguna,  
Not Solomons Provins.



# PMSA mas autim klap sistem

Dia Edita,

Mi gat wanpela hevi em mi laik ol lain bilong Pot Mosbi Soka Asosiesen i lukim na skelim.

Bipo i gat ol lain bilong Mamose husat i gat ol liklik soka klap long siti i bin pilai long Pot Mosbi Soka Asosiesen. Long taim ol dispela klap bilong mipela i laik pilai, man, mipela i save pulap stret long Bisini Soka Graun. Na PMSA i save pulim bikipela mani tru long get.

Tasol long taim PMSA i putim ol nupela lo na rausim planti bilong ol dispela klap, ol sapat tu i no save pulap olsem bipo. Bikos ol i save olsem PMSA i rausim klap

bilong ol pinis.

Sapos ol dispela klap bilong mipela i stap, bai mipela i pulap long pilai graun long olgeta wiken. Na bai yupela tu i pulim bikipela mani tru long get.

Nau yupela i wok long toktok long salim ol tim i go pilai long ol ovasis kantri tasol mani i sot. Olsem na sapos PMSA i bringim bek dispela lo bilong bipo, bai yupela inap long pulim moa mani stret long get bilong Bisini Soka Graun.

**Peter Siko,**  
Westpac Soka Klap,  
Mosbi.



# LUKLUK LONG NUPELA 1kg PAKET



*rais i waitpela moa...  
na gutpela prais!*

**BAIM  
NAU NA  
YU INAP LONG  
WINIM**

Em i isi! Katim  
 (tenpela rais man i stap long)  
 1 kg Sunwhite Paket na salim  
 wantaim nem na adres bilong yu  
 i kam long ofisal entri fom long:  
 Sunwhite Rice, P.O. Box 1660,  
 Pot Mosbi. Resis bai  
 i pas long 23/1/89.

...olgeta mun bai yu winim TV Set  
na long mun Januari 1989 bai i  
gat bikpela dro long winim  
wanpela TV Set, Vidio Pilaia na  
liklik genereta.



# Kalabusman sapatim program

Dia Edita,  
Mi no wanpela gutpela boi tumas bilong Kavieng. Mi laik bekim sampela toktok bilong Kondom Gendua i bin kamap long Wantok Niuspepa bilong Novemba 17. Toktok bilong yu long dispela pas i nogat wanpela mining long en.

Yu bin tok olsem yu no amamas long dispela ol program Pius Kerepia i laik kirapim. Sapos yu yet i gat wanpela gutpela tingting tru long kirapim ol dispela program orait yu kamapim nau. Sapos wanpela brata o susa bilong yu i stap long kalabus bai yu mekim dispela kain toktok?

Mi sapatim tru toktok bilong arapela lain husat i rait i go long Wantok Niuspepa na egensim yu. Oli save long wanem samting em oli i toktok long en.

Pas bilong yu i laik traim tasol long stapim dispela gutpela program long go het namel long ol kalabus lain na komyuniti. Mi bilip olsem yu yet i no go kalabus o stap long dispela kain hevi yet. Olsem na yu



nogat save liklik long wanem samting em yu toktok long pas bilong yu.

Sapos wanpela taim yu kamap long dispela kain rot olsem mi yet i stap nau long en, yu bai pilim stret. Dispela kain helpim i

gutpela na ating dispela bai i wanpela sans tasol long laip bilong yumi. Olsem na maski long abrusim na traim long daunim ol dispela kain gutpela program.

Tingting bilong Kerepia long

kamapim probesen i gutpela moa.  
**Eric Mangen Rex,**  
CIS Kavieng.

## Yu nogat ples a!

Dia Edita,  
Mi laik autim wari bilong mi i go long ol wantok Simbu. Wari bilong mi i go olsem long Septemba 16 1988, mi bin go raun long Wes Nu Briten Provins long lukim 10 Aniveseri Selebresen bilong Provinsal Gavman.

Mi sindaun ausait long Dagi Trading na harim sampela man bilong Mendi na Tari i tok olsem, "Mipela ol manki Simbu i save brukim Wol rekot". Oli i bin spak long taim oli i mekim dispela toktok.

Tasol ol dispela man i no bilong Simbu, nogat tru. Oli bilong Saut-

en Hailens Provins.

Dispela kain pasin bilong giaman olsem yu bilong dispela hap i no gutpela tumas. Dispela kain na yupela save bagarapim gutpela nem bilong mipela asples Simbu.

Tingim gut na toktok. Na maski long kolim nating gutpela nem bilong mipela ol Simbu.

Em tasol liklik wari bilong mi.

**David Kambu,**  
D.P.I. Kavugara,  
P.O. Talasea,  
WNBP.

## Gavman helpim yut

Dia Edita,  
Mi wanpela grasrut na mi laik autim wari. Nau mi stap long Lae siti na mi laik mekim toktok long ol yangpela insait long siti.

Mi save lukim planti ol yangpela man na meri i save raun nating long taun. Mi save sori tru long lukim dispela. Na mi laik askim ol gavman lida sapos oli gat wanem kain tingting long ol dispela hevi.

Olsem wanem, yupela i nap stretim hevi bilong mipela ol grasrut bilong siti o nogat.

Mi bin ritim olsem gavman i tingting long kirapim tupela nesenel hai skul. Na mi no amamas tumas long dispela plen bilong gavman bilong Rabbie Namaliu. Ating i gutpela oli i ken kirapim tupela bikpela faktori na

industri. Dispela bai helpim ol yangpela long kisim wok.

Mi ting olsem gavman i mas tingting long sindaun long bilong ol pikinini bilong mipela bihain. Oli lida i noken tingim ol lain bilong nau, bikos oli bai dai. Oli pikinini bihain i bikpela samting.

Oli pikinini i kamap bihain bai kam go stret long ol dispela wok. Na dispela bai helpim ol gut tru long noken painim wok bihain taim.

Long pinisim toktok bilong mi, mobeta gavman i mas tingting long kirapim ol bikpela kampani. Na maski long wokim ol kainkain skul.

**Pesuna Kasiram,**  
P.O. Box 80,  
Lae, Morobe Provins.

## Kimbe market i bagarap

Dia Edita,  
Mi bilong Wosera long Is Sepik provins tasol nau mi stap long Is Nu Briten provins. Mi laik egensim toktok bilong Tedo Lukas i bin kamap long Wantok Niuspepa.

Tedo i bin tok olsem ol lain Sepik i save raun long olgeta hap. Pas bilong yu i bin tok tu olsem ating ples bilong mipela i pulap long tais tasol olsem na nogat ples bilong mipela long stap stret.

Ating yu yet i bin go raun pinis long Is Sepik provins. Na yu bin lukim olsem ples bilong mipela i pulap long tais tasol. Olsem na mipela nogat ples bilong planim kaikai. Olsem na yu daunim gut tru nem bilong mipela ol Sepik.

Susa, sapos yu no go

raun yet long provins bilong mipela ol Sepik, inap long yu baim sip o balus na go hariap tru? Taim yu go kamap, yu mas raun tu long olgeta kain liklik hap kona bilong Sepik.

Ating bai yu lukim olsem arere long rot i pulap, tru long ol gaden. Na i no ol wel diwai o samting bilong bus i gro, em ol kaikai bilong gaden stret.

Ating ples bilong yu nogat ol samting olsem mipela long Sepik. Raun bilong mipela i go long arapela hap i no min olsem mipela i lus long kaikai o wanpela samting. Mipela i laik go raun lukluk long ol ples.

Tasol long toktok bilong bikhet pasin yes, dispela em we



bilong Gawi. Sampela manki Sepik i save kamapim ol dispela kain bikhet pasin tasol sampela nogat. Oli santu stret.

Dispela ol lain husat i save mekim bikhet pasin i save olsem oli i gat senis i stap bilong kisim ples bilong ol. Sapos oli dai o mekim wanem, i gat senis i stap pinis. Olsem na dispela kain bikhet pasin bilong ol boi i karim blut bilong Gawi bai i no inap pinis.

**John Wau,**  
P.O. Box 150,  
Kimbe. W.N.B.P.

## Noken sutim tok long

### Ret Skin

Dia Edita,  
Raskol pasin i wok long kamap bikpela

tru insait long Not Solomons provins. Mi bilong Sepik tasol nau mi stap 7-pela yia olgeta long Not Solomons provins.

Dispela kain pasin i no gutpela. Olsem na primia bilong NSP i mas salim olgeta red skin pipel i go bek long ples bilong oli. Oli i ken go bek na kamapim ol dispela kain pasin long ples bilong oli yet.

Primia John Kabiui i mas rausim tu olgeta lain pasindia i stap nabaut nau long taun. Dispela ol lain i as bilong planti ol trabel i wok long kamap nau insait long provins. Rausim ol dispela lain pasindia i stap nabaut long ol plentesin tu. Larim ol wokman na



**YU MAS RAITIM NEM NA ADRES BILONG YU**

meri tasol i stap bilong wok.

Primia Kabiui i mas toktok strong na rausim ol red skin Sepik na Hailens. Dispela ol lain i save kamap long NSP na kamapim nabaut ol trabel na raskol pasin.

Sepik na Hailens em as bilong planti raskol na hambak pasin i save kamap long Not Solomons provins.

**Camillus Waiwai,**  
P.O.Box 36,  
Kieta, NSP.

Raitim stret nem na adres bilong yu long ol pas.

Wantok i no inap printim ol pas we i no gat nem na adres long ol.

## Toksave

Wantok i gat liklik toksave bilong pe bilong ol niuspepa long wanpela yia. Dispela toksave i save kamap long pes 4 ananit long Tokaut bilong Wantok.

Husat manmeri i laik mipela i salim wanpela Wantok i kam long em long wan wan wik, orait em i fri long bihainim dispela toksave na kisim niuspepa.

Mipela i save kisim planti kain pas olsem i askim long pe bilong Wantok. Na mi hop dispela liklik toksave bilong mi bai inap long stretim hevi bilong yupela.

Mi edita.

**Mack Young,**  
RMTL kampani,  
Tenakau Plentesin, NSP.

# DRAIV I KAM.. NA WINIM!

## GRAN PRAIS


dro bilong winim

**MAZDA**

**B2200 DIESEL UTE**

Pei bilong em

**K11,000** bai ol droim  
long Feb. 27,  
1989.



## WANTAIM TUPELA..

Royale VR Rimot  
Kontrol Kala TV  
bilong winim olgeta  
fotnait.

**BIHAIN TAIM  
YU LAIK BAIM PETROL, OIL,  
KEROSIN, BATERI, TAJA NA ARAPELA  
SAMTIN BILONG OL KAR...**

### DRAIV I GO LONG WANPELA LONG OL DISPELA BP SEVIS STESEN

- 40 MILE (Markham Valley)
- GOROKA (4-Pela Ples)
- KUNDIAWA (1-Pela Ples)
- IALIBU (1-Pela Ples)
- MENDI (1-Pela Ples)
- HAGEN (1-Pela Ples)
- KAVIENG (1-Pela Ples)
- MADANG (1-Pela Ples)
- ALOTAU (1-Pela Ples)
- RABAU (1-Pela Ples)
- LAE (4-Pela Ples)
- PORT MORESBY (6-Pela Ples)
- KIMBE (1-Pela Ples)

**TAIM YU BAIM  
OL SAMTIN LONG K5  
O MOA BAI YU KISIM  
FRI TIKET BLONG  
WINIM LONG BP**




## Wanpela moa bris long Mendi

SATEN hailans provins i gat wanpela moa nupela bris nau. Dispela bris i stap long Mangani riva klostu long Mendi. Bipo dispela hap i tais na ol trak i no inap kalapim wara.

Ol lain wokman bilong 12CE Woks, wanpela lain Ami Ensinia bilong Australia, i

bin sanapim wanpela Bailey bris. Tasol nau ol i mekim wanpela strongpela bris.

Na praim Minista wantaim primia bilong Sauten Hailans bai opim dispela bris long kibung bilong ol primia bilong Hailans long Mendi long Jun 1989.



• Ol wokman i hatim wok i stap long nupela bris long Mangani riva.

## Not Solomons stretim rot bilong Wailis

LONG 1989, Provinsal Helt Dipatmen long Not Solomons bai i kamapim 28 tu we redio sistem olgeta long ol rurel helt senta bilong Not Solomon Provins.

Provinsal Minista bilong Helt, Ken Savia i bin tokaut long dispela long Provinsal Asembli.

Savia i tok olsem Provinsal Helt Dipatmen i bin yusim ol mani em Asian Development Beng i bin givim na baim pinis dispela 28 redio olge-

ta. Na nau ol i redi tasol long putim long Kuraio, Tabago, Kalil, Skotlan, Piano Gagan, Lenoke, Sipai, Hanahan na Kunua Helt Senta.

Na long Arawa yet, ol bai putim wanpela bilong ol dispela redio long haus sik na nara-pela long Helt Divisen Opis.

PNG Steel Cable kampani winim pinis kontrak long putim ol dispela 2 we sisten redio long ol dispela hap.

Olgeta memba bilong asembli i bin sapotim

dispela nupela development na tok orait long go het.

Long ol arapela samting em Helt divisen i plenim long givimaut K272,000.

Dispela mani i bilong baim helikopta bilong kisim ol sik pipel i go hariap long Arawa haus sik long taim bilong imejensi.

Na tu bilong baim helikopta long kisim ol dokta na nes i go aut hariap long ol rurel eria em i gat bikpela birua olsem sik, graun i bruk, haiwara na samting olsem.

## Samban kolim bel

PRIMIA bilong Is Sepik, Bruce Samban i askim ol pipel bilong em nau long wok bung wantaim ol plisman na no ken mekim nabaut.

Samban i bin tokaut long dispela bihain tasol long wanpela kibung bilong stapim belpen namel long ol komyuniti lida na plis Lo-met skwat husat i

stap nau long Wewak.

Dispela kibung i bin kamap namel long Provinsal Plis Komanda, Sif Suprintenden Peter Fowler, Opisa husat i bosim Lo-met skwat long Wewak, Tony Wagambie na tupela Komyuniti Lida, Peter Waliawi na Simon Frigia.

Samban i tok olsem dispela kibung i bringim gutpela tingt-

ing nau namel long gavman, plis fos na ol pipel.

Waliawi wantaim ol arapela komyuniti lida i no bin amamas tumas long sampela samting em Lo-met skwat i bin mekim long Wewak. Dispela em long paitim nating ol yangpela manki husat i nogat rong na kisim i go long plis stesin.

- Samting we **Pacific Plastics** yet i wokim long:
- BAKET bilong karim wara o wasim samting i gat long 3, 4 na 5 galon sais.
  - DIS bilong wasim plet, kolos o rausim mumu i gat long 16, 18 na en a haf inses sais.
  - KAP bilong dring ti, kopi o milo i gat long bikpela na liklik sais.
  - KRISTEL GLASS bilong dring wara o kodiol i gat long bikpela na liklik sais.
  - PLAIN GLASS wankain Kristel Glass i gat long bikpela.
  - WATA LADEL yu ken yusim long waswas, skelim wara long dram i go long baket o skelim sup long bikpela pati.
  - LANS BOKS bilong skelim kaikai bilong ol pikinini i go long skul o ol wokman na meri.


Na tu **Pacific Plastics** i gat sampela ol kwaliti samting bilong haus i kam long ovasis.

- BAKET
- PIPIA BAKET
- PIPIA BAKET BILONG haus Kuk
- PLET
- JAG
- BASKET bilong karim kumu
- BOTOL BILONG KARIM WARA

**Go long stua klostu long yu nau na askim stuakipa long ol samting Pacific Plastics i wokim na saplaim.**

# TOP KWALITI PLASTIKS

EM PACIFIC PLASTICS I SAVE WOKIM  
LONG LAE NA SAPLAI I GO LONG OLGETA  
TOP STOA LONG PNG.



# Pacific Plastics

A DIVISION OF PACIFIC FOAM PTY LTD.

PACIFIC FOAM PTY LTD  
PO BOX 2200 LAE  
PHONE: 45-7088, 45-7103  
FAX: 45-7496  
TELEX: 44170

# ARC TITAN


**Moa long 25 yia, mipela givim sevis.**

*Ol saveman tru long*

Steel Fences





Security Fencing




**MERI KRISMAS  
na  
HEPI NIU YIA  
long olgeta  
kastama bilong  
mipela.**

Wire  
Products



Pipes



Security Doors  
and Screens

Nails

**NA PLANTI ARAPELA KAIN SAMTING OLSEM**

# ARC TITAN

P.O. BOX 804, PORT MORESBY  
PH: 21 7712 TELEX: NE2219 FAX: 21 4914  
P.O. BOX 1026, LAE  
PH: 45 7111 TELEX: NE42438 FAX: 45 7385

# Sir Julius toksave long ol pipel bilong Madang

OL LIDA bilong Provinsal na Nesenel Gavman i mas wok bung wantaim long bringim gutpela developmen na sevis i go long ol pipel bilong PNG, Deputi lida bilong

Oposisen Sir Julius Chan i bin tok olsem long Trinde 14 Desemba, 1988 taim em i opim Siar Pawa Saplai Projek. Ples Siar i stap klostu tasol long Madang Taun.

Sir Julius i tok olsem em i amamas olsem pawa i kamap pinis long ples Siar. Na em i tenk yu long ol pipel i askim em long go stap insait long dispela bikpela de bilong ol. "Yupela mas bilip

bikos sampela senis bai kamap nau long ples bilong yupela. Long wanem yupela i kisim pinis pawa na i no inap wari moa long sekyuriti bilong ples. Bikos bipo em ples i tudak na nau em lait i kamap pinis," Sir

Julius i tok.

Ol yut, wimen na sios grup i ken kamapim wok bilong ol nau long nait we ol i no inap long stap nating. Dispela pawa saplai bai helpim tu ol yangpela pipel long stadi long nait, Sir

Julius i tok.

Sir Julius i tok olsem wanpela gutpela samting dispela pawa bai helpim em long kamapim bikpela ol bisnis bilong ples Siar.

Sir Julius i tok olsem Madang Provins i wanpela provins we i gat planti sans long kamapim kain kain bisnis na turis developmen. Em i tokim ol pipel long wanem samting gavman bilong em i bin plenim long mekim long Madang aninit long Egrikalsa Beng.

Ripot bilong hamas dinau mani em Egrikalsa Beng i bin givimaut long 1985 i tok olsem, no gat mani i bin go aut long helpim ol pis projek insait long Madang.

"Long 1986 taim mi stap long gavman, mipela i bin stat long givimaut moa mani i go long Agrikalsa Beng long sapotim 10-pela nupela pis projek insait long provins.

"Na long dispela taim i kam inap nau, Agrikalsa Beng i bin givim K40,800 dinau mani olgeta long

helpim kamapim dispela 10-pela pis projek.

Dispela i bin kamap bikos bikpela tingting long gavman bilong mi em long givim moa helpim na sapot long iekonomik developmen. Olsem na long dispela taim i kam inap nau, moa long K4 miliar em Agrikalsa Beng i bin yusim long helpim kamapim 292 projek olgeta insait long Madang."

Sir Julius i tok moa olsem nupela gavman nau i plenim long givim K20.8 miliar tasol i go long Egrikalsa Beng long narapela yia. Em i tok olsem taim pati bilong em, Pipels Progres Pati (PPP) i stap long Gavman, em i bin plenim long givim K26.9 miliar olgeta i go long Egrikalsa Beng long dispela yia.

Tasol nau i luk olsem nogat planti man insait long kantri bai i kisim dinau long Agrikalsa Beng, Sir Julius i tok.

Long Turis Industri, Sir Julius i tok olsem planti turis i laik go long Madang. "Olsem na mipela i mas sapotim turis industri long taun, siti na ples wantaim", em i tok.



## Taim bilong amamas

●Dispela potu i soim tupela nupela marit wantaim ol pren bilong ol i singsing na amamas raun long bikrot bilong Peach Strit long Atlanta Amerika. Man i bilong kantri Trinidad na meri bilong em i wanpela blakskin Amerika. Oli amamas na singsing bihainim kastam bilong man ya. Atlanta em i wanpela siti long Amerika we ol blakskin na ol waitskin pipel i sindaun gut na i no gat planti trabel tums i save kamap.

# SLIP GUT LONG NAIT


## Baim KWALITI matres NAU

Baim nau wanpela fom matres - askim tasol long **Pacific Foam** matres. Fom matres bai mekim gut tru slip bilong yu. Long nait o san taim yu laik malolo.

Dispela fom matres bai stretim gut bodi bilong yu long taim bilong slip na taim yu kirap bai yu in o inap pilip bodi i pen.

**Pacific Foam** i save wokim gutpela kwaliti matres hia na salim long olgeta stua long olgeta hap long PNG.

**Pacific Foam** i gat planti kain kain sais bilong matres na yu inap baim long ol bikpela stua hia long Papua Niugini.



Mipela i gat

- Ol singel na dabol matres na matres bilong pikinini
- matres/pilo kombinesin
- Fom sip/supa fom/laksuri pilo
- ina spring matres
- Launs sia kusin, kona sopa kusin]
- skaol na spans bilong wasim plet na sospen.

**Pacific Foam** i save salim tu sitbet, taul, blanket na ol kain kain laplap long samapim klos.



# Pacific Foam

P.O. Box 2200, Lae  
Phone: 45-7088, 45-7103  
Fax: 45-7496, Telex: NE44170

# Gavman, kampani na papa bilong graun i kibung Wok bilong painim gol long Porgera

PRAIM Minista Rabbie Namaliu i tokaut pinis olsem ol wok long Porgera bai stat klostu. Em i tok i luk olsem gavman bai sainim

wanpela tokorait wantaim ol lain husat i laik kamapim Porgera

Gol main. Em i autim ol dispela toktok bihain long wanpela bung

namel long nesanel gavman Enga provinsal bilong graun long Porgera na tripela kampani. Ol dispela kampani em Placer Pacific, renuson Goldfield Consolidated Ltd, na MIM Holdings.

Ol dispela kampani i bosim ol wok i kamap long nupela kampani ol i kolim Highlands Gol. Wan wan kampani i gat 30 pesen sea long Highlands Gol na nesanel gavman i bosim las 10 pesen.

Mista Namaliu i tok olsem ol lain bilong Enga provinsal gavman na ol papa bilong graun i bin mekim sampela askim na raitim ol arapela long pepa na autim long dispela bung.

Praim Minista bai askim ol lain bilong Minerels na Eneji dipatmen long glasim kwik ol dispela askim na bekim.

"Em i bikpela samt-ing na planti hevi bai kamap long ples klia tasol i luk olsem toko-

rait bai kamap klostu", Mista Namaliu i tok.

Narapela bung bai kamap na bihain bai ol i mekim las askim long Nesanel Eksektiv Kaunsil (NEC) long oraitim dispela tokorait.

Ol papa bilong graun na Enga provinsal gavman i bin amamas long ol dispela bung. Na ol i tok ol pipel i ken kisim ol wari bilong ol i go stret long ol nesanel minista nau.


Mista Namaliu i amamas long luksave tu olsem ol kampani husat i laik kirapim wok long Porgera i laik statim wok hariap.

Ol bai yusim K700 milien long kamapim wok bilong ol long Porgera na dispela em i bikpela mani tru.

Mista Namaliu i amamas long ol lain bilong provinsal gavman, ol nesanel gavman memba na ol papa bilong graun long ol gutpela toktok ol i bin autim long dispela bung.



. Ol pipel i brukim baksait long painim gol long Mt Kare.



. Klostu bai wok bilong painim gol long Porgera i stat nau.

## Mekim ol strongpela wok wantaim


YU KISIM

WE!?


## HARDIFLEX • HARDIPLANK



I no Inap sting



Em i strong moa na i no Inap bruk hariap



Ol blnatang i no Inap bagarapim



I no Inap paia



Hardiplank Woodgrain

- I no dia tumas
- I ken raun long ol kain ples
- I save pasim strong bilong san na ol bikpela nois
- I isi long wok long en wantaim ol liklik tul
- Em i gutpela tru-i no gat asbestos o wanpela samt-ing bilong kamapim paia long em

Hardiflex



# Steamships

# HARDWARE

HELPING TO BUILD THE NATION



# HARDIE'S

fibre cement building products

# Sevis tisa i malolo nau

OLO GIME em i wanpela meri tisa husat i sevis long wok bilong skulim ol yangpela meri. Mis Gime i wanpela senia tisa long Kiunga Vokesenel Senta long Westen Provins. Em i wok tisa long ol skul insait long Papua Niugini inap long 30 yia olgeta nau.

I no longtaim i go pinis, Edukesen Dipatmen i tok orait long em i kisim long sevis lip. Na long makim dispela bikpela de, ol studen bilong Kiunga Vokesenel Senta i wokim bikpela kaikai tru. Ol i mekim olsem long soim Mis Gime olsem ol i luksave long bikpela wok tru em i

wokim long edukesen insait long kantri.

Mis Gime i bilong ples Masingara long Westen provins. Em i stat tisa long Kerema Girls skul long 1958. Na bihain em i bin tisa long ol komyuniti vokesenel skul long Sentral, Westen, Is Nu Briten, Nu Ailan provins, na Nesanel Kapital Distrik.

Tasol Mis Gime i tok olsem em i laikim tru wok em i mekim nau long Kiunga Vokesenel Senta.

Em i tok, "Long taim mi kamap long Kiunga Vokesenel Senta, ol meri i painim taim. Bikos i no gat man i soim laik long helpim ol long ol hevi bilong

ol. "Long taim mi wok long dispela skul, mi givim bikpela taim tru long skulim ol gut olsem bai ol inap long mekim olkain wok long helpim famili bilong ol, komyuniti na kantri tu."

Edukesen suprintenden bilong Not Flai, Waitua Maina i tok olsem Mis Gime em i wanpela gutpela tisa. Bikos oltaim em i laik lukim ol meri husat i winim skul long dispela senta i kamap ol gutpela na strongpela meri long bihaintaim.

Em i tok tu olsem, Mis Gime i olsem mama bilong ol dispela yangpela meri husat i skul long dispela vokesenel senta.

## Sios i mekim spesel wok

• Dispela poto i soim wanpela wokman i givimaut kaikai long ol hangre pikinini long kantri Sudan, Afrika. Sios grup bilong Jemani ol i kolim Bread for the World i helpim ol pipel long Sudan we taim bilong san i mekim na kaikai i sot tru. Dispela sios grup i winim 30 yia nau long givim kain kain helpim i go long ol kantri husat i wok long develop yet.



i kam long pes 2

Planti ol memba i askim Mista Tiniu long wanem as tru na em i kamapim dispela toktok bikos nau yet i gat lo bilong residen-tal kwalifikesen.

Primia i tok em i no gat as long mekim planti toktok. Bikos nau dispela i kamap wanpela lo pinis. Sapos ol memba i ting olsem ol i brukim dispela lo orait ol i mas

tingting gut. Nogut ileksen i kamap na ol bai no inap kam bek long asembli.

Em i tok i tru planti memba bai kam bek. Tasol ol bai tok tru olsem ol i save stap long konstituensi bilong ol o nogat. Dispela em wanpela bikpela askim nau i wok long gohet. Dispela nupela lo i kamap pinis ya em i no samting bilong bringim i go long kot.

Sir Ronald i tok em i tru planti bilong ol memba nau i no sindaun long konstituensi em ol i makim nau. Planti i stap long arapela hap tasol taim bilong provinsal ileksen nau ol i kam giaman long resis.

Em i tok memba bilong em i gat as long tokaut long dispela nupela lo. Ol memba i mus luksave long dispela sapos ol i stap longpela taim.

# Mi gat hevi bilong painim wok long taun

**DIA LAIPLAIN,**  
Long taim mi pinis long haiskul mi bin go bek long ples na wetim bekim bilong ol eplikesen bilong mi. Mi wet inap 3-pela mun olsem na mi givap na go painim wok long taun. Mi kisim wok bilong klak long opis.

Mi bin ting olsem dispela wok i gutpela na bai mi stap olgeta. Tasol bihain, mi painim olsem mi no gat laik long mekim dispela kain wok. Mi stap wanpela yia tasol na mi lusim.

Mi traिम yunivesiti na stadi long wok ensinia. Tasol bihain long wan yia, mi lusim skul gen bikos mi no pas long eksam. Mi wari nogut tru long dispela na go bek long ples. Mi ting olsem laip bilong ples i gutpela moa. Tasol nogat, sampela hevi moa i kamap long taim mi stap long ples.

Mi laik stap long ples tasol i luk olsem ol pipel i no laikim mi long stap long ples.

Ol i save ting olsem ol lain husat i go long skul bai painim isi tru long kisim ol samting bilong wait-man.



Ol i laik mi kirapim wanpela bisnis bilong groim na salim ol kaikai. Tasol ol i no save olsem man i mas gat mani long mekim ol dispela samting.

Ol dispela lain long ples i save tok olsem mi gat bikpela save. Olsem na mi save long olgeta samting na bai isi tru long mi long kisim dinau long beng. Ol tu bai helpim mi long sampela liklik rot. Ol i toktok long baim wanpela trakta na kirapim wanpela komyuniti fam.

Mi go long beng tasol no gat wanpela samting i kamap. Mi no gat mani bilong kirapim ol dispela kain wok. Olsem na i gat sampela arapela rot o ol bisnis haus i stap em mi ken kisim dinau long ol o?

Mi go bek painim wok gen long taun. Mi bin go lukim bos bilong wanpela kampani tasol wanpela yangpela manki husat i kam bihain long mi i kisim dis-

pela wok. Mi no save nau sapos mi inap painim wanpela wok we mi yet na ol arapla pipel bai amamas long en.

### DISENCHANTED

**DIA PREN,**  
Planti pipel i save salim pas i kam long mipela. Tasol mipela i no gat wanpela isi ansa bilong givim ol. Mi ken wokim wankain toktok tu long yu. Tasol mipela bai traim givim sampela kain rot em yu ken bihainim long lukluk long dispela hevi bilong yu.

Planti yangpela man na meri tude i wok long painim wankain hevi. Ol i wok long pilim wanem samting em edukesen i kamapim insait long Papua Niugini. Ol hevi i kamap tu bikos ol kain kain nupela kastam i kam insait nau long laip bilong yumina planti senis i wok long kamap.

Long bipo, ol lain husat i pinisim skul i gat bikpela sans tru long kisim wok. Olsem na dispela tingting i stap pinis long het bilong ol pipel bilong ples. Long taim wanpela man o meri i lusim skul, ol i ting em bai kisim wok

na kisim fotnait mani. Tasol taim i senis nau na planti skul liva i no inap painim wok. Ol pipel bilong ples yet i mas kisim save tu na luksave long dispela hevi.

I no olgeta lain husat i lusim skul bai i gat sans bilong painim wok. Tude i no gat inap wok long ol gavman dipatmen na ol kamapim. Na long bihaintaim tu bai hevi ya i bikpela moa yet.

I luk olsem yu yet i no klia nau sapos yu laik stap long taun o long ples. Olsem na bai yumi lukluk pas-taim long laip yu bin painim long taun.

Bilong wanem na yu no laikim dispela wok bilong yu? Wok i no gutpela o? Ating yu no bin klia long wanem ol wok yu mas mekim long taim yu wanpela klak. Yu bin amamas long wok wantaim ol arapela wanwok bilong yu o?

Sampela man i save les long wok bikos ol i no save harim tok bilong ol instrakta o bos husat i laik soim ol stretpela pasin bilong wok. Long taim wanpela nupela man i kisim wok, bos i save givim ol liklik wok tasol bilong mekim. Dispela i ken mekim ol i les na

givap hariap tru. Sampela taim bos bai givim em wanpela wok em ol arapela i save les long mekim.

Sapos yu stap isi na wok tasol ating bai yu inap long kisim wanpela gutpela wok tru bihain long wanpela o tupela yia. Dispela bai mekim yu laik wok strong olgeta.

Dispela wok bilong wanpela klak i gutpela sapos yu yet i painimaut moa na bai yu amamas tru long mekim dispela wok.

Sapos yu ting olsem wok bilong klak em i wok bilong raitim namba long ol kat, ating bai yu les. Tasol sapos yu bilip olsem wok bilong yu bai i lukim olsem rais i no sot long ol stua, man bai yu laikim stret dispela kain wok.

Tasol, sapos yu stap long wanpela wok moa long wan yia na painim olsem yu no gat laik olgeta long dispela wok, i mobeta long yu lusim na painim arapela wok.

Tasol bipo long yu lusim wok, yu mas lukim tu olsem i gat gutpela sans bilong yu long painim arapela wok.

Yu tok tu olsem yu wari taim yu painim olsem yu no gat sans long kisim narapela wok. Hia em sampela samting em yu ken mekim.

• Lukim gut edvetis-men long pepa na bihainim stret ol tok-save long taim yu aplai.

• No ken aplai long wanpela wok sapos yu

no save long en. • Long taim bilong intaviu, kisim ol skul pepa bilong yu tu i go wantaim yu.

• Putim gutpela klos na yu mas waswas na komim gras bilong yu.

• Opim maus bilong yu na toktok long man husat i askim kwesten long yu

• Tокtok stret long wanem samting yu inap mekim. No ken giamanim ol sapos yu no save.

Dispela em sampela stia toktok long hevi bilong yu long taun. Neks wik bai mipela i toktok long ol hevi bilong yu long ples na wanem rot yu inap traим long stretim ol.


Mi Laiplain.

Sapos yu gat wari o askim salim i kam long Laiplain Box 6047, Boroko.



# TALAIR

I SALIM TOK AMAMAS  
BILONG KRISTMAS NA  
HEPI NIU YIA  
LONG OLGETA PIPEL LONG  
PNG



**WE ARE THE ONE  
WE ARE THE PEOPLE**

K.K.A. 006/81

# Namba wan Krismas bilong mi long PNG

MI BILONG kantri we long taim bilong Krismas ais i save p u n d a u n n a karamapim ples. Na ples i luk wait moa. Olsem na mi tingim yet namba wan krismas bilong mi long PNG bikos

olgeta samting mi lukim i braun. Mi bin wokim lotu bilong Krismas long 1948 long Kairiru Ailan ausait long Wewak.

Samting olsem 200 manmeri i kamap long lotu. Olgeta i

### FRANK MIHALIC i raitim

blakskin asples. Mi wanpela i putim trau-sis na ol i pasim pur-pur o ol gutpela laplap bilong ol na kamap long lotu. Ol pikinini i stap skin nating.

Ol pipel i bilasim

haus lotu long kain kain plawa na ol lip bilong saksak. Taso kala bilong haus lotu tu i braun. Ol sparan na pos bilong haus i braun na morota tu i braun. Na kala bilong wesana tu i wankain.

Mi putim ol samting bilong wokim misa antap long wanpela tebol em ol soldia bilong Japan i bin lusim bihain long woa i pinis. Kala bilong kalis tu i ros liklik bikos ol misineri i bin digim graun na haitim wantaim ol arapela samting bilong haus lotu bipo long ol Japan i kalabusim ol na kisim ol i go long sip ya "Akikase Maru". Dispela sip wantaim ol lain misineri i lus long

si. Em i namba wan taim tru mi harim tupela singsing ya "Silent Night" na "O Come, All Ye Faithful" i kamap long Tok Pisin.

Orait long taim lotu i pinis, "krismas" i stat. Dispela hap tok "Kris-mas" i karamapim taim bilong amamas na singsing na pati (i no gat dring) Ol yangpela i kamapim kain kain spot resis pas-taim.

Orait bihain long belo ol yangpela man i traime bun long soka. Ol i kikim liklik tenis bal i go na traime long subim i go insait long mak. I gat tupela liklik stik ol i sanapim long mak.

Dispela pilai i go i

go na no gat man i wari long skoa. Pilai i go inap apinun na tupela tim wantaim i win. Pilai i pinisim olgeta manmeri i amamas.

Long taim san i go daun nau ol bikpela manmeri gen i redi. Ol i go daun long kanu bilong ol, kisim ol bilas bilong ol na go insait long bus na putim. Ol i kapsitim sampela smel paura tu long bilasim skin bilong ol.

Orait, ol i kam ausait na hatim singsing i go nap tulait i bruk. I no gat ol strongpela pairap bilong kaset olsem nau yumi save harim, nogat. Ol garamut na kundu tasol i pairap wantaim nek bilong ol

man na meri. Long taim tulait i bruk olgeta nois i pinis. Ol pipel i kirap isi tasol i go daun long kanu bilong ol na pul i go bek long ples. Pent bilong singsing i pas yet long skin bilong ol. Ol i go slip isi long haus bilong ol.

Wanpela yia bihain, mi wokim lotu bilong Krismas long dispela haus lotu gen. Na i gat wanpela mama bilong ailan Mushu tu i kam lotu. Nem bilong em i Meimbol. Na em i karim bilum we liklik bebi bilong em i slip i stap. Pikinini i gat 6-pela wik tasol. Dispela pikinini bilong em i Michael Marai, husat bai kamap bisop bilong Goroka nau.



. Ol i bin kisim dispela poto long 1948. Dispela liklik meri ya i wanpela tumbuna nau.



. Haus lotu long Kairiru Ailan long 1948. Haus bilong ol Mercy Sista i sanap nau long dispela hap long Sen John Semineri.

**BURNS PHILP**  
MERCHANDISE DIVISION

*Wish all our valued clients  
a Merry Christmas  
and a  
Happy New Year.*



\*\*\*\*\*

Our trading hours will be as normal,  
but we will be closed on:  
Sunday 25th, Monday 26th,  
Tuesday 27th December 1988  
& Sunday 1st, Monday 2nd January 1989.

## Habitat sanapim moa haus

OL i bin blesin 6 pela nupela haus na givim long ol papa bilong ol long wanpela spesel bung long Morata insait long Mosbi long Sarere 17 Desemba.

Ol dispela haus i bin kamap long wanpela

progrem bilong lain ol i kolim Habitat For Humanity. Habitat i save kamapim haus bilong ol pipel husat i save kisim k3000 long wan wan yia na i no gat haus.

Jastis Minista Bernard Narakobi i bin go pas long ol

samting i bin kamap long dispela taim.

Pe bilong ol dispela haus em i K3000 tasol sapos ol papa bilong haus yet i kamapim haus bai ol i rausim K400.

Long Mosbi Habitat i kamapim 60 haus na givim long ol papa bilong ol.



• Ol wantok i wok ausait long haus bilong John Kombele. Habitat i bin mekim dispela haus. Lek han bilong John i bagarap na em i save raun long wil sea.

# Moa pasto bilong Sios

I GAT 6-pela moa Luteran pasto i pinisim stadi bilong ol long Martin Luther Semineri long Lae na kisim namba ol i kolim Basela ov Teloji.

Morobe, Hone Pagum bilong Westen Hailans, James Pisaro bilong Enga, James Metis bilong Morobe, Kagle Siwi bilong Simbu, Kinao Orimyo


bilong Isten Hailans, Steven Aigal bilong Madang, Umbi Sinebare bilong Simbu, Wangak Bubun bilong Madang na Terry Alpha bilong

Isten Hailans. Ol dispela pasto bai go wok long ol peris bilong ol long Evenjikal Luteran Sios na Gutnius Luteran Sios bilong Papua Niugini.

## Ol wok bilong ol Aposel

Guria  
ACTS 16: 20-37

Pol i oraitim wanpela longlong meri. Tasol ol bos bilong meri ya i belhat na pulim Pol na Sailas i go long ai bilong kot. Ol manmeri i lukim na ol i kam bung.



Ol dispela man em ol Juda. Ol i laik kirapim trabel na mekim toktok i egensim lo bilong Rom.

Yes Mipela tu i harim.


Tasol...

Sarap! Paitim na kalabusim ol. Na was gut! Nogut ol i ranawe.



Ol i paitim Pol na Sailas na kalabusim ol.

Bai yu dai sapos tupela i ranawe.



Ol tupela misineri i no wari. Ol i strong na pre long God.

Klostu long biknait, bikipela guria i kamap. Haus kalabus i bruk nabaut. Ol wol i bruk na dua tu i bruk.



Guria ya!

## 20 yut wokabaut go long Wes Sepik

SAMPELA lain bilong Lutheran Yut long Lae na Madang i stap nau long Vanimo taun. Tasol dispela ol 20 memba bilong Lutheran Yut i no bin kisim sip na go kamap long Vanimo. Ol i wokabaut bihainim nambis tasol i go kamap long Vanimo.

Sande tasol, 19 Desemba, ol lain ya i kamap long Vanimo taun.

No gat wanpela bilong ol i bin painim bikipela bagarap long skin bilong em. Olgeta yet i bin kisim liklik pen long lek tasol bihain long ol i kisim marasin long ol etpos long rot, na ol i orait gen pinis.

Taim ol i kamap long Vanimo taun, ol i no malolo. Olgeta i taitim rot yet i go kamap stret long boda mak bilong Papua Niugini na Wes Irian.

Ol i tok tu olsem ol pipel long ol ples long rot i bin helpim ol gut tru olsem na long nait i gat ples bilong slip. Ol i no sot long kaikai na long ples bilong slip.

Dispela wokabaut o wokaton bilong ol lain Yut ya i bin stap inap long 7-pela wik olgeta. Na long las

Dispela ol 20 Lutheran Yut bai lusim Vanimo long tude na kisim sip Umbui i go bek long Madang na bihain Lae.

# Tu minit tingting

FRANK MIHALIC i raitim

## Daunpasin bilong Krismas

OL i stori long taim Maria na Josef i wokabaut i go long Betlehem. Long dispela taim wanpela ensel i putim kibung wantaim ol enimal. Em i laik makim sampela enimal bilong sambai long helpim santu famili long taim ol i mas stap long haus bulmakau.

tok, "Yes, ating mitupela inap long mekim wanpela liklik wok. Mitupela i ken sanap na paitim tel na rausim ol lang i go longwe long pes bilong pikinini Jisas."

Laion, king bilong olgeta enimal, em i kirapim tok, "Mi wanpela tasol i mas go. Wanpela king tasol, olsem mi, em inap long stap wokboi bilong man i bosim dispela graun olgeta. Sapos wanpela man nogut i laik kamap klostu tasol long bebi Jisas, bai mi brukim olgeta bun bilong em."

Nau ensel i lap na i hepi na i tok, "Em nau! Yutupela bai pas gut insait long haus bulmakau bilong pikinini Jisas. Oke, yutupela kam na kisim wok bilong yutupela."

Ensel i tok, "Maski long yu. Yu ting long pawa tasol."

I luk olsem dispela em i wanpela fani stori tasol bilong Krismas. Tasol nogat. Em i gat skul bilong em.

Nau wanpela klewa dok i tok, "Mi laik helpim santu famili. Olgeta de bai mi painim sampela switpela hani. Na olgeta de bai mi stilim wanpela kakaruk, bai Maria i ken kukim na wokim sup."

Yes, Krismas em i bikipela de holi. Tasol em i no de bilong onaim ol bikipela man o bikipela samting. Nogat. Em i de bilong onaim ol liklik man na liklik samting nating. Em i de bilong onaim bebi.

Ensel i tokim em, "Yu nogat. Yu man bilong trik na kusai tasol."

Yumi lukim, Jisas i no kam daun long wanpela bikipela haus. Nogat. Em i no kam long wanpela rabis haus bilong ol men yet. Em i kam long haus bilong ol enimal. Ating i no gat wanpela bilong yumi i bin kamap long kain haus olsem.

Orait, nau kumul i kamap na i litimapim ol kangal bilong em na i tok, "Mi inap bilasim dispela rabis haus bulmakau wantaim ol naispela gras bilong mi. Bai haus i smat moa."

Na Jisas i no kamap insait long biksiti. Nogat. Em i kamap long liklik ples nating, nem bilong em Betlehem.

Ensel i tok long em, "Maski, yu man, bilong hambak tumas."

Na papamama bilong Jisas i husat? Man na meri i gat biknem na biknamba? Nogat. Tupela i wokman nating.

Na bikipela lain enimal i traime kisim wok insait long santu famili, tasol olgeta ol i fel. Na ensel i kirap wokabaut nabaut bilong painim wanpela enimal i mas gutpela helpman bilong santu famili. Orait, em i lukim wanpela bulmakau na wanpela liklik hos, tupela i brukim graun wantaim wanpela fama. Ensel i askim tupela, "Yutupela i gat wanem kain save, yupela inap long givim long santu famili?"

Na husat i save long dispela bikipela de tru long stori bilong graun? Maria na Josef tasol. Ol bulmakau tasol. Ol saveman ol i slip tasol long bet bilong ol.

Liklik hos i tok, "Mi no gat wanpela samting. Mitupela i man bilong mekim olkain rabis wok tasol; na i tambu long mipela i komplem. Sapos mipela i komplem, ol i stikim mipela; olsem na mipela i kisim save pinis."

Na wanem lain pipel i go pas long painim bebi Jisas? Em ol wasman bilong sipsip tasol, em ol man i no gat namba.

Na i no gat bikipela betde presen i kamap long nupela pikinini. Nogat. Ating wanpela o tupela pikinini sipsip tasol.

Krismas em i no de bilong ol bikman i gat nem na namba. Ol i no gat interes long Krismas. Em i daunbilo tumas. Olsem na long Krismas De King Herot i slip long Jerusalem; ol bikman i slip long ol siti; ol bisnisman i opim stua bilong ol; ol bikpris i mekim ofa long God.

Tasol olgeta ol i popaia long Jisas. Olsem stori bilong tude i tok: Bebi Jisas i laikim daunpasin na i no hambakpasin.

Nau bulmakau i daunim het na ai na i

# Stori tumbuna bilong ol Ikana

BIPO bipo tru long taim bilong ol tumbuna long Ikana eria long Kainantu, Isten Hailans, i gat tupela man i save stap. Nem bilong tupela em Karo na Aputa.

Karo i marit na i gat 5-pela pikinini olgeta. Nem bilong meri bilong em Uyae.


Na poro bilong em Aputa tu i gat meri tasol em i no gat pikinini.

Karo na Aputa i save stap amamas tru long dispela ples.

Tasol wanpela taim Karo i jeles nating long Uyae na sutim tok olsem em i save paul wantaim ol arapela man long ples.

"Mi no save paul wantaim ol man na yu sutim tok nating long mi. Dispela kain pasin bilong yu i no gutpela tumas. Ating yu mas pinis long jeles nating", Uyae i bekim na krosim Karo olsem.

Tasol Karo i no bilip long toktok bilong



Uyae. Em i ting olsem Uyae i giaman. I no longtaim em i apim Uyae na paitim em nogut tru.

Tarangu Uyae i kisim pen nating na em i kraii stap

Olgeta taim sapos Karo i kisim dispela tingting na jeles bai em i paitim Uyae. Olgeta taim em i save mekim olsem na tarangu Uyae i les olgeta na tingting long ranawe.

Orait wanpela taim Uyae i bungim olgeta

5-pela pikinini na tokim ol olsem em bai lusim ol. "Papa bilong yupela i save paitim mi nating long olgeta nait na san. Na tu em i brukim han bilong mi pinis. Olsem na mi no ting bai mi stap moa wantaim yupela. Mi bai lusim yupela.

Uyae i tokim ol pikinini olsem na em i lusim haus bipo long Karo i kamap.

I no longtaim Uyae i bungim poro bilong Karo, Aputa na tupela i marit. Man Aputa i amamas nogut tru na lus tingting olgeta olsem Karo em poro man bilong em.

Aputa i gat bikpela laik tru long maritim Uyae bikos em i laikim pikinini. Namba wan meri bilong em i no save karim pikinini.

Bihain Karo i painimaut olsem Uyae i maritim Aputa na em i belhat nogut tru.

Em i askim Uyae long kam bek long em tasol Uyae i save spetim em olsem wan-



pela rabis man stret.

Dispela i mekim bel bilong Karo i paia stret na em i laik kilim stret Aputa. Tasol Aputa tu i save pinis na em i save hait long Karo.

Wanpela moning Karo i kisim spia na banara bilong em na em i go na hait arere long gaden bilong Aputa wantaim Uyae. Aputa i ting olsem Karo i no inap kam long moning olsem na em wantaim Uyae i go long gaden. Tasol asde yet Karo i kamap pinis na wetim tupela i stap arere long gaden.

Aputa i tokim Uyae long kamautim gras na em i wokabaut i go arere long gaden na sanapim banis i stap.

Karo i lukim Aputa i go longwe liklik na isi tasol em i hait i go sanap klostu long Uyae. Em i wisil long Uyae na Uyae i tanim na lukim em i sanap wantaim ol samitng bilong pait. Hariap tru em i tokim Uyae long kam ausait long gaden tasol Uyae i kirap na singautim Aputa.

Aputa i harim olsem na i save pinis olsem Uyae i mas lukim Karo. Hariap tru Aputa i kamap na Uyae i tokim em olsem Karo i wisil long em.

Aputa i bel kaskas na kisim spia na banara bilong em. Em taitim banara long sutim Karo tasol Karo i kalap kalap i go na go insait pinis long lain pitpit.

Aputa i no save olsem Karo i hait i stap insait long lain pitpit. Em i wokabaut isi isi i go long sutim Karo tasol Karo i was gut tru long pitpit i stap.

Karo i wanpela masel man tu ya. Olsem na taim Aputa i taitim banara na wokabat i go klostu long hap Karo i hait long en, Karo isi tasol i kalap olsem rokrok na go holim pasim tupela han bilong Aputa.

Em nau pait bilong ol man long hailans stret i kamap. Aputa i laik rausim han bilong Karo na sutim em long spia tasol Karo i holim pasim em strong tru.

Tupela i holim pas na pundaun nabaut long bus i go na mekim indai ol gras long bus i go drai olgeta.

Man, tuhat tu i wasim tupela olsem tupela i waswas long wanpela wara. Tupela pait i go inap apinun stret.

Yu save Karo em strongpela man ya. Olsem na taim Uyae i lukim olsem Karo i

laik winim Aputa, hariap tru em brukim han bilong wanpela diwai na givim stret long het bilong Karo.

Uyae i paitim het bilong Karo i go tasol Karo i no wari long dispela. Em i holim pasim Aputa yet long wanem em i tingim olsem sapos em i lusim Aputa na laik paitim Uyae, Aputa bai kisim spia na sutim em. Em tingting olsem na i no wari long het bilong em.

Tasol wanpela meri long ples i kam na lukim olsem kru bilong ol diwai i wok long mekim nois. Nem bilong dispela meri em Awa.

Awa i wokabaut i go klostu long lukim na em i kalap nogut stret long lukim tupela baga ya. Man, tupela i no isi long taitim bun i stap. Hariap tasol em pulimapim wara na go kapsaitim antap long Karo. Karo i kros

nogut tru na rausim Awa, "Yu go! No ken kapsaitim wara antap long mi. Nogut i wel bai mi lusim Aputa na bai em i sutim mi."

Tupela i takol i go apinun tru na masel bilong tupela i slek olgeta na tupela i lus. Na tu nek bilong tupela i pas olgeta na tupela wantaim i no inap long toktok.

Karo i ting olsem Aputa bai sutim em nau long spia. Olsem na em i ranawe i go long ples. Na Aputa tu i kisim wankain tingting olsem Karo na em i givim long narapela rot i go long ples.

Bihain Karo i painimaut olsem Aputa tu i no man nating. Olsem na em i stap bilong em yet na larim Uyae i stap na maritim Aputa olgeta.

Em tasol liklik tumbuna stori bilong mi.

**Kura Lao, Ikana Village, Kainantu-EHP.**

## Laki Resis namba 1

1, 3, , 4, , 9,

### Wanem namba i no stap.

Sapos yu save orait raitim na salim i kam long:

Wantok Laki Resis Namba 1, P.O. Box 1982, Boroko, NCD.

Nem.....

Adres .....


Ansa .....

I gat 6-pela prais. Namba wan wina bai kisim K50.

Ol top faiv i kamap namba tu bai winim K10

Resis bai pas long Disemba 29, 1988

**Olgeta piksa ya i wankain tasol, wanpela nogat. (Makim king X)**



# WANTOK TOKSAVE BOKIS 252500



## TONOLEI DEVELOPMENT CORPORATION

TONOLEI DEVELOPMENT CORPORATION  
I LAIKIM

WANPELA MAN I INAP BOSIM WOK KONSTRAKSEN

Konstraksen Divisen bilong Tonolei Development Corporation i lukautim wanpela gutpela saveman long wok konstraksen long wok long Luluai. Dispela man i mas sitisen bilong PNG. Man i kisim dispela wok bai wok wantaim Konstraksen Manesa na bosim ol lain sab-konstrakta long ol kain konstraksen na mentenens wok.

Man ya i mas:

- Pinisim Gret 10
- Pinisim wanpela aprentisip long bilda o kamda
- Holim setifiket bilong masta bilda.

Holim ol wok olsem:

- Wok moa long 5-pela yia olsem tredsman
- Wok moa long 4-pela yia olsem bosbol long konstraksen
- I gat lisens long draiv
- I gat ol gutpela ripot i kam long ol kampani em i wok long en bipo.

Pe: - Mipela ken sindaun toktok long dispela samting  
Haus: - Mipela yet i givim haus long man

Salim pas wantaim ol arapela pepa i kam long:

Michael Monsigneur, Construction Manager, P O Box 429, Kieta, NSP.

### TOKSAVE

#### SALIM KAR

PRAIS: K700 tasol  
Ringin:

#### NICK VELA

Pon: 25 2500 Ext 205

**BELATED BIRTHDAY GREETINGS and MERRY CHRISTMAS** to **DAPHNE SARIWA**



who turned 4 this month from Mama and Papa in Lae and Bubus, uncles and aunties in Madang and Wewak and Port Moresby.

### HAPPY 18TH BIRTHDAY

#### DANIEL LAEKA

Love from Mum and Dad, brothers & sisters, uncles and aunties and bubus of Murray Barrack, Gerehu and throughout PNG.  
 Best wishes and seasons greetings from Dorothy, Peter, Susan and all of Word and friends of COES and staff and students of Honola Youth Development Centre.  
 May your future be a bright one!

### BIRTHDAY GREETINGS



#### MERRY KINAKAVA DELMAH

Who will turn 5 on 23/12/88.

Birthday Greetings from Sis. K. Delilah, E. Laty. Brothers David Koikoi, Robin Bill, Ivan Emmanuel, Emmanuel Roy, Arawa Section 14.

Birthday Greetings & Merry Christmas to you from Uncle T. Miro, Uncle Peter Pelis of Arawa 14. Special B/Greetings from mum and dad, Hosea Leslie and Elisa Leslie of Section 14 Arawa.

Lastly from Bubu Talamen and relatives of Karawara United Church, Duke of York Island and May Our Lord Jesus Christ richly bless you.



## Mipela Salim Nau!!

LÖTTI HERÖ  
 hey! sais-ö wish U all the best tis 1988 X-mas. nöt 4getting U dave punza\*c-ü anytime\*



Our Christmas and New Year edition of New Nation is on sale NOW!! Find out how Christmas is celebrated all over the world AND Pull out a reggae poster of Ziggy Marley and the Melody Makers ALSO 'Should the Soviet Union be allowed to set up its Embassy here?', is the topic for discussion. AND Your last chance to tell us what you think of us and win a New Nation ruler to use or give away to your smaller brother or sister to use at school in the new year. Your DEC '88/JAN '89 issue of New Nation



Pot Mosbi Prais - 90t  
 Ol Provinsis - K1.00



# KOPI INDUSTRI ASOSIESEN INC

## PAS YA I GO LONG PAPUA NIUGINI KOPI INDUSTRI

Dispela pas ya em i wanpela pas i go long gavman, nesenel na provinsal; Kopi Industri Bot (CIB) na ol manmeri i save wok kopi. Mipela laik toktok long ol samting i kamap pinis long Kopi Developmen Egeni (CDA) na ol wanem samting i mas kamap bihain.

Kopi Industri Asosiesen em i wanpela rejista industri grup i kamapim mani bilong ol yut. Ol tokman bilong olgeta manmeri i wok kopi. Na bikpela lain memba bilong mipela em ol smolfama husat i gat brans long olgeta provins i save wok kopi. Asosiesen i no kamap long resis wantaim CIB. Tasol em i save helpim ol wok kopi na CIB. Em taim ol i kisim na skelim ol tingting bilong ol pipel i wok kopi. Maski em ol smolholda, o liklik lain i wok kopi, o plantesin, o man i wok faktori o ol kampani i wok long salim kopi i go long ovasis maket.

Kopi Industri Asosiesen i no laik go insait long ol toktok bilong ol lain politik. Tasol ol Eksekutiv Bot bilong Asosiesen i ting nau em i taim bilong tokaut long tingting bilong Asosiesen na wanem samting i mas kamap bihain long CDA.

Kopi Industri Asosiesen i givim sapot long ol kain wok CDA i mekim. Long wanem gavman i no gat wanpela gutpela sevis i givim long ol manmeri i save wok kopi. Ol smolfama na ol liklik lain i wok kopi i save ksim helpim olsem yu ken lukim taim ol i go helpim ol smolholda long pait wantaim dispela kopi ras na helpim ol long kirapim bek wok kopi bilong ol.

Long taim pe bilong kopi i daun dispela takis long 10t long wan kilo kopi i dia tumas. Na long Julai, 1988 Asosiesen i toktok long daunim i go long 3t long kilo. Dispela ripot bilong mipela i karim kaikai na takis i go daun long 3t/kg. Asosiesen i bilip olsem; sapos mipela baim takis orait mipela i gat pawa long toktok long we yumi yusim dispela mani. Tasol inap nau Asosiesen i no gat tok.

Asosiesen i bilip sapos yumi tingting gut long ol dispela samting bai yumi mas orait long holim dispela 3t takis sapos:

1. Yumi skelim gen ol memba bilong CDA Bot ov Dairekta na putim sampela bilong Kopi Industri Asosiesen long Bot.

Ol i ken stap olsem pesman bilong ol pipel i wok kopi. Ol smolfama na ol plantesin tu.

2. Ol pipel i wok kopi i mas i gat nem wantaim CDA. Olsem ol blok holda na ol papa bilong plantesin i ken kisim bek sampela mani long CDA. Yumi skelim dispela mani taim yumi makim hamas hekta ol i planim na hamas kopi ol i salim. Sapos olsem CDA i no mas wari long samting olsem 30 pesen long ol pipel i wok kopi. Olsem ol dispela lain i no hangamap long CDA i ken kisim bek mani bilong ol. Tasol ol yet i mas wok long baim takis yet.

3. Nesenel na Provinsal gavman i gat planti ol kain kain takis na ol pulim bikpela mani. Olsem ol i mas givim mani tu.

Olsem, sapos CDA i putim K100 orait gavman i mas putim K100 gen bai tupela wantaim i helpim wok kopi.

Maski kopi bilong PNG i no bikpela tumas yu sanapim long wok maket. Yumi olgeta i save em i wanpela bikpela samting insait long PNG. Olsem sapos yumi laik bai dispela 300,000 pipel i holim wok kopi i kisim helpim yumi no ken toktok long pinisim CDA. Inap nau ol smolholda i gat bikpela wari long sik kopi ras na ol i sot long mani long helpim ol. Na tu inap nau CDA i lusim K6 milien long sanapim ol samting bai CDA inap helpim ol pipel i wok kopi.

Asosiesen i no laik lukim samting i pundaun o mani bilong kopi industri i go lus nating. Mipela mas lukluk i go long ol yia bihain na tingting long ol wok yumi mas mekim long helpim wok kopi go het. Sapos yumi laik bai wok kopi i go het yumi mas wok. Industri yet i no inap sanap nating.

Ol Bot bilong **KOPI INDUSTRI ASOSIESEN INC.**  
i orait long dispela toktok.

P O BOX 996  
GOROKA, EHP



**POLICE ASSOCIATION OF PAPUA NEW GUINEA**

**OL MAN I WIN LONG ILEKSEN**

MI, ILIKIS PUIPUI, MAN I BOSIM ILEKSEN BILONG PLIS ASOSIESEN BILONG PNG I LAIK TOK AUT LONG NEM BILONG OL MAN I WINIM ILEKSEN.

**PRESIDEN**  
**SENIA NAMBA TU PRESIDEN**  
**NAMBA TU PRESIDEN**  
**NAMBA TU SEKRETERI**  
**NESENEL TRESERE**  
**TOKMAN BILONG PAPUA RIJIN**  
  
**TOKMAN BILONG HAILANS RIJIN**  
  
**TOKMAN BILONG MOMASE RIJIN**  
  
**TOKMAN BILONG NIUGINI AILAN RIJIN**  
  
 Em de namba 19 bilong mun Desemba.

MR ALOYSIUS EVIAISA  
 MR EMMANUEL HELA  
 MR DANIEL LINGNOGE  
 MR J.S MASA  
 MR MURRAY HOLLAND  
 MR EMMANUEL HELA  
 MR DANIEL LINGNOGE  
 MR BENSON OSIL  
 MR THOMAS MANUS  
 MR AMOS LAHO  
 MR SEMEL BUKA  
 MR PAUL MONAMA  
 MR MATHEW MOTEKE

**Namba bilong vot ol man i kisim long Plis Asosiesen IlekSEN.**

**PRESIDEN** NEM NAMBA BILONG OL VOT  
 ALOYSIUS AVIAISA 2,288 ELECTED

THOMAS MANUS 68  
 SAMSON GUREL 64  
 SEMEL BUKA 136

**SENIA NAMBA TU PRESIDEN**

GARI BAKI 526  
 MURRAY HOLLAND 225  
 DANIEL LINGNOGE 534  
 THOMAS MANUS 164  
 SEMEL BUKA 449  
 GEORGE LEI 37  
 EMMANUEL HELA 636 ELECTED

**NAMBA TU PRESIDEN**

MURRAY HOLLAND 537  
 DANIEL KABANG 64  
 JSA MASA 205  
 PAUL OFOI 55  
 THOMAS MANUS 240  
 BEN MCKOI 49  
 DONALD TOKUNAI 89  
 BAKU KOIBI 174  
 STEPHEN KAINA ULA 87  
 PHILIP YONGE 82  
 DANIEL LINGNOGE 548 ELECTED  
 BUBURE SANANA 43

**OSIL BENSON 399**  
**NAMBA TU SEKRETERI**

SLIM RAUFUN 671  
 WOIPA KOGA 173  
 THOMAS MANUS 789  
 JS MASA 907 ELECTED

**NESENEL TRESERE**

NEM NAMBA BILONG OL VOT  
 MORRIS VAEKE 274  
 SLIM RAUFUN 284  
 MURRAY HOLLAND 955 ELECTED  
 KANA KIMONO 174  
 J S MASA 42  
 THOMAS MANUS 402

**PAPUA RIJIN**

EMMANUEL HELA 944 ELECTED  
 ALU LEWA 158  
 J. S. MASA 219  
 SLIM RAUFUN 111  
 DANIEL LINGNOGE 555 ELECTED

**SGT. MAJOR TAPUNGU 551**

STEPHEN KAINA ULA 100  
 BUBURE SANANA 52  
 ISSAC LAKAVAS 110  
 UYAPE KERO 104  
 THOMAS MANUS 213  
 GABRIEL YATAPYA 168

**HAILANS RIJIN**

GABRIEL YATAPYA 812  
 BENSON OSIL 1,546 ELECTED  
 THOMAS MANUS 835  
 MAURE AISO'O 213

**MOMASE RIJIN**

THOMAS MANUS 349  
 M. KAPA 778  
 SEMEL BUKA 907 ELECTED  
 AMOS LAHO 941 ELECTED

**NIUGINI AILAN RIJIN**

MAURE AISO'O 350  
 MATTHEW KOTEKE 1,033 ELECTED  
 GABRIEL YATAPYA 440  
 PAUL MONAMA 1,304 ELECTED

MR ILIKIS PUIPUI,  
 RETURNING OFFICER,  
 POLICE ASSOCIATION GENERAL ELECTION 1988.



## **TOK SAVE I GO LONG OLGETA KAMPANI I WOK ANINIT LONG PROGRAM LONG PASIM SAMPELA MANI BILONG OL WOKMANMERI BILONG KAMPANI NA SALIM I KAM LONG INVESTMENT CORPORATION**

PLIS, YU MAS SALIM OL MANI YU RAUSIM PINIS LONG PE BILONG OL WOKMANMERI BILONG YU WANTAIM OLGETA ARAPELA MANI BILONG OL YU NO SALIM YET. OL DISPELA-MANI WANTAIM LISTA BILONGOL WOKMANMERI I MAS KAMAP LONG OPIS BILONG MIPELA BIPO LONG 15 JANUERI, 1989.

DISPELA EMI BIKPELA SAMTING BIKOS MIPELA MAS KISIM NEM NA MANI BILONG OL DISPELA MAN. NA BIHAIN MIPELA KEN WOKIM SEA BILONG OL NA PUTIM NEM BILONG OL INSAIT LOG BUK BILONG SEA HOLDA OLSEM MEMBA LONG 31, DESEMBA 1988. OLSEM TASOL O I KEN KISIM SEA MANI BILONG OL TAIM MIPELA I SKELIM BILONG 1988.

### **OLGETA MANMERI I HOLIM SEA**

Olgeta askim bilong 1988 long baim bek sea i mas kamap long opis hia bipo long 31 Desemba 1988.


Plis save gut - Olgeta askim bilong baim sea i kamap long opis bihain long 31 Desemba, 1988 bai i stap nating inap long pinis long mun Mas, 1989.

Mipela i wokim olsem bai mipela ken stretim mani bilong ol memba bipo mipela prinim Anual Statement ov Akaun na skelim pinis ol mani bilong ol seaholda i gat nem long buk long 31, Desemba, 1988.

Helpim mipela bai mipela ken pinisim dispela bikpela wok

**ALOIS MALORI,  
FUND MANAGER.**





•Ples hait bilong ol opisal bilong Gerehu Tas ragbi resis. Presiden Kairi Soi i sindaun namel long olgeta lain ya. Traim painim em?



•Ol pilaia bilong Country i kam ausait long fil long hap taim na i wok long tingting i stap long wanem gutpela rot bilong abrusim ol binatang nogut ya.



•Ol sapota bilong Para Eels i amamas bihain long tim bilong ol i autim Sharks 6-2 long las wiken.



•Ol manki Spiders i sanap na kisim piksa bipo long ol i kisim fil las wiken. Spiders i bagarapim stret sindaun bilong Atlas Country 16-1.

## Taim bilong malolo nau

GEREHU Tas Ragbi bai malolo long Krismas na Nu Yia. Ol pilaia bai yusim dispela ol de long amamas wantaim ol famili bilong ol.

Kairi Soi bilong Gerehu Tas Ragbi i tokim Wantok olsem pilai bai stat gen long Januari 7.

### Ol poto na stori IAN KAKARERE

Em i tok Gerehu tas ragbi i ran gut tru. Olgeta pilaia na ol gem i kamap gut na ol amamas long malolo. Ol bai kamap gen bihain long Niu Yia long statim gen sisen bilong ol.

Mista Soi i tok tupela nupela tim i

bin joinim Gerehu Tas ragbi dispela yia em Atlas Kantri na Tigers. Ol arapela tim em Para Eels, TST Shark, Raiders, Bears, Bulldogs, Rabbit, Spiders, Poolside Roosters, Tigers na Atlas Country. Dispela nau i apim

namba bilong ol tim i go antap long 10-pela tim. Las yia i gat 8-pela tim tasol.

I gat bikpela ren tasol pilai bilong Gerehu Tas Ragbi i gohet. Long ol arapela gem i kamap las wik, Spiders i daunim Country 16-1, Eels i winim Sharks 6-2, Raider i winim Bears 4-0.




•Ol pilaia bilong Para Eels i sindaun na amamas long win bilong ol egensim Sharks long bikpela pilai bilong Gerehu Tas ragbi resis.




•TST Sharks i lus long Para Eels long las wiken long Gerehu tas resis. Ol i mas tingting strong na senisim ol dispela stail bilong ol long pilai long neks sisen.



•No ken wari tumas, ol yangpela na lapun bilong Sharks. Taitim bun gen neks yia na ating bai yupela gat sans ya.



Los Angeles - Amerika: Wol heviwet boksen sempian Mike Tyson (lephan) i sanap wantaim Frank Bruno man husat bai salensim em. Tupela man ya bai pait long Las Vegas, Amerika long Krismas de 25 Desember.



Gotenbeg - Swiden: Tbp tenis pilaia bilong Wes Jemani Boris Becker i sanap lukluk long ol man i stretim dro bilong bikpela tenis gem ol i kolim Davies Kap. Wes Jemani bai i salensim Swiden long dispela resis.

# Tonga Spots graun i no redi long mini SP gems

PAPUA Niugini Spot Federeesen (PNGAF) bai i no inap salim olgeta tim i go pilai long mini Saut Pasifik Gem long Tonga neks yia. Dispela mini gem bai kamap long Ogas 1982.

Insait long wanpela ripot long Tonga i kamap long PNGSF long April 8, 1988 i tok olsem 9-pela gem bai go pilai. Ol dispela tim em soka, ragbi union, Skwas, Tenis, Volibal, Boksing, Netbal, Basketbal, Atletik.

Tasol long ripot i kam gen long 14 Desember i senis. Spot Federeesen bilong Tona tok tupela gem bai aut. Nem bilong dispela tupela pilai em skwas na ragbi union.

Olsem na long Vien-

na, Austria - ol Pasifik kantri i bin kibung na pasim tok olsem ol bai go het long nupela gem. Ol dispela gem nau bai pilai em soka, tenis, atletik, Gof, boksing, netbal, wetlifting. Dispela em tim spot i save nidim moa long 22 pilaia long wanwan tim.

Seketeri bilong PNGSF John Dawan-



•Dawanincura

incura i tok ol i autim tupela spot bikos i no gat inap mani na tu ol wok i bilong stretim graun bilong ol dispela spot i no pinis yet.

PNGSF i wok long tingting long pilai gof. Mr Dawanincura i not ples bilong pilai i no gutpela tumas. Na PNGSF bai painim hat long salim gof tim i go long dispela gem.

Em i tok em bai go stap long miting bilong Komenwelt gem long Nu Silan na bihain bai go olsem long Tonga taim em i laik go holim Spot semina long Westen Samoa.

Ol ogensaisa bilong spot i makim ol spot bikos ol i gat ples pilai bilong ol i stap pinis.

Mista Dawanincura i singaut long olgeta 7-pela klap long lukim em long opis kwik long stretim ol samt-

ing bilong dispela gem.



Nu Yok - Amerika: Michel Petit (namba 24) bilong New York Rangers i pundaun nogut tru long taim em i pas long golkipa bilong New York Islanders, Billy Smith. Ol tupela tim ya i resis long ais hoki.

## Yako na Waramo winim Volibal fainal

BIKPELA gren fainal bilong Vanimo Volibal Asosiesen bin kamap long las wik Sarere, Desember 17. Namba 1 pilai i bin stap namel long tim bilong ol meri long Wutong na Yako 1.

Insait long dispela pilai, Yako 1 i bin nekem gut tru Wutong long 3-0. Olsem na Yako i kamap primia tim bilong ol meri long Vanimo volibal sisen long dispela yia.

Narapela bikpela pilai gen bilong ol

man i bin stap namel long Waramo 2 na Yako 2. Samting olsem 200 man, meri na pikinini olgeta i bin kamap long Vanimo Volibal fil bilong lukim dispela pilai. Tasol pilai long dispela em no bin strong tumas namel long tupela tim olsem i save kamap long bipo.

Kepten bilong Waramo Cletus Toles i bin bringim wanpela gutpela tim tru long kisim fil. Kain ol man olsem Stonie Peyikre, Cletus Toles, George Poti, Julian Saki,

Harold Itaar na Robert Ben i bin bagarapim stret ples long Sarere.

Long stat bilong pilai, Yako i bin winim tupela set na i wok long go pas. Pilai i no strong tumas long wanem i bin gat bikpela win tru. Graun tu i bin bagarap tru long dispela taim.

Waramo i bin brukim kiau long namba tri set. Tupela arapela set i kam bihainim win isi tru na Waramo i autim gen tupela wantaim.

Yako i bin gat sampela gutpela pilaia olsem ol spaika, Clement Opipa, David Poma, Bonny Kaiyo, Philip Samuel na Wax Rappie i bin soim gutpela pilai tru long givim na setim bal. Tasol dispela ol lain i no inap pilai gut na Waramo i autim tiket bilong ol.

Yako i no bin kamapim gutpela pilai tumas long dispela taim long wanem ol i ting olsem ol bai autim Waramo isi tasol olsem bipo. Tasol ol i kalap nogut long

lukim tebol i tanim na Waramo i autim gut tru nus bilong ol long las tripela set i stap long gem.

Provinsal minista bilong Hom Afeas, Yut na Spot, Rex Namah i tokim moa long 200 pipel i bin bugng long Vanimo volibal fil olsem opis bilong em bai givim ful sapot long ol spot insait long provins. Dispela ol kain kain spot olsem basketbal, soka, volibal, netbal, ragbi sofbal na ol arapela.

Wanpela senis em Mista Namah i bin

toktok long en em long wanpela nupela bikpela pilai graun long neks yia. Taim dispela fil i pinis, olgeta gem long bihain taim bai i kamap long wanpela fil tasol. Dispela em tupela fil bilong volibal, tupela bilong basketbal na tupela bilong netbal.

Em i bin tok tu long dispela taim olsem opis bilong em i op tasol long kisim askim na givim helpim i go long ol opisal bilong ol spot asosiesen insait long provins.

Mista Namah i bin

givim bikpela tok amamas bilong em tu i go long ol tim husat i kamap sempion bilong dispela yia long volibal. Dispela em long Yako tim bilong ol meri na Waramo bilong ol man.

Presiden bilong Vanimo Volibal Asosiesen Paul Samofi i bin givim bikpela tok amamas bilong em tu i go long olgeta klap long gutpela wok bungwantaim bilong ol long mekim dispela sisen i kamap gutpela tru.

# PMISA pinisim klap sistem long 1989 sisen

POT MOSBI soka asosiesen bai autim klap sistem long neks yia. Ol bai go bek long yusim olupela sistem bilong kik long 1989 soka sisen.

Presiden bilong Mosbi Soka Asosiesen, Ben Manoi i tok olgeta klap bai bihainim olupela sistem. Em i min olsem klap sistem i no gutpela tumas long helpim wok soka bilong Mosbi.

Em i tok bai i gat Primia, Namba wan, Namba tu na Women divisen. Na ol tim i gat Primia divisen i mas putim Anda 18 na tu Primia Riserv.

## HENRY MORABANG i raitim

Rejistresen fi bilong ol klap long PMISA em K350. Sapos wanem klap i gat tupela tim bai baim K350. Olsem tok piksa sapos Sobou klap i gat Namba wan divisen na Meri divisen tasol ol bai baim K350.

Insait long wanpela miting i kamap long Disemba 7, long Bisini Graun, ol i pasim tok olsem olgeta pilaia insait long PMISA i mas baim K20 rejista fi. Maski ol i pilai long Senia, Wimens, o Junia tim.

Wan wan tim i mas gat 15 pilaia. Olgeta

klap opisal i mas luk-save gut long dispela hevi. Na no ken kamapim kain kain ol toktok long namba bilong ol pilaia.

Seketeri William Vui i tok wan wan tim i mas rejista tu long PMISA. Primia, Primia/Riserv, na Anda 18 bai tromoi K20 long rejista fi. Na Namba wan divisen, Namba tu divisen na ol Meri bai tromoi K25 rejista fi long PMISA.

Em i tok PMISA nau i putim strongpela lo long de bilong baim afiliesen fi na tim rejistresen fi. De

bilong baim afiliesen na tim rejistresen fi bai pas long 1 Januari, 1989. Na de bilong baim pilaia rejistresen fi bai pas long 22 Mas, 1989.

Mista Vui i tok wan wan divisen i mas gat 12-pela tim. Tupela olupela primia tim Air Niugini na Tarangau bai kik nau long Namba wan divisen. Ol i no bin pilai gut long primia divisen na PMISA i daunim namba bilong ol.

Tupela bikman bilong asosiesen i askim ol soka sapota husat i laik putim tim bilong ol tu i mas givim nem hariap.



•Seketeri bilong Pot Mosbi Soka Asosiesen William Vui bai nogat wanpela toktok bilong mekim. Em ating i amamas tasol long tingting bilong kibung long rausim klap sistem.

## Don Bosco i kamapim ol top soka pilaia bilong bihaintaim

GURIA soka klap bilong Mosbi bai i kisim planti pilaia bilong Don Bosco U18 tim na putim ol long primia divisen neks yia.

Dispela em i wanpela bikpela samting Guria i redi long mekim long winim gren fainal bilong neks soka sisen.

Wantok i kisim toksave olsem ol i makim pinis 6-pela pilaia bilong U18 tim bilong Don Bosco long pilai long primia divisen bilong Guria.

Ol dispela pilaia em Aisi Geua, Oala Ambros, Raymond Charles, Terence Sowni, Dissok Gaigamen na golkipa Ronald Simon.

Ol opisal bilong klap i bin askim tu ol dispela yangpela pilaia long pilai insait long 1988 Nesanel Soka Klap sempionsip. As bilong dispela em long redim ol yangpela long kik bilong

## LEO WAFIWA i raitim

neks sisen.

Tasol tripela yangpela tasol i bin kik insait long dispela sempionsip em Guria i winim bihain long ol i daunim Lae Buresong 1-0. Ol dispela yangpela em Aisi Geua, Oala Ambros na Terence Sowni.

Tripela arapela pilaia i no bin pilai insait long dispela tonamen bikos ol i bin go long skul holidi.

U18 Kosa bilong Don Bosco Brata Leo Daque i tokim Wantok olsem em i amamas tru long lukim ol opisal bilong Guria i luk-save long stended bilong soka em ol yangpela manki bilong em i gat.

"Mi lukim olsem ol yangpela ya i gat gutpela stended long pilai long primia divisen. Dispela bai i

namba wan taim bilong ol long pilai long primia divisen. Olsem na dispela promosen bai i kamap olsem wanpela salens liklik.

Tasol mi gat bikpela bilip olsem ol bai inap winim dispela salens."

Lukluk long gem bilong ol long dispela yia, em i tok olsem ol dispela yangpela pilaia i soim pinis olsem ol i ken pilai long primia divisen. Bikos long hatwok bilong ol tasol na ol i bringim U18 tim i go insait long gren fainal we ol i autim Yunivesiti 2-0 long ai bilong planti pipel tru.

Dispela tupela gol i bin kam stret long lek bilong yangpela Aisi Geua.

Aisi na Raymond husat i save pilai long fowatlain i namba wan straika bilong U18 divisen. Bikos long dispela sisen tupela i winim ol arapela straika na putim

planti gol tru. Aisi i skoaim klostu 50 gol na Raymond i ran bihain long em wantaim moa long 30 gol. Bihain long Aisi na Raymond em Terence Sowni.

Dispela yia i bin wanpela gutpela soka sisen stret bilong ol yangpela studen bilong DBTS.

Tupela tim bilong ol long PMISA i winim gren fainal.

Dispela tupela tim em U18 yet na U16 tim. Dispela tupela tim wantaim i pilai aninit long nem bilong Guria Klap.

Presiden bilong Guria Klab, Dokta Peter Pangkatana na Seketeri Siwai Sitapai wantaim Het kosa bilong Guria, Andrew Waho i tok olsem ol i amamas long gutpela stended bilong pilai ol dispela yangpela studen bilong DBTS i kamapim long dispela sisen.

Na ol i tokaut olsem Guria

Klap bai i amamas tasol long ol studen bilong DBTS husat i save pilai long U18 na U16 tim aninit long nem bilong Guria.

Dispela sisen em 9-pela pilaia olgeta bilong U16 tim em i stap insait long Mosbi skwat na i winim Nesanel U16 sempionsip i bin kamap long Goroka long mun Julai na Ogas, 1988.

Long dispela 9-pela pilaia em 5-pela pilaia i winim narapela seleksen gen na i stap insait nau long PNG Nesanel U16 trening skwat.

Dispela PNG Nesanel U16 skwat bai go daun pilai long Australia long Osinia Eliminsesen fainal long Januери 20-29, 1989.

Nem bilong ol dispela 5-pela yangpela pilaia bilong Guria U16 tim em Walolai Matapere, Kilus Purai, Billi Anthony, Jesse Pasing na Daniel Holland.



•Terence Sowni (sindaun) i stap namel wantaim Mosbi Guria tim bilong dispela yia. Ol i bin resis long Nesanel Taitel Sempionsip pilai long Mosbi. Guria Mosbi i strong na autim Lae Buresong long gren fainal na kisim taitel.



• Lep i go long raithan em Aisi Geua, Oala Ambros na Terence Sowni. Ol i redi tasol nau long pilai long primia divisen bilong Mosbi Guria klab long 1989 soka sisen.

**PNGFA tu i laikim nem long ovasis kontrak**

OL KONTRAK soka pilaia bilong PNG bai no gat sans long makim PNG sapos nem bilong PNGFA i no stap long kontrak pepa bilong ol.

Seketeri bilong PNGFA Andrew Waho i mekim dispela tok-tok taim em i painim aut olsem John Tutumang bai go traime pilai long Australia. Tutumang bai lusim PNG long Desemba 23 long pilai wantaim Marconi soka klap bilong Sidni, Australia.


Waho i tok em i amamas tru long ol PNG soka pilaia i wok long winim spes bilong pilai long ol tim bilong Australia. Tasol em i tok em bai hat tru

long kisim ol i kam bek taim PNG laik holim intanesenel gems.

Mista Waho i tok sapos Tutumang i winim kontrak orait PNGFA tu i mas stap taim Marconi klap na Australia Soka Federesen i laik sainim agrimen bilong kontrak.

PNGFA i painim hat tru long kisim Manis Lamond na John Forova long taim PNG i laik makim tim bilong Saut Pasifik Gem las yia. Bikos PNGFA i no gat nem long kontrak bilong ol.

Em i tok taim PNGFA i askim long kisim tupela pilaia, klap bilong tupela i sasim PNGFA



**Andrew Waho Seketri bilong PNGFA**

\$50,000. Dispela em i baim. Tupela i pilai bikipela mani tumas long Sidni Croatia. na PNGFA i no inap Olsem na Waho i

askim olgeta pilaia na klap husat i laik salim ol pilaia i go long Australia i mas lukautim gut wok. PNGFA i mas save long wanem samting ol dispela klap i laik mekim.

Em i tok PNG i gat ol top pilaia. Olsem na PNGFA i laik lukautim ol gut bikos bihain bai PNGFA i nidim sevis bilong ol long makim PNG.

Em i tok strong olsem ol i ken long gohet na mekim samting long laik bilong ol tasol PNGFA bai givim tok orait. Aninit long FIFA, o mama lo bilong soka, PNGFA i mas oraitim pastaim na ol dispela pilaia i ken go. Bikos ol dispela pilaia i rejista long nem bilong

PNGFA.

Kosa bilong Marconi soka klap Berti Mariana i tokim Wantok olsem ol i wetim John Tutumang longpela taim pinis. Tasol ol i no klia gut sapos em bai go pilai wantaim ol o nogat.

Em i tok em i bin ringim Tutumang na toktok planti taim wantaim em pinis, tasol ol i wetim tasol Tutumang long tokaut long laik bilong em.

Mariana i tok long taim bilong traime ol pilaia i pinis tasol ol bai larim John Tutumang long gohet wantaim ol. Taim bilong traime ol pilaia i pinis las wik.

Em i tokaut olsem em i no kisim yet wanpela ripot long

John Tutumang long go daun long Australia.

Bikipela astringting bilong klap em long larim ol yangpela pilaia long traime save bilong ol. Na ol i mas soim tru olsem ol i lain bilong pilai soka.

Soka klap bilong Manis Lamond, Sydney Croatia i tingting tu long kisim tupela yangpela pilaia Desmond Waku na Mark Kalong. Sapos Melbourne Croatia i no helpim ol, ol lain long Sydney bai givim ol spes.

Tim Runich i tokaut olsem ol i laik dispela tupela yangpela manki long kik wantaim klap bilong ol.

**PNGFA nidim K20,000 bilong U16 skwat**

BIKPELA kik bilong Osinia eliminesen fainal bai kamap long mun Januери 1989 long Sidni, Australia. Tasol Papua Niugini Futbol Asosiesen (PNGFA) i no gat inap taim long bungim K30,000 bilong salim wanpela PNG U16 team long dispela tonamen.

Seketeri bilong PNGFA, Andrew Waho i tokim Wantok olsem PNGFA gat K10,000 tasol. Olsem na asosiesen i sot yet long K20,000 long salim wanpela tim.

Em i tok pe bilong baim tiket tasol bilong 18 pilaia wantaim 4-pela opisal long Mosbi go long Sidni na kam bek em i K12,000 olgeta.

Waho i askim nau sapat bilong pablik wantaim ol bisnis haus long givim helpim long PNGFA.

Em i tok wan wan bilong

**LEO WAFIWA i raitim**

ol 18 pilaia i mas baim K200 registresen fi. Dispela mani bai helpim PNGFA long bungim K30,000. Tasol nau yet wanpela pilaia tasol i baim pinis dispela K200 fi.

Waho i tok tu olsem planti soka asosiesen insait long kantri i no givim sapat long sampela mani.

Tasol em i tok em i no wari tumas long dispela. Nau yet em i wok long hatwok kisim moa sponsasip long ol kampani long helpim U16 tim bilong PNG.

Dispela tonamen bai kamap long Januери 20 na pinis long 29 Januери 1988. Na plen em PNGFA i kamapim i go olsem.

Bipo long namba wan de bilong mun Januери, 1989

olgeta 28 pilaia em ol i bin makim bihain long Nesenel U16 sempionsip long Goroka i mas kamap long Mosbi. Na bai ol i trening inap 16 de olgeta.

Long Januери 17, 1988 bai olgeta pilaia wantaim 4-pela opisal i lusim Mosbi na go long Australia.

Ripot i kam long opis bilong PNGFA i tok olsem 7-pela kantri bai stap insait long dispela tonamen. Ol kantri ya em olsem Fiji, Australia, Nu Silan, Westen Samoa, Vanuatu, Saina Taipei na PNG.

Tim husat i winim dispela tonamen bai kik long FIFA U16 wol Sempionsip. Dispela sempionsip em Coca Cola kampani i sponsarim na bai kamap long Skotland.


Hia nem bilong 28 pilaia trening skwat wantaim 4-pela opisal:

Robin Mongob, Kila Puei, Jessi Pasing, Brian Dreke,

Andy Japhlon, Daniel Holan, Anthony Billi, Walolai Mataree (Mosbi), Peter Kapan, Welu Biune, Nicholas Pui, Ruben Yanga, Kapin Micna, Ziro Bofeng, Steven Apiro, Befamu Oraing (Lae), Alphonse Mathew, Alex Tanjin, Lambu Gaiyo, Semba Awele, Polas Michael (Madang), Jason Kubua, Kema Rupa, Tom Mou, Paul Albert (Hagen), Oiya Kosong (Goroka), Cedrick Padigaga (Kainantu), Billy Kamaya (Enga).

Stalin. Jawa (Kosa), Damien Korwa (Asisten Kosa), Peter Momis (Tim Menesa). Ol i no makim referi yet.

Waho i tok olsem 18 pilaia tasol bai ol i makim long stap insait long PNG Nesenel U16 skwat. Olsem na 10-pela pilaia bai ol i lusim bihain long 16 de trening.



**Moa Tas Ragbi nius**



**Neks wik- PNG profesenl soka pilai Manis Lamond**

**LUKIM MOA SPOT STORI INSAIT**

**Morobeen - Biscuit makers to P.N.G.**

# KRISMAS

## SAPLIMEN - 88

# Hepi krismas i go long yupela olgeta



Tingim Jisas - pes 2



Ol krismas poto - pes 10



Ol aipas amamas - pes 8,9

# Mining tru bilong krismas

HEPI Krismas long yupela olgeta! Kris-mas em i taim bilong holi. Long laip bilong mipela, mipela i mas malolo liklik na tingim bilip bilong mipela long God. Holi taim bilong krismas i no olsem ol arapela kain taim bilong holi.

Krismas i gat gutpela mining long trupela gut nius bilong God. Bikos krismas i tok olsem God i bin kamap man.

Pas i go long ol Hibru i tokim mipela olsem "God i bin toktok long mipela long pikinini bilong em husat i kam daun long graun.... Dispela pikinini i makim glori bilong God papa".

Na Evanjelis John Baptais i tokim mipela olsem, "Dispela toktok i kamap pinis long mipela. Olsem na mipela i

lukim pinis glori bilong em. Glori bilong wanpela pikinini tasol bilong God papa i gat gutpela laik i stap oltaim oltaim.

Dispela hap toktok i gat mining bihain long en olsem God em i laikim mipela ol pipel bilong em long graun. Olsem na em i salim wanpela pikinini bilong em tasol i kam daun long graun na, Jisas Krai i kamap man. God i mekim dispela long soim bikpela laik bilong em long mipela. Em i salim pikinini bilong em Jisas Krai i kam na i tok olsem, "Mi laikim yupela ol pikinini bilong mi. Olsem na mi no inap long holim na hajtim wanpela samting long yupela. Mi salim dispela pikinini em mi laikim tru i kam long wol bilong yupela. Mipela mekim dispela bai

olgeta pipel long graun i ken save olsem mi no lus tingting long yupela na, mi gat bikpela laik tru long yupela. Dispela pikinini i makim mi long graun".

Dispela em mining na toksave tru bilong krismas. Tasol dispela ol toktok i ken stap nating na bai i no inap long karim kaikai inap mipela ol pipel bilong graun i harim na bihainim.

Mipela ken tok "Amen" o "Yes" long dispela gutpela toksave bilong God papa. Tasol 1988 Krismas bai i nogat mining long mipela. 1988 Krismas bai stap ausait long laip bilong mipela na bai i no inap go insait long lewa bilong mipela.

Sapos mipela wan wan i harim na bihainim bai ol dispela toktok bilong God

i stap insait long lewa bilong mipela. Na tu bai karim kaikai bikos, God bai was na lukautim lewa bilong mipela.

Long dispela bai mipela i lukim glori bilong Em. Dispela glori em i glori bilong wanpela pikinini tasol em God papa i salim i kam long dispela graun. Mipela bai save tru long wanem samting em krismas na trupela mining bilong en sapos lewa bilong mipela i mekim olsem.

Krismas blesing i go long yupela olgeta.

**Asbisop PETER KURONGKU,**  
**Asbisop bilong Mosbi.**

## FLOUR

BAKER - 50kg

BISCUIT - 50kg

WHOLEMEAL - 50kg - 10kg

WHEAT - 50kg - 10kg - 5kg - 2.5kg



## STOCK FEED

BROILER FEEDS

LAYING FEEDS

PULLET REARING FEEDS

PIG FEEDS

**We wish our valued  
customers a Merry  
Christmas and a  
prosperous New Year.**

**CONTACT YOUR LOCAL  
SUPPLIER**

**OR**

**ASSOCIATED MILLS**

**LIMITED**

**LAE FED MILLS**

**PTY. LTD.**

P.O. BOX 1906, LAE. PHONE: 42 3555



• Ol yangpela i amamasim krismas na apim han long Jisas Krai.

**Ok Tedi na Burns  
Philp i helpim ol  
pikinini long  
Kiunga.**

OK TEDI Maining na Burns Philp long Kiunga i bin bung wantaim long las Sarere, Desemba 10 bilong amamasim Krismas long Kiunga.

Edministreta bilong OK Tedi long Kiunga Keith Wyper i bin bilas olsem Pater Krismas. Em i kalap long baksait bilong wanpela ka bilong ol paiaman na tromoi loli na samting bilong pilai long ol pikinini husat i sanap long sait bilong rot.

Meri bilong Keith, Gayle, tupela seketeri bilong Ok Tedi, Eau Pukari na Cathy Bakowa, na Menesa bilong Burns Philp long Kiunga Graeme Miles i bin helpim Keith long dispela taim.

Keith na ol lain bilong em i bin givim 3000 loli na samting bilong pilai long ol manki long dispela taim.

Keith i bin tok olsem ol i bin raun long taun long soim amamas na spirit bilong Krismas. Dispela i no wok long nem bilong tupela kampani.

"Tasol mipela i bin amamas tru long mekim dispela samting. Mipela i amamas nogut tru tasol mi i no save long ol pikinini ol i amamas o nogat?" em i tok.

Keith i bin tok olsem em na meri bilong em bai go amamasim Krismas long Gol Kos long Kwinlen, Australia. Keith na meri bilong em i bilong Kanada.

Tupela bai go na bungim pikinini bilong tupela long Australia husat bai i kam olsem long Kanada.

Em i bin tok tu olsem OK Tedi bai stapim wok bilong em long larim olgeta famili i amamasim Krismas wantaim. Tasol i gat sampela arapela hap bilong kampani bai i stap op yet bilong mekim wok.

# Strongim bilip long famili

Mi laik tok hepi Krismas long yupela olgeta.

Krismas em i wanpela taim long yia planti famili long wol i save bung wantaim. Ol i wokim pati, amamas na givim Krismas presen. Tasol bikpela samting tru em long bung wantaim na soim tru amamas bilong Krismas.

Mi laikim olsem olgeta pipel bilong Papua Niugini bai stap gut long taim bilong Krismas. Ol i no ken tingting long kamapim trabel na raskol pasin long dispela taim. Mi laikim olsem dispela Krismas i mas gutpela tru na nogat trabel long en.

Mipela long dispela yangpela kantri i mas stap na tingting. Wanem mining tru bilong Krismas? Mipela olgeta long ples na ol viles i gat kain kain ansa long dispela askim. Tasol yu yet olsem wanpela man na meri i gat wanem kain bekim stret?

Mipela olsem wanpela kristen kantri i mas bihainim dispela bilip na amamasim Krismas olsem taim Jisas i bin kamap long graun. Mipela mas soim tru mining bilong Krismas long dispela rot.

Mipela i laki tru long kisim dispela sans na fridom long soim tru as bilong amamasim Krismas.

Long wanem mipela i stap olsem wanpela kristen kantri, mipela i gat wok tu bilong holim na liptimapim kristen bilip na lo bilong Krismas. Mipela mas amamasim Krismas olsem Baibel na kristen tising i toktok long en.

Mi laikim yupela olgeta long amamasim Krismas long gutpela we bilong yupela yet. Maski sapos dispela amamas i bikpela o liklik, yupela i mas soim tru wantaim Krismas bilip. Long dispela rot, ol famili i ken bung wantaim na ol hevi namel long ol grup na wan wan pipel i ken pinis. Mipela i mas soim tru dispela Krismas bilip bilong mipela

long bung wantaim na amamas.

Dispela taim inap long bungim mipela olgeta olsem wanpela lain pipel tasol.

Bikpela tingting bilong olupela gavman bilong mi em long kamapim gutpela sindaun long olgeta pipel bilong Papua Niugini.

Mipela i ken putim as bilong olgeta hevi nau insait long sosaiti i go long ol famili yet. Toksave bilong mi long Krismas i stap olse. Gavman i no inap painim wanpela isi rot long tokim pipel long bihainim laik bilong en. Famili tasol bai inap long kirapim na stretim kain pasin bilong wanpela man na meri. Famili yet bai supim em long mekim wanpela samting long laip bilong em. Famili yet soim em rot bilong bihainim gutpela kristen laip.

Strongpela bung wantaim namel long famili na kalsa bai givim bikpela helpim moa long kantri. Ol milien Kina i no inap long baim na kamapim dispela kain samting long kantri.

Maski yu gat planti mani o liklik mani, dispela i no min olsem yu man nogut. Mani bai i no inap tru long stretim ol dispela hevi nau i wok long kamap. Mani tasol bai i no inap long stapim ol dispela raskol pasin i kamap nau. Dispela kain wok i stap long yumi pipel yet bilong dispela kantri. Wanem samting yumi yet i mekim bai soim gutpela rot long stapim na stretim ol dispela kain hevi.

Mi laik tok gen long yupela long mekim dispela Krismas olsem wanpela spesel de. Mekim dispela de olsem taim bilong ol famili na pren long bung wantaim na mekim dispela kantri olsem wanpela gutpela ples bilong yumi long stap wantaim.

PAIAS WINGTI,  
Lida bilong Oposisen.

## Ol kalabus tingim krismas

BAI yu pilim olsem wanem sapos yu sta long kalabus long taim bilong krismas.

Ating bai yu pilim wankain olsem wanpela sik man i slip long haus sik. O yu pilim olsem yu stap longpela taim long narapela ples na yu laik go bek long ples bilong yu stret, o olsem wanpela refuji i stap long ples bilong narapela. I luk olsem i no gat as long stap laip. Tasol ples bilong yu yet na famili bilong yu ken kamapim dispela tingting bilong stap laip.

Long taim bilong krismas 1982 Hane i kisim taim stret. Long Mas 1982 na kot i kalabusim em long 15 yia olgeta.

Em i slip tasol na lukluk i go antap long rup bilong haus kalabus. Olgeta tingting bilong em i pulap long ol samting i kamap long ples bilong em Gaire, klostu long Mosbi.

Em i luksave olsem long 10 klok olgeta pipel i wokabaut i go long haus lotu. Na ol i singsing na beten wantaim. Bihain em i luksave long ol pipel i kam bek na sindaun long bikpela kaikai.

Na em i tingting tu long ol yangpela man i resis long kanu na tu long pilai ragbi. Tasol em i no inap

go amamas wantaim ol lain bilong em bikos em i stap yet long kalabus.

Hane i stap long kalabus inap 6 pela yia nau na em i luksave long kalabus olsem namba tu ples bilong em.

Krismas em i wanpela bikpela taim bilong ol kristen na ol kalabus lain long Bomana save amamasim dispela de tu.

Ol kristen grup long Mosbi save go bung wantaim ol kalabus long krismas de na long de bipo long krismas tu.

Sapos ol kalabus i no ranawe long dispela taim, bai i gat bikpela kaikai na ol kain kain pilai bilong ol kalabus long krismas de.

Ol kalabus yet bai mekim wanpela bikpela mumu na bai ol i singsing tu. Sampela kristen lain long Mosbi bai go na bung amamas wantaim ol .

Hane na ol poro bilong em i salim dispela liklik toksave i go long ol kristen .

"Taim yupela i amamasim krismas, tingim mipela long ol prea bilong yupela. Mipela bai amamas long kisim ol pas, o ol arapela liklik presen long dispela taim tu".



LONDON INGLAN : Prinses Dianne i kisim wanpela presen bilong pikinini bilong em long pater krismas taim em i bin go raun long ol Beckton mauten.

Siaman na ol memba  
bilong bot na staf  
bilong **PNG BENKING  
KOPORESEN** i laik tok  
**MERI KRISMAS** na  
**HEPI NIU YIA.**

Mipela i amamas long  
givim sevis long yupela  
gen long 1989.

**PAPUA NEW GUINEA BANKING CORPORATION**

## Kaving piksaim narakain krismas

DISPELA em wanpela kaving o storibot, olsem yumi save painim long Sepik. Wanpela fama bilong Jemani i bin sanapim dispela storibot, na tude em i stap long wanpela liklik taun ausait long haus lotu bilong ples.

Dispela storibot i gat wanpela tok piksa long ol pipel i lukluk long en. Na dispela tok fani liklik.

Olgeta samting dispela fama i bin sapim long kaving, i narakain liklik. Haus bulmakau ya i gat ruf tasol; i no gat ol banis bilong en. Na ruf ya i sanap long sampela yangpela tri bilong bus tasol. I no gat pos timba.

Na bokis kaikai bilong ol bulmakau, em ol i stori long en long Nupela Testamen, em i luk olsem wanpela bokis matmat. I no gat lek bilong en olgeta. Em i flai tasol long win.

Na Pikinini Jisas i no slip long dispela bokis kaikai. Nogat. Em i sindaun i stap,

### FRANK MIHALIC i raitim

olsem wanpela bebi i bikpela pinis. Mama bilong em i sanap strong olsem wanpela meri i sanap long ai bilong king.

Long hapsait, wanpela donki i slip i stap. I luk olsem em i nildaun na i daunim het na i laik adorim Pikinini Jisas. Na wanpela poroman bulmakau i slip tu na i

litimapim pes bilong em na i amamas long lukim Bebi Jisas.

Tasol i no gat wanpela man o meri i sanap long kaving. Ating dispela fama i sapim kaving i laik tok bilas o semim ol man meri. Long wanem, ol enimal i kam bilong onaim God na ol manmeri nogat. Em i olsem Profet Aisaya i bin tok: "Bulmakau i save long papa bilong em. Tasol ol pipel bilong mi i no

luksave long mi." (Ais. 1:3).

Ating long yia 1400, long taim ol i wokim dispela kaving, planti Kristen i les pinis long go painim Krai long Krismas. Olsem na ol i stap longwe long lotu long Krismas De.

Ating bilong tok bilas long kain Kristen olsem, dispela storibot i soim ol enimal tasol i bin go adorim Jisas long Krismas. Tasol i no gat sampela pipel i stap.

Ating tude em i wankain laka? Long Krismas planti yumi Kristen i lus pinis long pati na givim ol presen na wokim singsing. Tasol yumi lus tingting long mining tru bilong Krismas: em i betde bilong Jisas. Em yet i mas kisim ol presen. Na yumi bin bringim wanem presen i kam long em? Na sapos yu gat wanpela spesel presen bilong givim long Em, orait, watpo yu no go long haus lotu bilong em na givim?



## Gutpela famili kamapim gutpela sindaun

OLGETA yia long dispela taim, olgeta kristen pipel insait long wol save holim selebren long amamasim kamap bilong man husat i kamapim bilip bilong mipela.

Dispela taim mipela bai tingim ol samting em i bin kamap olsem buk baibel i bin tok. Na tu long mining o toktok em i stap bihain long dispela hap tok "krismas".

Mi wantaim meri bilong mi, Lady Dibela bai amamasim dispela krismas wantaim pikinini na famili bilong mitupela.

Mi laikim olsem yupela tu mas amamasim dispela krismas wantaim ol famili bilong yupela. Bikos Krismas em i wanpela kain taim we olgeta kristen famili i save bung wantaim na amamas.

Planti developmen i kamap nau insait long kantri bilong mipela. Olsem na planti senis i kamap tu. Dispela senis i bringim fridom long ol pipel husat i lusim ples na i stap nabaut long kantri. Planti bilong ol dispela pipel i stap nau long ol taun.

Tasol mipela i no ken kisim rong tingting bilong dispela fridam olsem olgeta fridam em i save kamap long sampela kantri insait long wol. Mipela i mas bosim dispela fridam.

God husat i gat olgeta fridam inap long makim pales o haus

bilong King we pikinini bilong em bai i kamap. Na tu em inap long makim wanpela Kwin long karim pikinini bilong Em.

Tasol God i no mekim olsem. Long 2,000 yia i go pinis, em i makim wanpela rabis man na meri long yusim wanpela liklik haus sipsip long slip. Na long dispela kol nait, meri bilong dispela rabis man i karim wanpela pikinini na putim long bokis kaikai bilong bulmakau.

Na ol ensel i amamasim kamap bilong dispela bebi na winim trampet bilong ol na singsing, "Glori long nem bilong God Papa antap na gutpela taim na mipela tok amamas long pikinini na ol pipel bilong em long graun".

Tasol mipela i save asua long abrusim ol famili bilong mipela na laik painim dispela gutpela taim na bel isi.

Mipela i no inap long lukim dispela gutpela taim na bel isi long wol sapos i nogat gutpela sindaun i stap long famli bilong mipela yet na long dispela krismas wantaim.

Mi laikim olsem mipela olgeta i mas givim trupela mining i go long dispela toktok em ol ensel i bin sing aut long wol long krismas de long planti yia i go pinis.

Meri Krismas i go long yupela olgeta.

## LOTTERY MANAGEMENT SERVICES PTY LTD

*i laik tok Meri Krismas na  
Hepi Niu Yia*

LONG OLGETA PIPEL BILONG  
PAPUA NIUGINI na mipela laik tok aut long nupela  
LOTTO GEM.

Ol tiket bilong dispela nupela gem mipela bai stat long  
salim long 2 Janueri, 1989.



**REDI GUT,  
BAIM NA WINIM  
NAMBA WAN LOTTO  
DRAW BAI KAMAP LONG  
28 JANUERI, 1989.**







***BRIAN BELL'S***  
*Hia tasol yu ken wokim  
 olgeta Krismas Shopping  
 bilong yu.*



Kam lukim ol naispela naispela presen i kam long ol kain kain ovasis kantri.



Mipela i gat ol kain kain glas, spun-fok long silva, naispela naispela plet i kam long Frans, Ingran, Sweden, Sekoslovakia, Jemani na Australia.



Maski yu laikim presens long bikpela mani o liklik mani tasol. Yu ken painim long Brian Bell's -- "One Stop Shopping Spot"



Mipela i gat ol gutpela presen, naispela ribon long pasim presen, ol griting kat bai presens bilong yu i luk nais tru.



Mipela save kisim ol top kwaliti plet, spun-fok, glas na ol samting bilong tebol kaikai.



LLADRÓ®

**Brian Bell Stores**

•BOROKO 25 5411 •MT HAGEN 52 1999 •GOROKA 72 1098 •LAE 42 3377

**'The One Stop Shopping Spot'**

# Papa God i marimari na salim Jisas

**KRISTEN** tok amamas bilong mi i go long yupela olgeta. Kantri bilong mipela i kamap strong na planti samting na senis i kamap. Sampela ol dispela samting em i gutpela na ol arapela i no gutpela tumas.

Wanpela bikpela wari em ol gutpela pasin tumbuna i lus nau. Mi tok long ol gutpela tingting bilong sindaun amamas wantaim ol arapela long komyuniti. Mi tok long ol pasin wanbel bilong ol famili na pasin ol famili save lukautim ol arapela lain bilong ol. Ol dispela samting i lus tu. Nau pasin bilong pait, kros ba belhat i kamap. Mipela i no laik helpim ol wantok bikos mipela i wari

long sindaun biling mipela yet. Tingting bilong ol yangpela long sosaieti i paul tu na ol i no gat wanpela gutpela rot bilong bihainim na strongim kantri bilong yumi. Sapos mipela i no stretim ol dispela hevi nau bai planti moa yangpela i bihainim dispela rot nogut long bihain taim.

Planti gutpela tingting bilong ol tumbuna bilong mipela i poromanim ol tingting bilong ol kristen long kamapim belisi na gutpela sindaun long komyuniti.

Em i bikpela wok bilong mipela long autim ol dispela tingting long taim bilong krismas. Ol toktok bilong stap bel isi na wok bung wantaim long komyuniti.

Dispela toktok mas go aut long olgeta

man meri long kantri bikos ol i banisim olgeta samting i mas kamap long krismas.

Krismas em i belisi na pasin bilong helpim na givim long ol arapela. Pastaim tru God Papa i laikim mipela na em i salim pikinini bilong em Jisas long kam na helpim mipela. Olsem na long taim bilong krismas mipela mas tingting long gutpela wok bilong Papa God long salim Jisas i kam long soim bel isi bilong em. Em i trupela pasin bilong bel isi na givim helpim long ol arapela.

God i save olsem mipela stap longwe tru long em, olsem na em i kamapim dispela pasin bilong bel isi long kisim mipela i kam bek long En.

God i laikim tumas olgeta manmeri

long graun, olsem na em i salim pikinini bilong em Jisas long dai na kisim ol i go bek long God.

Dispela em i mari-mari tru. Mipela i no laikim God, tasol God yet i bin laikim yumi na em i salim Jisas long rausim ol sin bilong mipela.


Mi laikim dispela tingting bilong mari-mari, na pasin bilong helpim ol arapela na tingting bilong stap amamas wantaim ol arapela long banisim mipela long dispela taim bilong krismas. Na yumi mas askim God long soim mipela gutpela rot long bihainim na rausim ol tingting nogut mipela i gat. Na strongim wok bilong ol pipel bilong God long kantri bilong mipela.



"THE TEASE SHIRT PIPEL"



We wish our valued customers a Merry Christmas and a prosperous New Year.



ALL DESIGNS ARE AVAILABLE IN EITHER "T" SHIRT OR SINGLET PRICE: K5.50 EACH PLUS K2.00 POSTAGE.

... and many many more

## MAIL ORDER

DESIGN NO:	SIZE	QTY

PLEASE RUSH TO ME "T"SHIRTS AS PER MY MAIL ORDER I ENCLOSE THE SUM

OF K \_\_\_\_\_ PLUS K2.00 FOR POSTAGE AND HANDLING.

NAME: \_\_\_\_\_

ADDRESS: \_\_\_\_\_

SEND TO: KUSAI ADVERTISING PO BOX 1437 ARAWA, NSP.

TICK

- 'T' SHIRT     SINGLET
- POSTAL ORDER     BANK CHEQUE

FOR WHOLESALE ORDERS: PH 95 2348

## Taim bilong givim presen

DESEMBA em i taim bilong tingim Jisas na taim mama bilong em, Mary i karim em. Planti amamas save kamap long dispela taim. Em i taim bilong givim ol presen long ol wantok, ol pikinini na ol brata na susa.

Planti bilong yumi i save olsem long dispela taim Papa God i salim Jisas i kam long dispela graun long kisim yumi go bek long em.

Long Sande 4th Desemba ol Sande skul lain bilong Kristen Laip Senta long Waigani i autim dispela stori insait long wanpela bikpela danis na singsing bilong ol.

Moa long 70 pikinini i stap long dispela pilai na nem bilong pilai em, "Kisim presen i go long king," Long dispela pilai ol pikinini kisim ol presen bilong ol i go long bikpela King long ol song na danis bilong ol.

Joshua Tageni em i man husat i kisim ol dispela presen em i wanpela tisa bilong ol pikinini.

Long dispela pilai em i betde bilong Joshua na ol pikinini i kisim planti presen i kam long em. Taim em i opim wanpela bokis presen ol pikinini i kamaut na autim singsing long Papa God.

Bihain long dispela


pilai ol papamama na ol arapela lain long haus lotu i paitim han longpela taim tru. Planti bilong ol i sanap na tok tenkyu long Papa God.

Krismas bilong pikinini i stap long dispela pilai em i namel long 5 na 17. Ol pikinini i bin prektis inap long tupela mun na ol pipel long haus lotu i kirap nogut long ol stail bilong ol.

As tingting long dispela pilai i stap olsem. Planti taim long krismas yu save tingting long givim presen long ol wantok. Yumi ol kristen i save olsem long krismas Papa God i givim namba wan presen long yumi na em Jisas Kraus.

Nau em i taim bilong yumi long givim presen long Papa God. Ating namba wan presen yumi i ken givim long Papa God em laip bilong yumi. Sapos yumi givim laip bilong yumi long Papa God na bihainim olgeta laik na toktok bilong em. Em i no inap long askim long narapela samting moa.

Planti samting bai kamap long dispela taim bilong tingim krismas. Na wanem presen bai yumi ol lain bilong Papua Niugini i givim long Papa God. Papa God i givim presen bilong em long mipela pinis. Nau em i taim bilong yumi.



• Joshua Tageni long raithan i opim wanpela presen bilong em.

# HEPI KRISMAS na NIU YIA i kam long Rais Indastris



Sapos yu laik kamap  
olsem Trukai man  
olgeta de...yu laik  
i stap hamamas,  
helti na strong  
long go het moa!



\*  
I STAP LONG OL  
STOA LONG  
FAIVPELA KAIN  
SAIS BEG LONG  
LAIK BILONG  
OLGETA  
25kg, 10kg,  
5kg, 2kg  
na 1kg

# LONG TRU HELT NA STRONG



# Ol aipas tingim Jisas tu

Ol poto na stori  
JOSEPH KAU

KRISMAS em i taim bilong amamas na plan-ti pipel i holimpasim dispela tingting bilong amamas. Planti pipel i tokaut tu olsem kris-mas em taim bilong tingim taim mama i bin karim Jisas Krai.

Ol aipas lain long Mosbi i bin bung long Fraide 16 Desemba long amamasim krismas. St John Asosiesen bilong ol Aipas long Mosbi i stretim ol kaikai na ol aipas i kamap wantaim ol famili bilong ol long kaikai na bung amamas.

Smith Karosa i tok olsem krismas em i taim bilong tingim Jisas na i no bilong ol arapela samting. Karosa na famili bilong em bai stap long wanpela bikpela bung bilong sios bilong ol long Joyce Bay long Mosbi.


Tripela de ol lain bilong sios bai bung long hap na litimapim nem bilong Jisas Krai. Narapela aipas Hekoo Igo i tok olsem em bai go lukim ol tambu bilong em long Gaire klostu long Mosbi.

"Mi bai sindaun wantaim ol tambu bilong mi na amamasim dispela bikpela de. Krismas em i no taim bilong raun na mekim nabaut. Em i taim bilong sindaun na tingim mari-mari bilong Papa God long salim Jisas Krai long dispela graun" em i tok. "Mi laik askim ol arapela long tingim bikpela wok bilong Jisas na stap isi na amamasim dispela de."

"Mi bai go stap wantaim ol tambu bilong mi tu. John Partick narapela bilong ol i tok. John i tok olsem krismas em i taim bilong ol famili long bung wantaim na amamas.

Em i tok olsem ol pipel bai amamasim kris-mas long kain kain pasin tasol bikpela samting em long tingim taim mama i karim Jisas.

Poro bilong em Henao Tom i bihainim wankain tingting tu. Em i tok olsem krismas em i taim bilong amamas tasol yumi mas tingim Jisas long ol amamas bilong yumi. Ol arapela aipas lain long dispela bung i autim wankain tingting tu. Ol i tok olsem krismas em i taim bilong amamas na tingim Jisas.



• Konio Apa long lephan na Dika Peruka long raithan i stretim kaikaia bilong ol aipas (antap).

• Poto long lephan antap i soim wanpela aipas Dona Ou i paitim gita. Ol poro bilong em i was i stap.

• Pala i no isi long kaikai. Long baksait em ol arapela poro bilong em i toktok wantaim Onho Masayoshi.

## VILLAGE EQUIPMENT SUPPLIES

...for 12 years proudly contributing to PNG's agricultural development!

**we supply a full range of AGRICULTURAL TOOLS & EQUIPMENT for village use**

**We wish our valued customers a Merry Christmas and a prosperous New Year.**

### Botabia Coffee Pulpers

we manufacture and guarantee all parts for these hand operated pulpers

### Bow saws & Pruning Saws

heavy duty with high quality blades

### Wheelbarrows & Tools

with full parts back-up


### Prefabricated Cocoa & Copra Drier Kits

supplied to your size specifications with cement slab kits if required

...and many others!

for further information contact:-

**SALES MANAGER,  
VES, P.O. Box 2172,  
LAE,  
[Phone: 42 4902/Fax:  
42 4276]**



• Namba wan kuk, Loa Peter i kukim kaikai bilong ol aipas.



**THE MAKERS OF TARINO AND DIXI COLA**

**Mipela i tok Heki Krismas na Heki Nu Yia long olgeta kastama bilong mipela.**





SOFT DRINKS PTY. LTD

# Kain kain stail bilong krismas



• Kain kain sain long ol stua i grisim ol pipel long baim ol samting. Ol lain ya sanap ausait long wanpela stua na insait i pulap long ol pipel tu. Ol poto JOSEPH KAU.



• Pater krismas was long olgeta lain husat i raun long Boroko.

**SOUTH PACIFIC  
AUTO  
PARTS PTY LTD**


*I gat spea pat na ol arapela  
samting bilong salim.*

**Hepi KRISMAS na NIU YIA  
long yupela olgeta**

**PHONE: 42 1682**

P. O. BOX 2640 LAE


**CNR' MALAITA NA  
MILFORD HAVEN ROT, LAE.**



• Sista ya i mumutim ol samting long wanpela stua.



• Tupela marit ya i baim ol samting bilong krismas.



*Invesmen  
Koporesen Fun  
bilong Papua  
Niugini i laik tok  
**MERI KRISMAS**  
na  
**HEPI NIU YIA**  
long olgeta  
seaholda na ol wok  
manmeri i memba  
long lain ol i katim  
pe bilong ol long  
potnait na salim long  
Invesmen Koporesen.*

# Krismas em wanem samting tru

TAIM bilong Krismas i kamap klostu nau. Pipel long olgeta hap bilong wol i redi nau long amamasim dispela de. Yumi ol kristen bai amamasim long wanem Jisas Krai i bin kamap man long dispela de. Na bihain em i wok-abaut long graun na i dai long diwai kros long rausim sin bilong mipela olgeta. Ol pipel long arapela kantri i gat planti as bilong amamasim

krismas. Long planti hap bilong Papua Niugini bikpela lotu, bung wantaim, kamapim ol kain kain pilai na ol arapela samting olsem save kamap long krismas. Tasol wanem as tru bilong dispela hap toktok 'Krismas.' K i sanap long makim Krai. Baibel i stori olsem Maria i bin kamap man long krismas taim. Bihain

## FRANCIS ULIAU i raitim

em i bikpela na wok-abaut autim gutnius bilong God long olgeta hap bilong Israel. R i makim Ridima. God i bin harim krai bilong ol pipel bilong Israel na salim ensel Gabriel i go long Maria. Gabriel i tokim Maria olsem em bai kamap wanpela pikinini man. Dispela man bai i sevim laip bilong

olgeta pipel long graun. Maria i karim Jisas long Bethlahem na bihain ol pipel i nilim Jisas long diwai kros. Jisas i bin dai na rausim olgeta sin bilong mipela long taim bilong Adam na Eva yet. I i makim Israel. Israel em i asples stret bilong wasmama na papa bilong Jisas, Maria na Josep. Jisas yet i bin kamap olsem wanpela pikini-

ni bilong Israel na i bihainim lain famili bilong King David. Olsem na Baibel i stori tu long planti hap em Jisas i wok-abaut i stap insait yet long Israel. S i makim dispela bikpela sta em i bin soim rot long ol tripela king bilong San kamap long go lukim Jisas taim Maria i karim em long Bethlehem. Dispela sta i bin soim ol wasman bilong sipsip tu

long rot i go long Jisas. M i makim dispela bokis kaikai bilong bulmakau (manger) em pikinini Jisas i slip antap long en. Maria i pilim pen bilong karim pikinini. Olgeta haus i pulap pinis tasol i gat wanpela haus bilong ol bulmakau na sipsip tasol i stap. Olsem na tupela i go long dispela hap na Maria i karim Jisas. Bihain ol i putim em antap long bokis kaikai bilong bulmakau na ol man i kam lukim na givim presen long em. A i makim ol ensel bilong God i kamap long ol wasman bilong sipsip long nait na tokim ol long Jisas i

kamap pinis long dispela nait long Bethlehem. Ol ensel i bin mekim naispela musik na ol wasman bilong sipsip tu i kirap nogut tru. Long dispela nait yet, ol i lusim olgeta samting bilong ol na go long Bethlahem long lukim na lotuim dispela Mesaia Jisas. Ol i bringim wanpela yangpela pikinini sipsip olsem presen long Jisas. S i min olgeta pipel long dispela graun em Jisas i makim. Jisas i bin kam wokabaut long graun na long taim em i dai long diwai kros, em i rausim sin bilong mipela olgeta. Em i wokabaut olsem wanpela man na i makim mipela olgeta long taim em i sindaun long raithan bilong Papa God.

# makossi trading Pty. Ltd.



INCORPORATED  
BUSINESS GROUPS  
OF NORTH SOLOMONS  
PROVINCE

WHOLESALE OF GENERAL  
MECHANDISE, HARDWARE,  
FOOD PRODUCTS, TEXTILES  
AND CLOTHING

Hepi KRISMAS  
na NIU YIA  
long yupela  
olgeta

PHONE KIETA  
**95 6343**

P.O. BOX 168, KIETA  
TELEX 95904



## Salvesen Ami givim susu

OK TEDI Maining na Burns Philp long Kiunga i bin bung wantaim long las Sarere, Desemba 10 bilong amamasim Krismas long Kiunga.

Edministreta bilong OK Tedi long Kiunga Keith Wyper i bin bilas olsem Pater Krismas. Em i kalap long baksait bilong wanpela ka bilong ol paiaman na tromoi loli na samting bilong pilai long ol pikinini husat i sanap long sait bilong rot.

Meri bilong Keith, Gayle, tupela seketeri bilong Ok Tedi, Eau Pukari na Cathy Bakowa, na Menesa bilong Burns Philp long Kiunga Graeme Miles i bin helpim Keith long dispela taim.

Keith na ol lain bilong em i bin givim 3000 loli na samting bilong pilai long ol manki long dispela taim.

Keith i bin tok olsem ol i bin raun long taun long soim amamas na spirit bilong Krismas. Dispela i no wok long nem bilong tupela kampani.

"Tasol mipela i bin amamas tru long mekim dispela samting. Mipela i amamas nogut tru tasol mi i no save long ol pikinini ol i amamas o nogat?" em i tok.

Keith i bin tok olsem em na meri bilong em bai go amamasim Krismas long Gol Kos long Kwinslen, Australia. Keith na meri bilong em i bilong Kanada.

Tupela bai go na bungim pikinini bilong tupela long Australia husat bai i kam olsem long Kanada.

Em i bin tok tu olsem OK Tedi bai stapim wok bilong em long larim olgeta famili i amamasim Krismas wantaim. Tasol i gat sampela arapela hap bilong kampani bai i stap op yet bilong mekim wok.



• Ol lain salvesen ami i lukluk raun.

**5 extra  
King Size  
Virginia**

**Winfield  
25's**

Government Warning: Smoking is Dangerous to Health



# Wanem taim bai yu redi

**MAKAU DAROA**  
i raitim

DESEMBA i kamap nau na klostu bai 1988 i pinis. Wan wan yia long dispela taim planti turis save kamap long Bethlehlem long Israel na amamasim krismas wantaim ol pipel bilong Betlehem.

Planti turis i kamap long ol balus long lukluk na amamas long Menja Skwae (Manger Square) em wanpela ples long Bethlehlem we Mary i bin karim Jisas. Sampela turis i kirap nogut taim ol i kamap long ples balus.

Stap long Novemba i go long Mas em i taim bilong kol long Palestain. Planti taim ren i save pundaun na long nait ples i save kol nogut tru. Buk Baibel i tok klia long Esra 10 Ves 9-13. Long taim Mary i karim Jisas, ol mas i bin was long sip sip bilong (Luk 2:8)

Long Oktoba em i taim bilong kisim ol takis na ol piepl save kisim olgeta kaikai long gaden bilong ol tu. Baibel i tok olsem Josep na Mary i go long Jerusalem long givim takis bilong ol (Luk 2:3-5). Em i taim bilong amamasim taim ol pipel i rausim ol kaikai long gaden na planti pipel i pulap long Jerusalem. Olsem na Josep wantaim meri bilong em i no inap painim wanpela ples bilong slip.

Long taim tumbuna, Desemba em i taim ol haiden lain i save onaim god bilong ol Saturn. Em i las de bilong wanpela bikpela amamas bilong ol, ol i kolim Saturnalia. Krismas i no binm stap long taim bilong Nu Testaman sios.

Long taim bilong Nu Testamen ol kristen i no bung wantaim ol haiden long onaim God. Sapos ol kristen i bung wantain ol haiden, ol dispela lain i o kristen. 2 Korin 6:14 i tok olsem, "Ol

haiden ol i narakain, olsem na yupela noken wokabaut wantaim ol na helpim ol long pasin bilong ol. Nogat tru."

God i no inap amamas long dispela pasin. Sapos God i laikim yumi onaim taim mama i karim Jisas em inap long tokaut long wanem de tru dispela samting bai kamap na ol pasin mipela i ken mekim long dispela de.

Wan wan sios i save tokaut long taim mama i karim Jisas, wok bilong Em, taim Em i dai, taim em i kirap bek, taim Em i go antap long heven na long kam bek bilong Em. Tasol baibel i no tokaut long wanem de Jisas bai kam bek, Papa tasol i save (Matyu 24:36).

Baibel i tokaut tu olsem planti sain bai kamap na ol dispela sain i kamap longplanti hap bilong wol na long Papua Niugini tu.

Olsem na krismas 1988 i kisim mipela na kam klostu long taim Jisas bai kam bek gen. Mipela mas lukluk long karim bilong Jisas long bel bilong mipela.

Baibel i tok, "Pikinini bilong mi, givim mi bel bilong yu na yu mas luksave long olgeta pasin bilong mi" (Prov 23:26).

Noken kirap nogut olsem ol turis husat i go long Bethlehlem nau. Yu kirap nogut taim yu lukim ol trabel kamap klostu long yu o nogat?

Sapos yu no redi nau, wanem taim bai yu redi? (Matyu 24:44)

# Kain kain pasin long amamas

**Patrick Matbob**  
i raitim

OL PIPEL insait long PNG bai amamasim 1989 Nu Yia long kain kain pasin.

Tasol bipo long taim bilong tumbuna ating i no gat kain we bilong amamasim nupela yia. Ating ol tumbuna tu i no save long ol yia olsem yumi save nau.

Tasol ol tumbuna i gat kastem bilong amamasim nupela mun, taim bilong ren, san, planim nupela gaden, nupela pikinini na ol kain pasin olsem.

Nau yumi ken lukim planti bilong ol dispela pasin tumbuna i stap insait long ol nupela pasin bilong amamasim Nu Yia.

Dispela ol pasin i miks wantaim ol nupela pasin em ol waitman na ol misineri i bin bringim i kam insait.

Insait long Milen Be na Sentral Provins i gat dispela pasin bilong tromoim ol man insait long wara long amamasim nupela yia. Na dispela pasin bilong wasim ol man long wara i no nupela. Planti hap long PNG i save wasim ol yangpela boi husat i laik kamap man.

Dispela kain tumbuna pasin i mas painim we bilong em i go insait long dispela pasin bilong amamasim Nu Yia. Tasol i gat bikpela senis tu i kamap long ol dispela pasin nau.

Ol dispela pipel husat i waswas long Nu Yia i no save bihainim laik bilong ol yet. Nogat. Ol pipel i save holim ol na tromoim ol i go insait long solwara. Na man! Long sampela hap, sapos yu man, bai ol meri i holim yu na tromoim yu go insait long solwara.

Narapela senis tu em long Nu Yia ol meri o man i no inap wari sapos yu tambu o kandere o yu man bilong narapela hap provins. Nogat tru. Bai yu tu wantaim i swim long bik moning. Nogat kros long dis-

pela bikos em taim bilong amamas.

Narapela pasin bilong Nu Yia em long rapim graun malmalum antap long pes na skin bilong ol man.

Na ol man husat i ron long ka long hailens haiwe long Nu Yia bai kisim taim stret. Ol pipel bai sutim ol long graun malmalum.

Long hap bilong Jimi insait long Westen Hailens, ol man i no save slip long biknait long Nu Yia. Ol i save stap was wantaim banara na spia i go inap tulait.

Sapos ol i slip sore tumas bai ol wantok i kam na kukim daun haus bilong ol. Long Nu Yia ol wantok i ken mekim olsem long ol.

Na long hap long Madang tu i gat kain kastem i stap. Haus bilong ol lapun man husat meri bilong ol i dai, o ol meri em man bilong ol i dai pinis, paia i save kukim long taim bilong Nu Yia.

Em kastem bilong ol Medebur pipel stret. Ol pipel i save rausim ol dispela lapun i go ausait na kukim daun haus bilong ol. Bihain ol i wokim nupela haus bilong ol.

Dispela pasin i save kamap bikos ol lapun i no save laik lusim olupela haus bilong ol.

Na bikpela pasin tru bilong amamasim Nu Yia long PNG em long paitim dram na mekim nois long rausim olupela yia na welkamim nupela yia.

I gat nupela pasin bilong kapsaitim ol rabis dram i stap nau insait bilong PNG, olsem na nau ol pipel long ol taun olsem Madang, Mosbi, Wewak i no save larim ol rabis dram long rot long Nu Yia.

Meri Krismas na Hepi Nu Yia long olgeta rida.



• Ol yangpela autim kain kain bilas.

# Katolik strongim bel

**IAN KAKARERE** i raitim

OL LAIN Katolik long Olsobip, Westen provins bai yusim Krismas olsem wanpela taim bilong bung wantaim na strongim wok namel long ol yet.

Vika-Jenerel long Daiosis bilong Daru/Kiunga, Pater Gilles Cote i tok olsem ol Katolik bilong Olsobip bai yusim Krismas olsem taim bilong strongim wok bung wantaim namel long ol yet. Dispela bai helpim ol long stap na mekim ol kain kain wok wantaim.

Pater Cote i tok olsem olgeta lain Katolik insait long Westen provins bai amamasim Krismas long dispela yia olsem olgeta arapela yia ol i save mekim.


Em i tok olsem las yia, ol pipel bilong Kawok Viles klostu long Kiunga i bin kilim pik long dispela taim na mekim pati. Na long Bolivip, ol pipel i bin yusim Krismas olsem taim bilong bringim ol yangpela man i go insait long haus

tambaran long pasin bilong tumbuna.

Na long St Gerard long Kiunga bai i gat ol kwaia, wanpela krismas pilai bilong liklik Jisas na tumbuna singsing bilong opim bikpela lotu long dispela taim. Em i bin tok tu olsem wanpela pater bilong Filipino i stap long Is Awin Refuji Kem bai i go pas long Misa long dispela taim.

Planti taun insait long Westen provins bai nogat nois. Olgeta Krismas selebresen bai kamap long ol ples.

Tasol ol Plis long Westen provins bai raun yet long lukim olsem olgeta pipel i amamasim Krismas long gutpela pasin. Na tu long stapim na holim ol arapela lain husat i laik traim long bagarapim Krismas selebresen bilong ol arapela.




# TIMBERSALES

(PNG) PTY LTD

(INCORPORATED IN PAPUA NEW GUINEA)



Mista Wright wantaim opis stav sanap klostu long nupela notis bilong ol.



Timbersales prodaksen manesa Mista Wright wantaim prodaksen stav bilong Timbersales.

**TIMBERSALES I SAVE WOKIM OL KAIN KAIN STRONGPELA SAMTING LONG TIMBA. OL I WOKIM LONG SOMIL NA FAKTORI NA JOINERI BILONG OL.**

**SOMIL - yu ken askim long ol dispela samting:**

- \* ol hap timba na ol timba i no kisim marasin
- \* D.A.R. Timba - i kisim pinis marasin na i no gat marasin.
- \* ol kain kain moldin, wetabot, T&G plaua, skirting, timba bilong windo, dekin, kwad, D-mold na arktitrav.
- \* ol stail timba bilong putim insait long banis bilong haus na rum long ol kain kain kala na stail.

**HAUSING NA JOINERI - askim mipela long ol dispela samting -**

- \* lo kos na hai kavenet hausing
- \* plantasin na maining projek hausing
- \* mipela ken wokim sia, tabel, sarang long laik bilong yu stret. Mipela yet i wokim long faktori.
- \* ol sia na tabel bilong varanda na gaden
- \* ol hatwod plang bilong bens
- \* ol trus -- wanem kain yu laikim mipela inap wokim
- \* ol sarang bilong haus kuk na rum slip

## Hepi KRISMAS na NIU YIA long yupela olgeta

Sapos yu gat askim, ringim Steve Wright long

**92 7255 o**  
**92 7202**



*Hehi Niu Via long  
olgeta kastama*

**Bilong givim gutpela laip tude na taim bihain**

**Boral  
Gas  
(PNG)  
Ptd  
Limited**

**PORT  
MORESBY  
TERMINAL**

Kamudi,  
Port Moresby, PNG  
Ph: 21 1925

Mr. Leonard Kivorong  
**LAE  
TERMINAL**  
Stefford Street  
Lae, PNG  
Ph: 42 2574

Mr. Francis Pusal  
**WEWAK  
TERMINAL**  
Wewak, PNG  
Ph 86 2125

Mr P Johnson  
**RABAUL  
TERMINAL**  
Kokopo Road  
Tobol, PNG  
Ph 92 1225 Mr. F. Bala

**GUINEA-GAS**



# Blut i sevim laip

LONG Trinde, 7 Desemba, bikpela guria i bin bagarapim wanpela hap bilong Rasia ol i kolim Amania. Dispela guria i bagarapim wanpela biktaun ol i koim Spi-tak na ol arapela ples tu. Planti pipel i dai na planti moa i kisim bagarap.

Sampela lain i stap yet aninit long ol ston, diwai na ol arapela samting. Ol wokman i wok hat tru long painim ol dispela lain. Tupela wik i pinis tasol ol wokman i wok yet.

Long Sande 18 Desemba ol wokman i painim wanpela meri na pikinini bilong em aninit long wanpela haus i karamapim ol.

Ol i karim tupela i go long haus sik na ol dokta i sekap long ol. Mama i sik liklik tasol pikinini i stap strong yet.

Ol dokta i askim meri ya, olsem wanem na pikinini bilong em i strong yet.

Meri i bekim, "Long wan wan de mi save

katim wanpela pinga bilong mi na pikinini bilong mi i dringim blut bilong mi".

"Mi sevim laip bilong pikinini bilong mi long blut bilong mi yet".

Na i gat stori bilong narapela meri na pikinini. Dispela em i

stori bilong Maria na pikinini bilong em, Jisas. Nau em i taim bilong tingim Maria na pikinini bilong em Jisas.

Maria i karim Jisas na Jisas i lusim laip na blut bilong em i kapsait long sevim mipela olgeta.



• Ol bagarap i kamap long Rasia

# Ol refuji tingim ples

EILEEN TUGUM i raitim

**KRISMAS em i taim bilong amamas, tasol Martha Bonggoibo na famili i no inap amamas long dispela taim. Martha em i wanpela Wes Irian refuji husat i stap nau long Mosbi.**

Em i bin kamap long Papua Niugini wantaim man na tupela pikinini bilong em long Me 1979. Em i tok olsem em i bin ranawe long ples bilong em bikos ol Indonesia i bin mekim save long man bilong em.

"Ol Indonesia i bin ronim man bilong mi bikos em i sapotim ol lain husat i laik Wes Irian i mas kisim independens long Indonesia", Martha i tok.

Em i tok olsem ol Indonesia i kilim pinis susa na mama bilong man bilong em na ol i pret nogut ol Indonesia i kilim ol tu.

Ol i kam stap long Yako kem long Wes Sepik na bihain ol i kam stap long Lolorua plantesin klostu long Mosbi. Tasol plantesin i pas na nau ol i stap wantaim ol wantok long Mosbi na kisim helpim long CARITAS wanpela helpim lain bilong ol katolik.

Taim mi askim em long wanem samting em bai mekim long Krismas na Nu Yia aiwara i kapsait. Em i tok, "Long ples bilong mipela bai i gat bikpela amamas na kaikai long taim bilong krismas. Nain yia i pinis nau na mipela i no stap long wanpela amamas bilong krismas".

Em i tok olsem long dispela taim bilong amamas bai ol i stap wantaim belhevi.

Nau mipela i luksave olsem bai narapela yia i pinis na mipela i stap yet olsem ol refuji long Papua Niugini. Na bai mipela tingting tu long ol samting ol lain bilong mipela long ples.



• Martha Bonggoibo na sampela pikinini bilong em long Mosbi.

Em i tok olsem ol i bin lusim ol lain bilong ol long 1979 na i no lukim ol yet.

"Bai mipela go bek long ples bilong mipela o nogat. Mi gat tingting olsem mi mas go bek yet".

"Mipela i no inap amamas long dispela taim bikos mipela luksave olsem mipela i stap long helpim bilong ol arapela na dispela i tokaut long hevi bilong mipela".

"Lewa bilong mipela i kraik bikos long ples bilong mipela, mipela i gat kaikai na graun na mipela gat haus bilong mipela yet. Mipela i no sot long wanpela samting".

"Na mipela laik go bek tasol mipela pret yet long ol samting ol Indonesia bai mekim long mipela".

"Sampela taim mi save tingting, bai mi go bek lukim ples bilong mi o nogat".

# OMEGA Investments

PTY. LTD.



APPLE MACINTOSH  
IMC COMPATIBLES  
XT/206/386

RICOH  
copiers, Faxes

UNIWELL  
Cash Registers

VITAL  
Point of Sales

FUJITSU  
Printers

ATTACHE  
accounting software

AST  
local area network

SOFTWARE & SOLUTIONS  
for all types of  
IBM and  
Apple computers.

REPAIR & SERVICE  
for all  
Electronic Equipment  
and  
Computers.

trading as OMEGA CONSULTANTS and TECHNOLOGY wishes to thank the following COMPANIES and PERSONS for their great supports, allowing OMEGA to relocate offices on such a short notice

A & S CUSTOMS  
BARLY BUILDING & ELEC  
COMMERCIAL FLOORS  
FLITURE GRAPHICS  
GRAME GUNNAGE REAL ESTATE  
JUDITH DAY & ASSOCIATES  
MAGI ELECTRICAL  
PTC and ELCOM

STEAMSHIPS HARDWARE  
JAMES AND STUART GOODE  
RIGEL REMPOLA  
AND  
THE COORDINATOR OF IT ALL  
MY WIFE  
And FINANCIAL CONTROLLER  
ANN VAN EIJK.


*We will be reopening for service and business on the 3rd of January 1989, in our new premises in the former Namco building on Waigani Drive Opposite Steamships Machinery.*

*We wish to take the opportunity to thank all our customers and supporters for their assistance and business, to make OMEGA the company it is today, without your support during our first year of operations our fully National owned company would not be where it is TODAY.*

*We wish all PAPUA NEW GUINEA A MERRY CHRISTMAS AND A HAPPY NEW YEAR.*


## OMEGA Investment

BOX 2139 BOROKO.  
PH: 25 8799 - 25 8545  
FAX: 217 468





# Puisine Laik



## EM-TV MUVI

Ol EM TV muvi bilong wik i stat 19 Desemba.

(PGR) Fraide Nait Muvi: "The Last of the Secret Agents"

Dispela muvi i stori bilong tupela man husat i laik painim ol lain husat i save stilim ol penting na haitim. Long taim tupela i bungim bos bilong ol dispela stilman, trabel i kamap.

Ol Spesel Program bilong Krismas

(G) Sarere 5 klok - "Christmas on Sesame Street"

Bungim ol pren bilong yupela ol muppet na amamasim Krismas wantaim ol.

(G) Sarere 7 klok - "Christmas Toy"

Dispela spesel Krismas program i bilong olgeta famili long amamasim Krismas.

(G) Sarere 8pm - "Carols by Candle light"

Amamasim Krismas na singim ol singsing bilong Krismas. Em i program bilong olgeta famili long bung wantaim.

(G) Sande 6.20pm - Krismas toktok bilong Gavana Jeneral Sir Kingsford Dibela.

(G) Sande 7pm - Krismas toktok bilong Kwin Elizabeth

(G) Sande Nait Muvi- "Hollywood or Bust"

Dispela muvi i bilong Jerry Lewis na Dean Martin.

## 'Hollywood or Bust'



. Jerry Lewis na Anita Ekberg long muvi "Hollywood or Bust".

## DRIVE-IN THEATRE

THE MASTERS OF THE MACABRE  
STEPHEN KING AND GEORGE A. ROMERO  
WELCOME YOU TO  
**CREEPSHOW 2**



WHEN THE CURTAIN  
GOES UP THE  
TERROR BEGINS.

NEW WORLD PICTURES PRESENTS  
A LAUREL PRODUCTION **CREEPSHOW 2**  
STARRING LOIS CHILES GEORGE KENNEDY DOROTHY LAOUR  
AND TOM SAVINI AS "THE CREEP" MUSIC COMPOSED BY LES REED AND RICK WAKEMAN  
ASSOCIATE PRODUCER MITCHELL GALIN EXECUTIVE PRODUCER RICHARD P. RUBINSTEIN  
SCREENPLAY BY GEORGE A. ROMERO BASED ON STORIES BY STEPHEN KING  
PRODUCED BY DAVID BALL DIRECTED BY MICHAEL GORNICK

RELEASED BY VILLAGE ROADSHOW CORPORATION NEW WORLD PICTURES

## WARDS CINEMA

YOUNG  
EINSTEIN

PG



The Incredible Untold Story of  
the Greatest Mind of All Time.

Starring YAHOO SERIOUS.

## TIETA MUVI

### WARDS CINEMA - Ph: 25 4647

Thurs 22nd Dec	HERO and THE TERROR
Sat 24th Dec	Commando Lawin
Sun 25th Dec	CHRISTMAS, no screening
Mon 26th Dec	KING OF KINGS (feature only)
Tues 27th Dec	YOUNG EINSTEIN (feature only 7:30pm)

### DRIVE-IN THEATRE

Thurs 22nd Dec	DEAD HEAT
FRI	CREEPSHOW 2
Sat 24th Dec	CROCODILE DUNDEE 2 plus HIDING OUT

### HUON THEATRE (LAE)

Thur 22nd Dec	KUNG FU KIDS 4
Sat 24th Dec	ENTER THE FAT DRAGON
Sun 25th Dec	CHRISTMAS NO SCREENING
Mon 26th Dec	TEARDROPS and MOTHER TERESA
Tue 27th Dec	PRINCE, SIGN of THE TIMES
Wed 28th Dec	GANGLAND

### THEATRE LAE (LAE)

Thur 22nd Dec	PRINCE, SIGN of THE TIMES
Sat 24th Dec	GANGLAND
Sun 25th Dec	CHRISTMAS NO SCREENING
Mon 26th Dec	KUNG FU KIDS 4 and ENTER THE FAT DRAGON
Tue 27th Dec	PRINCE, SIGN of THE TIMES
Wed 28th Dec	GANGLAND

# TIETA MUVI


FRAIDE 23th DESEMBA  
SKAILAIN

## CREEPSHOW 2

THE MASTERS OF THE MACABRE  
STEPHEN KING AND GEORGE A. ROMERO  
WELCOME YOU TO

### CREEPSHOW 2

WHEN THE CURTAIN  
GOES UP THE  
TERROR BEGINS.



GOOD TO THE LAST GASP.

SAT 24th DESEMBA  
WARDS SINEMA

### COMMANDER LAMIN

A Deadly Man-Hunt...  
Searing the Screen with  
White-HOT ACTION



TUSDE 27th DESEMBA  
7.30 pm WARDS SINEMA

### YOUNG EINSTEIN



The Incredible Untold Story of  
the Greatest Mind of All Time.  
Starring YAHOO SERIOUS.

# LUKIM TELEVISEN

THURSDAY	FRIDAY	SATURDAY	SUNDAY	MONDAY	TUESDAY	WEDNESDAY
<b>EM-TV</b>						
THURSDAY 22ND DECEMBER 1988 3.57 EMTV STATION OPEN 4.00 SESAME STREET 5.00 KIDS KONA 5.30 G.I. JOE 6.00 THE MUPPETS 6.30 NATIONAL EMTV NEWS 7.00 LAVARNE AND SHIRLEY 7.30 SIX MILLION DOLLAR MAN 8.30 POWER WITHOUT GLORY 9.30 MIAMI VICE 10.30 McLOUD 12.00 STATION CLOSE	FRIDAY 23RD DECEMBER 1988 3.57 STATION OPEN 4.00 SESAME STREET 5.00 KIDS KONA 5.30 JETSON 6.00 THE MUPPETS 6.30 NATIONAL EMTV NEWS 7.00 THE EM REPORT 7.30 FAME 8.30 FRIDAY NIGHT MOVIE "The Last of the Secret" Starring: Martin Allen, Steve Rossi and John Williams HAWAII FIVE-O 11.17 STATION CLOSE	SATURDAY 24TH DECEMBER 1988 9.00 KOMYUNITI TELEVISION STATION OPEN 9.02 "TINGIM HELL" 9.05 KOMYUNITI TELEVISION STATION CLOSE 9.10 EMTV STATION OPEN 9.15 ADVENTURES OF TEDDY RUX PIN 9.30 BONAZZA 9.40 KUMILUS VS LIONS 9.50 SOME MOTHERS DO HAVE THEM 10.00 GOVERNOR GENERAL'S CHRISTMAS MESSAGE 10.05 THE COLGATE TOOTHBRUSH FAMILY 10.15 EMTV NATIONAL NEWS 10.20 QUEEN'S CHRISTMAS MESSAGE 10.25 SUNDAY NITE MOVIE "Hollywood or Bust" DOCUMENTARY 10.30 BUSINESS 10.50 STATION CLOSE	SUNDAY 25TH DECEMBER 1988 12.00 KOMYUNITI TELEVISION STATION OPEN 12.02 "TINGIM HELL" 12.05 KOMYUNITI TELEVISION STATION CLOSE 12.10 EMTV STATION OPEN 12.15 ADVENTURES OF TEDDY RUX PIN 12.30 BONAZZA 12.40 KUMILUS VS LIONS 12.50 SOME MOTHERS DO HAVE THEM 1.00 GOVERNOR GENERAL'S CHRISTMAS MESSAGE 1.05 THE COLGATE TOOTHBRUSH FAMILY 1.15 EMTV NATIONAL NEWS 1.20 QUEEN'S CHRISTMAS MESSAGE 1.25 SUNDAY NITE MOVIE "Hollywood or Bust" DOCUMENTARY 1.30 BUSINESS 1.50 STATION CLOSE	MONDAY 26TH DECEMBER 1988 3.57 EMTV STATION OPEN 4.00 SESAME STREET 5.00 KIDS KONA 5.30 SKIPPY 6.00 THE MUPPETS 6.30 NATIONAL EMTV NEWS 7.00 LAVARNE AND SHIRLEY 7.30 BLACK SHEEP SQUADRON 8.30 MINI SERIES 10.29 STATION CLOSE 10.31 KOMYUNITI TELEVISION STATION OPEN 10.34 TINGIM HELL KOMYUNITI TELEVISION STATION CLOSE	TUESDAY 27TH DECEMBER 1988 3.57 EMTV STATION OPEN 4.00 SESAME STREET 5.00 KIDS KONA 5.30 YOUR TRANSFORMERS 6.00 THE MUPPETS 6.30 NATIONAL EMTV NEWS 7.00 LAVARNE AND SHIRLEY 7.30 BUCK ROGERS 8.30 AGAINST THE WIND 9.30 LIFESTYLE 10.00 BUSINESS WEEK 10.30 STATION CLOSE	WEDNESDAY 28TH DECEMBER 1988 3.57 STATION OPEN 4.00 SESAME STREET 5.00 KIDS KONA 5.30 FLIPPER 6.00 THE MUPPETS 6.30 NATIONAL EMTV NEWS 7.00 LAVARNE AND SHIRLEY 7.30 HARDCASTLE AND McCORMICK 8.30 WEDNESDAY NITE MOVIE "El Dorado" Starring: John Wayne, James Caan and Edward Asner MEET THE PRESS STATION CLOSE
<b>ABC</b>						
THURSDAY 22ND DECEMBER 1988 4.00 PLAY SCHOOL 4.30 SWAP SHOP 5.25 YOUR MOTHER WOULDN'T LIKE IT 5.45 BANANAMAN 6.00 WORLD AT SIX 6.30 THE OZ GAME 7.00 ABC NEWS 7.30 7.30 REPORT 8.00 UNIVERSITY CHALLENGE 8.25 NEWS UPDATE 8.30 THE BILL 9.22 NEWS UPDATE 9.25 BACK CHAT 9.30 KING AND CASTLE 10.25 NEWS UP-DATE 10.30 PROSPECTS 11.20 AUSTRALIAN FILM CLASSICS CLOSE	FRIDAY 23RD DECEMBER 1988 4.00 PLAY SCHOOL 4.30 SWAP SHOP 5.00 THE GHOSTS OF MOTLEY HALL 5.30 YOUR MOTHER WOULDN'T LIKE IT 5.50 BANANAMAN 6.00 WORLD AT SIX 6.30 THE OZ GAME 7.00 ABC NEWS 7.30 7.30 REPORT 8.00 FRESH FIELDS 8.38 NEWS UP-DATE 8.40 FRIDAY NIGHT MOVIE: "The Christmas coal mine miracle" Starring: Julie McKenzie, Anton Rodgers. 10.15 NEWS UPDATE 10.20 N.B.A. BASKETBALL 11.55 RAGE	SATURDAY 24TH DECEMBER 1988 12.00 ROCK ARENA 1.05 THE LITTLE WORLD OF DIETMAR FILL 1.15 MOVIE "JOHN MARTIN'S CHRISTMAS PAGEANT" 3.45 BABAR AND FATHER CHRISTMAS 4.10 GEORGE AND THE STAR 4.40 CHRISTMAS EVERY DAY 5.00 DODGER, BONZO AND THE REST 6.00 ABC NEWS 6.30 RIVER JOURNEYS 7.30 THE CURIOUS CASE OF SANTA CLAUSE 8.25 ABC NEWS 8.30 THE OLDEST GOOSE IN THE BUSINESS 9.30 IN SICKNESS AND IN HEALTH 11.00 CHRISTMAS SPECIAL 11.35 CLOSE	SUNDAY 25TH DECEMBER 1988 12.00 COMPASS 1.00 FOUR CORNERS 1.45 TBA 6.00 ABC NEWS 6.30 HOUSE RULES 7.20 BACK CHAT 7.30 1915: BEST OF FRIENDS 8.25 ABC NEWS 8.30 SUNDAY STEREO SPECIAL 10.00 WAGNER 10.50 RACE FOR THE BOMB 11.40 GOD IS SHE 12.30 CLOSE	MONDAY 26TH DECEMBER 1988 4.00 PLAY SCHOOL 4.30 SWAP SHOP 5.00 GHOSTS OF MOTLEY HALL 5.25 YOUR MOTHER WOULDN'T LIKE IT 5.45 BANANAMAN 6.00 WORLD AT SIX 6.30 THE OZ GAME 7.00 ABC NEWS 7.30 7.30 REPORT 8.00 DON'T WAIT UP 8.30 EXECUTIVE STRESS 8.58 NEWS UPDATE 9.00 FATHERS AND SONS 10.00 ENGLISH SOCCER 10.55 ABC NEWS 11.00 SHADOW PLAY 12.00 CLOSE	TUESDAY 27TH DECEMBER 1988 4.00 PLAY SCHOOL 4.30 SWAP SHOP 5.00 GHOST OF MOTLEY HALL 5.25 YOUR MOTHER WOULDN'T LIKE IT 5.45 BANANAMAN 6.00 WORLD AT SIX 6.30 THE OZ GAME 7.00 ABC NEWS 7.30 7.30 REPORT 8.00 IN THE WILD WITH HARRY BUTLER 8.30 HANNAH 9.28 NEWS UPDATE 9.30 SOUTH OF THE BORDER 10.30 NEWS UPDATE 10.35 STRIKE IT RICH 11.25 ROCK ARENA 12.40 CLOSE	WEDNESDAY 28TH DECEMBER 1988 4.00 PLAY SCHOOL 4.30 SWAP SHOP 5.00 GHOSTS OF MOTLEY HALL 5.25 YOUR MOTHER WOULDN'T LIKE IT 5.45 BANANAMAN 6.00 WORLD AT SIX 6.30 THE OZ GAME 7.00 ABC NEWS 7.30 7.30 REPORT 8.00 QUANTUM 8.28 NEWS UP-DATE 8.30 ABC SPECIAL 8.35 NEWS UP-DATE 9.30 GEOFREY ROBERTSON'S HYPOTHETICALS 10.30 NEWS UPDATE 10.35 TALKING SHOP 11.05 FLOWERING OF THE PACIFIC 12.05 CLOSE
<b>NQ TV</b>						
THURSDAY 22ND DECEMBER 1988 4.00 WOMBAT 4.30 CURIOSITY SHOW 5.00 NEIGHBOURS 5.30 REGIONAL NEWS, WEATHER 6.00 NATIONAL NEWS 6.30 A CURRENT AFFAIR 7.00 FAMILY TIES 7.30 HIGHWAY TO HEAVEN 8.28 WEATHER 8.30 MATLOCK 9.30 DALLAS 10.30 NEWSWORLD 11.30 MISS MARPLE 12.25 EPILOGUE STATION CLOSE	FRIDAY 23RD DECEMBER 1988 4.00 WOMBAT 4.30 KIDS' ARMY 5.00 NEIGHBOURS 5.30 NEWS, WEATHER 6.00 NATIONAL NEWS 6.30 A CURRENT AFFAIR 7.00 FAMILY TIES 8.00 CHARLES IN CHARGE 8.28 WEATHER 8.30 MOVIE 10.30 NEWSWORLD 11.30 EPILOGUE STATION CLOSE	SATURDAY 24TH DECEMBER, 1988 12.30 PROFILES OF NATURE 1.00 CRICKET 5.00 BURKE'S BACKYARD 6.00 NATIONAL NINE NEWS 9.00 OUR HOUSE 7.28 WEATHER UPDATE MOVIE 10.00 BERGERAC MOVIE 12.15 EPILOGUE STATION CLOSE	SUNDAY 25TH DECEMBER 1988 12.00 MOTOR RACING 4.00 TARZAN 5.00 YOUNG TALENT TIME 5.50 POINT OF VIEW 5.57 QUEENSLAND 2000 6.00 NATIONAL NINE NEWS 6.30 WORLD OF DISNEY 7.30 NATIONAL GEOGRAPHIC 8.28 WEATHER UP-DATE 8.30 SUNDAY NIGHT MOVIE	MONDAY 26TH DECEMBER 1988 4.00 WOMBAT 4.30 SUPERGRAN 5.00 NEIGHBOURS 5.30 LOCAL NEWS, WEATHER 6.00 NATIONAL NEWS 6.30 A CURRENT AFFAIR 7.00 FAMILY TIES 7.30 BLACK'S MAGIC 8.28 WEATHER 8.30 MOVIE 11.30 NEWSWORLD 12.30 THE PROFESSIONALS EPILOGUE STATION CLOSE	TUESDAY 27TH DECEMBER 1988 4.00 WOMBAT 4.30 SUPERGRAN 5.00 NEIGHBOURS 5.30 REGIONAL NEWS, WEATHER 6.00 NATIONAL NEWS 6.30 A CURRENT AFFAIR 7.00 FAMILY TIES 7.30 ALF 8.00 THE GOLDEN GIRLS 8.28 WEATHER 8.30 BEYOND 2000 9.30 MIAMI VICE 10.30 NEWSWORLD 11.30 HOT METAL 12.00 BLACK ADDER EPILOGUE STATION CLOSE	WEDNESDAY 28TH DECEMBER 1988 4.00 WOMBAT 4.30 SUPERGRAN 5.00 NEIGHBOURS 5.30 REGIONAL NEWS, WEATHER 6.00 NATIONAL NEWS 6.30 A CURRENT AFFAIR 7.00 FAMILY TIES 7.30 YELLOW RIVER 8.33 WEATHER 8.35 MOVIE 10.30 NEWSWORLD 11.30 SHELL GAME 12.25 EPILOGUE STATION CLOSE

(G) - GENERAL EXHIBITION (PGR) - PARENTAL GUIDANCE REQUIRED (AO) - ADULTS ONLY

## VIDEO

### \*SAMPELA\* GUTPELA VIDEO!

**THE EXORCIST (1973)**  
★★★★

Sapos yu laik lukim wanpela muvi em bai pretim yu gut tru, orait kisim dispela muvi ya "The Exorcist". Bai yu pret tru ya. Em i stori bilong devil i go insait long wanpela pikinini meri na mekim em i wokim kain kain samting. Orait wanpela pater i kam na i traim long rausim devil long meri ya. Man husat i raitim stori bilong muvi ya, Peter Blatty i bin winim prais bilong Academy Award. Na nem bilong ol manmeri husat i ekt long muvi na dairekta tu i bin stap long lista bilong kisim Academy Award. Dispela muvi i gutpela long ol bikpela manmeri tasol i lukim.



Ellen Burstyn  
Max Von Sydow  
Jason Miller  
Linda Blair

**EVIL UNDER THE SUN (1982)**  
★★

"Evil Under the Sun" em muvi ol i wokim long wanpela buk bilong Agatha Christie, meri husat i save raitim ol stori bilong ol wokpainimaut long lukim husat tru i wokim rong.



Peter Ustinov  
Maggie Smith  
James Mason  
Diana Rigg

**CLASH OF THE TITANS (1981)**  
★★★

Dispela muvi "Clash of the Titans" em i wanpela gutpela muvi. Bai yu lukim ol kain kain bikpela animal i luk olsem ol masalai na ol draipela animal i gat ol kain kain het na ol hos i save flai long dispela muvi. Em i wanpela muvi we ol i bihainim stori tumbuna bilong kantri Gris we wanpela man nem bilong em Perseus i traim long sevim meri em i gat laik long en. Tasol Perseus i mas pait wantaim ol kain kain masalai animal na man bipo em i maritim meri ya.



Ammon (Burgess Meredith) i sekap long naip bilong Perseus (Harry Hamilton) long "Clash of the Titans."

\*IGAT PLANTI MOA\*  
\*GUTPELA KAGET I\*  
\*STAP LONG OL VIDEO\*  
\*SENTA KIOSTU LONG YU!!\*

**CASIO MIPELA I GAT OLGETA KAIN KAIN HANWAS**

40% OFF MANY MODELS NOW

I gat moa long 80 kain hanwas--Yu kam lukim na kisim wanpela

**ALU SIGNS PTY LTD**  
PO Box 7081, BOROKO Tel. 85 8600  
STORE NEAR BOROKO POLICE STN.



**CAMBRIDGE**

**KING SIZE**

---

**GOVERNMENT WARNING - SMOKING IS DANGEROUS TO HEALTH**

---



# SOFTBALL NIUS

Issue Nomba 11 Fonde, Desember 22, 1988-Februari 4, 1989

## Ol Gasel softball tonamen i kamap nau

LONG taim "All Gazelle" Softbal Tonamen i bin stat 7-pela yia i go pinis, olgeta tim i bin resis long tupela kap. Ol dispela tupela kap em Primia's Kap na Seketeri's Kap.

Primia bilong Is Nu Briten na Patron bilong All Gazelle Softbal tonamen Sir Ronald Tovue i bin givim Primia's Kap em ol meri i save resis long winim.

**Nason Paulias i bin tok orait long ol dispela samting long kamap long Softbal Nius. Olgeta stori na arapela samting i stap aninit long nem bilong em yet.**

Seketeri's Kap i kam yet long han bilong Siaman bilong All Gazelle Softbal Tonamen, Nason Paulias long sempion tim bilong ol man i save kisim.

I gat tu ol arapela sil na tropi insait long dispela tonamen. I gat ol tropi na sil bilong wanpela top o gutpela tim na bilong ol pilai tu. Planti ol kampani na wan wan man,

meri o famili i bin givim tu wanpela sil o tropi bilong dispela tonamen.

Olgeta Gazelle tim husat i kamap na stap insait long resis long dispela tripela de bai tilim mani inap long mak bilong K1000. Tupela top tim bilong ol man na meri bai kisim K100 wantaim kap bilong Primia na Seketeri. Ol arapela husat i kam bihain bai kisim mani na ol arapela tropi tu. Siaman bilong All

Gazelle Softbal Tonamen Komiti, Nason Paulias i bin givim bikpela tok amamas bilong em i go long ol bikpela sponsa kampani bilong tonamen long Rabaul, W.D.H.O Wills, Niugini Ailan Produs (NGIP) kampani na Bismark Indastris Timbasales long sapot bilong ol.

Mista Paulias i amamas tu long ol dispela husat i bin givim sapot long 1988 Ista Musik Festival i bin kamap long Kokopo.

Em i salim tu bikpela amamas bilong em i go long Sauten Hailens provinsal gavman long gutpela K1000 sapot bilong ol i go long Gazelle tim bilong ol meri long Mendi.

Mista Paulias i tok, "Olgeta tim bilong arapela provins husat i stap insait long tonamen i kamapim gutpela bung wantaim. Ol i bung wantaim

olsem ol brata na susa.

"Ol tim i kam long arapela provins i karim nem bilong gavman bilong ol. Na taim ol i sanap long fil, ol bai soim stret kala bilong provinsal flak bilong ol long taim bilong opim pilai. Mipela komiti bilong dispela tonamen i gat bikpela amamas na bilip tru long dispela tonamen."

### Program bilong Tonamen

Fonde 22/12/88

2.00 - Tilim ampaia long bosim ol gem. Sief Ampaia John Soia o Seketeri bilong PNGSF, Masayoshi Ohno bai mekim dispela.

3.00 - Kibung bilong olgeta opisal bilong ol tim. Bihain long kibung bai i gat welkam nait pati (Bar "B" Que) long Klab Haus arere long Malaguna Kokopo Rot. Bipo ol i save kolim Tournalom Sosol Klap.

Fraide 23/12/88

8.00 - Olgeta tim bai bilas long yunifom na bung long Kwin Elisabeth Pak Osi Ruls fil.

8.30 - Olgeta tim bai karim provinsal flak bilong ol na mas. Provinsal ben yet bai i go pas long ol.

9.00 - Opisal welkam toktok. Siaman Nason Paulias, Primia na Papa bilong tonamen, Sir Ronald Tovue na Praim Minista bilong Papua Niugini, Rabbie L Namaliu bai toktok.

10.00 - Mista Namaliu bai opim gem. Em bai pitsim namba wan bal long Daimon 1. Olgeta gem bai stat olsem i stap long dro.

Sarere 24/12/88

8.30 - Olgeta gem bai kamap long Kokopo So Graun (Lukim Dro).

Sande 25/12/88

8.00 - Olgeta gem bai go het long Kwin Elisabeth Pak, Rabaul Soka na Lig Graun (Lukim Dro). Olgeta fainal bai stat bihain long las gem. Presentesen bai stat long 7 klok long apinun long Mamapua Klap.



• Man klia long em! Rait autfilda bilong Wantok, Nassain Raran i givim sisti long namba wan bes long gem bilong ol egensim Fuji. Tasol Fuji i laki na winim Wantok 12-8. "Sori tumas Nassain, traime gen".

## Royals i save kisim gutpela sapot tru

Insait long Papua Niugini, yu no save lukim planti man i kamap long fil long sapotim ol meri, pikinini o susa bilong ol i pilai long wanpela spot bilong ol meri olsem volibal na softball.

Tasol wanpela klap tasol insait long Pot Mosbi Wimens Softbal Asosiesen (PMWSA) em i save kisim gutpela sapot long ol man em Royals McGregor Klap (RMC).

Ol i bin statim RMC long 1986. Olsem na dispela sisen ol meri i save pilai long C na D Gret tasol. Na tu planti ol pikinini na meri husat i save pilai

### LEO WAFIWA i raitim

long RMC i bilong MrGregor Bareks tasol.

I tru olsem softball em i wanpela gem we mama, papa na pikinini i save pilai. Olsem na yumi ken tok dispela gem i famili spot.

Tasol sapos yu lukluk long ol lain bilong McGregor, planti ol plisman i no save pilai softball. Wan wan plisman husat i bilong Is Nu Briten Provis i save pilai softball bikos dispela spot i bun bilong Is Nu Briten..

Long taim tim bilong RMC i kamap long fil,

bai yu kalap nogut stret long lukim planti plisman husat i no wok o i lip i save kam daun wantaim ol meri pikinini long sapotim ol.

RMC i stat long 1986 tasol. Tasol long dispela gutpela sapot na RMC i winim gren fainal bilong C Gret las yia, wanpela yia bihain long ol i go insait long PMWSA kompetisen.

Na dispela yia, RMC i winim planti gem long stat bilong sisen i kam inap nau.

Tupela yia i go pinis, i nogat kain tim olsem long PMWSA bikos, planti meri na pikinini bilong ol plisman long McGregor i save

pilai long Tarangau tim. Nogat wanpela man i gat tingting long bungim ol pikinini a meri bilong ol plisman na kamapim softball tim.

Dispela gutpela tingting i kamap long wanpela plisman. Nem bilong dispela em Andrew Moe.

Moe i no save bihainim softball tumas tasol, meri bilong em tasol i save pilai softball. Orait dispela i grisim tingting bilong em na em i go insait long pilai softball.

Moe i bungim olgeta meri na pikinini bilong ol plisman insait long McGregor Bareks na kisim ol long trening. Na long

1986 ol i kamapim RMC na pilai insait long kompetisen bilong PMWSA.

## Toksave

Dispela em i las *Softbal Nius* bilong dispela yia, 1988. Mipela bai statim gen ol nius bilong softball long Mande, 2 Februari, 1989. Long dispela taim, planti senta bai redi gen long kirapim ol gem bilong ol.

Sapos yu laikim softball poto na stori long senta bilong yu i kamap long *Softbal Nius*, salim i kam long *Softbal Nius*, P.O.Box 1982, Boroko, NCD. Yu ken ringim mipela tu long telepon namba 25 2500. Mipela laik tok Hepi Krismas na Hepi Nu Yia long yupela olgeta.



•Ol lapun bilong Wantok i sindaun na lap i stap bipo long gem bilong ol egensim Fuji las wiken. Fuji i bin laki na winim dispela gem 12-8.

## Baragu helpim United long autim Gazelle

LONG bikpela gem bilong las wiken, RLC United i soim olsem em i gat moa eksperiens na autim tiket bilong Gazelle long wanpela poin tasol long dispela skoa 6-5. Dispela i bin wanpela strongpela gem stret bilong Pot

### HENRY MORABANG i raitim

Mosbi Wimens Sofbal kompetisen long dispela sisen.

Rachel Baragu i mas kisim gutpela tok amamas long dispela gem. Bikos gutpela pitsing bilong em i helpim United.

Gazelle i bin go pas 5-4 taim Joan Toliman na Dora Malum i kamap hom long kisim tupela poin. Gem i bin kamap strong tru long tupela sait wantaim long dispela taim. Tasol United i strong liklik na salim planti sevis pilaia bilong ol i kamap hom.

Ol pilaia bilong United olsem Joan Toliman, Winnie Pueh, Dora Malum na Bowie Corenus i save paitim bal strong tru na salim i go aut long autfil eria we no gat wanpela autfil pilaia bilong Gazelle i sanap. Long dispela kain gutpela stail na United i winim dis-

pela pilai. Winnie husat i bin stap long sait lain i no wari tumas long dispela tasol em i amamas long ol wan pilaia i kamapim gutpela gem tru. Em i tok, "I no gutpela tumas long sindaun long saitlain na lukim narapela tim i winim tim bilong yu.



•Rachel Baragu

Tasol United i gat ol gutpela namba wan pilaia em wanpela sofbal tim i mas gat long winim kain strongpela gem olsem."

United i no sori na lukluk bek long Gazelle. United i bin go pas 2-1 tasol Gazelle i salim wanpela pilaia i go kamap long hom long go pas yet 4-2.

Long namba 4 ining, ol pilaia bilong Gazelle i stapim United na ol i dro gen 4-4. dispela em i namba tu taim bilong United na Gazelle long dro tasol, Gazelle i abrusim United na i go pas 5-4 long namba 5 ining.

Long namba 5 ining bilong United, Dora Malum na Joan Toliman i bin sanap long

namba tu na tri bes. Nam tri beta, Baragu i paitim gut bal i go namel long namba wan na tu bes na salim Malum wantaim Toliman i kamap hom.

Ol sta pilaia bilong Gazelle husat i bin pilai strong tru long dispela de em yangpela Jenny Sam na pitsa Clair Raymond.

Tupela sevis pilaia husat i bin pilai gut tu long dispela gem em Metchill Tonga na Sinimi Tadigu.

Long ol arapela gem, Kabui i kisim tupela poin bihain long ol autim Sunkaro 6-5 na, Wantok i no strongim olsem las wik olsem na ol i go daun long Fuji 12-8.

## RMC i kamapim bikpela birua long C gret

C Gret tim bilong Royals McGregor Klap (RMC) bilong Pot Mosbi Wimens sofbal kompetisen i soim gen olsem ol arapela tim i no inap pilai kaskas long ol.

Tupela wik i go pinis ol i bagarapim stret sindaun bilong RLC United 22-3. Na las wiken ol i givim wankain skul long Chebu 29-5.

Dispela i bin wanpela bilong ol gutpela gem bilong ol long dispela sisen.

Sapos RMC i soim wankain stail bilong sofbal bai ol i go insait yet long gren fainal bilong C Gret long dispela divisen.

Las wiken planti pilaia i no kamap long pilai. Olsem na ol i senisim ol posisen na kisim tupela yangpela bilong D Gret, Martina na Sira husat i bin pilai gut tru.

Long stat bilong namba wan ining, Chebu i go insait paitim bal. Long dispela taim, Chebu i lukim olsem ol bai lus. Bikos RMC i autim tripela top beta bilong ol long helpim Martina long namba wan bes.

### LEO WAFIWA i raitim

Olsem na i no long-taim RMC i go insait bet long namba wan ining.

Yu save ol meri nogut bilong McGregor ya. Olsem na ol i flaim ol bal i go ausait tru long autfil eria.

Long dispela kain stail tasol na ol i salim 8-pela beta olgeta i kamap hom na ol i go pas 8-0.

Chebu i bin pilai strong liklik na autim tupela beta bilong RMC taim 4-pela beta i kamap hom pinis.

Tasol RMC i strong yet na salim 4-pela moa beta i kamap hom bipo long Chebu i autim namba tri beta.

Chebu i no gat sans stret long salim planti pilaia i kamap hom long stat bilong namba tu ining. Bikos ol meri bilong McGregor i tingting strong tru long winim dispela gem na i no kamapim planti paul pilai tumas.

Pitsa na ketsa i bungim gut stail bilong tupela. Olsem na no gat planti beta bilong Chebu i abrusim namba wan

bes long stat bilong pilai i go inap pilai i pinis. Taim pitsa na ketsa i kisim bal, asde yet bal bai stap pinis

long han bilong Martina long namba wan bes.

Martina i bin givim bikpela helpim tru na

autim 5-pela rana olgeta bilong Chebu long namba wan bes.

Taim RMC i kisim bet long namba tri

ining, ol i no moa lukluk bek long Chebu.

Chebu i luk sori tasol na planti moa arapela rana bilong RMC i

kamap hom. Chebu i salim 4-pela rana tasol i kamap hom long bringim fainal skoa bilong ol 29-5.



•Ol laim meri nogut bilong Macgregor Royels klap (RMC). Wanpela man tasol namel long ol em kosa Andrew Moe. RMC i paia stret na autim Chebu 29-5. Poto Markroy Teno



**Gazelle  
tonamen dro**

FRIDAY 23rd DECEMBER, 1988

**QUEEN ELIZABETH PARK**

**Diamond One**

10:00	Hagen	vs	Rabaul	Men's
11:15	Moresby	vs	Kokopo 1	Men's
12:30	Kimbe	vs	Hagen	Men's
1:45	Moresby	vs	Rabaul	Men's
3:00	Hagen	vs	Kokopo 1	Men's
4:15	Kimbe	vs	Moresby	Men's

**Diamond Two**

10:00	Kimbe	vs	Rabaul	Women's
11:15	Mendi	vs	Moresby	Women's
12:30	Vunadidir	vs	Kimbe	Women's
1:45	Arawa	vs	Vanadidir	Men's
4:15	Lae	vs	Arawa	Men's

**Diamond Three**

10:00	Kokopo 1	vs	Lae	Women's
11:15	Kokopo 2	vs	Hagen	Women's
12:30	Arawa	vs	Lae	Women's
1:45	Hagen	vs	Kokopo 1	Women's
3:00	Kokopo 2	vs	Arawa	Women's
4:15	Lae	vs	Hagen	Women's

**Diamond Four Soccer Ground**

1.30	Rabaul	vs	Moresby	Women's
2.45	Vunadidir	vs	Mendi	Women's
4.00	Moresby	vs	Kimbe	Women's

SATURDAY 24th DECEMBER, 1988

**KOKOPO SHOW GROUND**

**Diamond One**

8:00	Kokopo 1	vs	Kimbe	Men's
9:15	Kokopo 2	vs	Lae	Men's

moa long pes 4



•Dispela pilaia bilong Medics i laik traime long tasim rana bilong RLC United las wiken.

**Liklik stori bilong ol Ampaia long tonamen**

John Soia em i Sief Ampaia bilong Papua Niugini Sofbal Federesen. Em i gat bikpela save moa long wok bilong ampaia long sofbal. Soia i bilong Manus provins.

George Wauleau-Presiden bilong Rabaul Sofbal Ampaia Asosiesen. Wauleau i gat nem tu long makim PNG long ol intenesenel sofbal resis.

Aurther Kinakawa-Wanpela gutpela ampaia husat i gat save long olgeta lo bilong sofbal. Planti manmeri i amamas long em i sanap na ampaia long ol gem insait long Rabaul.

Barnie Masat-Wanpela yangpela ampaia husat inap tru long sanap na lukautim sofbal gem. Masat em i wanpela studen bilong John Soia.

Cecilia Perrault-Wanpela meri husat i gat nem tru long ampaia long ol gem. PNG Ampaia Asosiesen i save singautim em long taim i gat ol sempionsip pilai long olgeta kona bilong kantri.

Moses Tolingling-Wanpela top ragbi lig referi husat i kam bek bihain long Pasifik Kap resis long Apia, Westen Samoa. Tasol, em i gat nem tu long ampaia long sofbal pilai.

Francis Rangatin-Wanpela yangpela man bilong laikim Sofbal. Em i save traime long painimaut moa long ol lo bilong sofbal. Em inap long kamap olsem wanpela top ampaia taim em i kisim planti sans long lukautim ol gem.

Carl Hopkins-Namba tu presiden bilong Rabaul Mens Sofbal Asosiesen. Hopkins i bilong Kanada. Wanpela gutpela man bilong givim nius (pablisiti opisa). Em i save sanap olgeta taim long ampaia plet long lukautim ol gem bilong ol meri.

• Toksave - Mipela i no inap kisim nem bilong ampaia husat bai lukautim ol gem. Sapos nem bilong yu i no kamap na yu bin kisim wanpela opisal pas, yu mas kamap long gem.



**BENSON and HEDGES**

proudly supports the  
**All Gazelle softball  
Clubs Tournament**

# Arawa Igels bai kukim ples

Sinia Atangolop i raitim

BROWN Eagles i wanpela top A gret tim bilong ol man long Arawa. Tasol las wiken, klostu tru Yokomo i autim ol. Brown Eagles i hambak liklik long sampela paul pilai bilong Yokomo na ol i winim dispela gem 9-4.

Dispela gem i bin kamap strong tru bikos tupela tim wantaim i bin kamapim gutpela pilai tru long insait na ausait fil.

Namba wan pitsa bilong Brown Eagles, John Okole i bin kamapim gutpela gem tu na i skoaim 10-pela straik aut olgeta. Long dispela sisen Okole i bin skoaim 43 strik aut olgeta.

Long namba wan ining bilong Yokomo, Goldie Tokome i paitim wanpela strongpela bal tru na flai i go antap long lep filda na, em yet wantaim John Billy Tokome i kamap hom. Narapela tripela beta i painim taim long ran i go long hom bikos ol i no inap paitim of strongpela pits bal bilong Okole. Olsem na olgeta i bin aut.

Long namba wan ining bilong Brown Eagles, tupela beta i kamap hom na ol i dro 2-2. Na long narapela tripela ining, dispela

skoa i bin stap yet bikos beta bilong tupela tim wantaim i bin aut long K2 stail stret. Na long namba 4 ining tu em i wankain tasol.

Long namba 5 ining, Brown Eagles i pilai strong liklik na salim wanpela rana tasol i kamap hom. Tasol Yokomo i no skoaim wanpela poin long dispela ining.

Long namba 6 ining em Brown Eagles i pasim rot bilong Yokomo. Yokomo i no kisim wanpela poin long dispela ining. Eagles tasol i salim 6-pela rana i kam hom na ol i go pas 9-2.

Long las ining, Yokomo i traim long skoaim poin tasol Eagles tu i strong moa. Eagles i larim tupela rana tasol bilong Yokomo i kamap hom. Na long final skoaim go 4-9.

Wanpela liklik asua bilong Yokomo em i no gat gutpela sapot pilai i bin kamap long infileria. Sapos ol infil pilai i bin bungim stail bilong ol, ating Eagles bai winim ol long liklik skoa tasol.

Tasol Yokomo i stretim hariap ol asua bilong ol na ol i nilim stret Port Hunters 14-6 long Sande.

Long ol arapela senia gret gem, Gazelle i winim Uniko 15-1, Country Viking i autim Strivers 7-5 na,



• Yangpela Martina husat i save pilai long D Gred bilong RMC. Tasol hia em i ran i kam long namba wan bes long C Gred kompetisen long taim RMC i egensim Chebu. RMC winim dispela gem 29-5.

Brown Eagles, Kabiu na Balcom i win long fofit.

Arawa Mens softballkompetisen bai stat gen long 8 Janueri 1989. Gazelle wantaim Brown Eagles klap i lusim Arawa pinis long go long Rabaul long tupela bikpela sofbal tonamen.

**Brown Eagles Tonamen**

Brown Eagles klap bilong Arawa i stap pinis nau long Rabaul long Brown Eagles Tonamen em i save kamap long olgeta yia. Semi Dim na Win Kalama i go pas long Brown Eagles klap

bilong Arawa. Dim em i kosa na Kalama em i namba tu presiden.

Arawa Brown Eagles i gat planti yangpela pilaia tasol. Kosa Dim i givim gutpela trening long ol pilaia bilong em na nau ol i stap tasol long Rabaul na wet long kaikaim bun wantaim tim bilong ol arapela senta olsem Lae, Mosbi na Rabaul yet. Long Mande 19 Desemba, ol i bin mekim las trening bilong ol.

Olgeta pilaia i bilip bai ol i winim ol arapela tim long Pul A. Ol biru bilong dispela pul em MSC, Ivarak, TSC. Island Hawks

Lae na Brown Eagles Lae.

Namba wan stail pitsa bilong Arawa Brown Eagles, Okole i redi gut try long bagarapim sindaun bilong beta bilong ol birua tim. Olsem na ol beta bilong ol birua tim i mas tingting gut taim ol i bungim Arawa Brown Eagles.

Okole save olsem em bai bungim ol arapela top pitsa bilong kantri long kisim dispela taitel.

"Mi redi tasol long pait long dispela taitel, long nem bilong mi yet na long klap wantaim", em i tok.

Okole i save bungim gut tru stail bilong em wantaim Julius Kiapen. Tupela bagaros ya i save kamapim gutela pilai tru long Arawa yet. Olsem hap tok bilong ol "Atangolop", Arawa Eagles i ken go bek long Arawa wantaim sil.

**All Gazelle Sofbal Tonamen**

Patron- Sir Ronald Tovue KBE OBE MPA

- Opisals
- Siaman-Nason Paulias
- Seketeri-Paul Sobendi
- Tresera-Ben Selep

- Ol Komiti
- membra-Elias Livuan
- Nadup Jawin
- Cerard Ruga
- Alois Johnson
- Derio Titi
- Timothy Sipiria
- Pablisiti Opisa
- Walter Darius
- Francis Rangatin



• Miriam Manikot bilong Wantok i tromoi lep lek tasol i go pas long namba wan bes long taim ol i bungim Fuji long Sarere. Tasol Fuji i strong na winim dispela gem 12-8.

**Gazelle tonamen dro i kam long pes 3**

10:30	Kimbe	vs	Rabaul	Men's
11:45	Vunadidir	vs	Kokopo 2	Men's
1.00	Moresby	vs	Hagen	Men's
2.15	Arawa	vs	Kokopo 2	Men's
3:30	Vunadidir	vs	Lae	Men's

**Diamond Two**

9:00	Rabaul	vs	Vunadidir	Women's
10:15	Mendi	vs	Kimbe	Women's
11:30	Moresby	vs	Vunadidir	Women's
12:45	Rabaul	vs	Mendi	Women's

**RECOGNITION PRIZE**

3:00pm ..... vs ..... Women's

**Diamond Three**

9:00	Kokopo 1	vs	Kokopo 2	Women's
10:15	Arawa	vs	Hagen	Women's
11:30	Lae	vs	Kokopo 2	Women's
12:45	Kokopo 1	vs	Arawa	Women's
2.00	Rabaul	vs	Kokopo 1	Men's

**SUNDAY 25th DECEMBER, 1988**

**QUEEN ELIZABETH PARK FINALS**

**Diamond**

8:00	1st Pool A	vs	2nd Pool B	Women's
9:00	1st Pool A	vs	2nd Pool B	Men's
11:00	Losers	vs	Losers	Men's
12:30	Winners	vs	Winners	Women's
2:00	Curtain Raiser	vs	Junior Under 15	
	Rabaul	vs	Kokopo	

3:30 Provincial Band Display

4:00 Winner vs Winner Men's


**Diamond Two Soccer Ground**

8:00	1st Pool B	vs	2nd Pool A	Women's
9:30	1st Pool B	vs	2nd Pool A	Men's
11:00	Losers	vs	Losers	Women's

**RECOGNITION PRIZE**

12:30 ..... vs ..... Men's

Note: Any query regarding the draw should be directed to the Secretary Paul Sobendi on phone number 92 2188.



**TEAMS AND THEIR POOL'S ALLOCATION:**

MEN'S		WOMEN'S	
1. Arawa		1. Arawa	
2. Kimbe		2. Kimbe	
3. Kokopo 1		3. Kokopo 1	
4. Rabaul		4. Rabaul	
5. Vunadidir		5. Vunadidir	
6. Lae		6. Lae	
7. Hagen		7. Hagen	
8. Moresby		8. Moresby	
9. Kokopo 2		9. Mendi	
		10. Kokopo 2	

MEN'S		WOMEN'S	
POOL A	POOL B	POOL A	POOL B
1. Arawa	Moresby	Arawa	Moresby
2. Vunadidir	Kimbe	Hagen	Kimbe
3. Kokopo 2	Rabaul	Kokopo	Rabaul
4. Lae	Kokopo 1	Lae	Vunadidir
		Kokopo 2	Mendi

**WANTOK**

# SPAK MAIK!



EM KAMAP LONG PLES NA GO LONG HACIS BILONG EM...

YOHO!! LEWA, PIKININI MI KAM PINIS YOO!!

EM SINGAUT TASOL NOGAT MAN LONG HACIS...



EM I SINGAUT, SINGAUT TASOL NOGAT MAN I KAMAUT...

MAN! OLGETA IGO WE? PLES I LUK DRAI TRU!



MAU EM I GO SANAP LONG ROT... I MO LONG TAIM NA WANPELA TRAK I KAMAP...

HEY! I LUK OLSEM KANDERE MAIK YA? MIPELA TING EM I DAI PINIS!!



MAIK I ASKIM LONG OL MAN NA MERI NA OL PIKININI BILONG PLES IGO WE...

KANDERE! OL MAN MERI BILONG PLES WE? NOGAT TRU YA!

OOH KANDERE! BIKPELA GURIAI KAMAP NA MIPELA LUSIM PLES. MAU MIPELA STAP LONG NARAPELA PLES...

HEY, NA MERI BILONG YU WANTAIM PIKININI I STAP LONG MAKET!!... OL I SALIM KAUKAU I STAP!



MAIK I KAMAP LONG MAKET PLES NA LUKIM MERI NA PIKININI BILONG EM SALIM KAIKAI I STAP...

OIYO! LEWA NA PIKININI I STAP!.. MI TING OL DAI PINIS LONG TRAIPELA GURIA YA! (SOB!)



EM I KRAI NA RON IGO LONG OL...

ESTA!! ESTA!! HENRI!! HENRI!! MI KAM BEK PINIS OOH, SOB!

EM KIKIM OL KAIKAI BILONG OL MAN NABALIT NA GO...

I GO MOA NEKS WIK!!

# Winfield 25's

GOVERNMENT WARNING:- SMOKING IS DANGEROUS TO HEALTH

COLOR USED

# REBO

**NAU BOS BILONG EM I SINGAU-TIM EM IGO INSAIT LONG OPIS NA TOKTOK WANTAIM EM!!!**

**MERIS HEBOLI! YU GAT TUPELA PLES LONG GO LONG KISIM MOA STADI LONG WOK.. YU LAIK GO LONG NU SILAN O AUSTRALIA?**

**MERI BILONG REBO I TOK EM BAI GO LONG NU SILAN. LONG WANEM REBO I STAP LONG HAP!!!**

**BAI MI GO LONG NU SILAN...ER MAN BILONG MI I STAP LONG HAP TU YA.**

**GUTPELA!! BAI YU STAP TRIPELA MUN OLGETA LONG HAP EMI ORAIT?**

**YES!**

**LONG NU SILAN REBO I PILAI RAGBI YET NA TU RACIN WANTAIM MERI MAORI!!!**

**WANPELA TAIM PORO BILONG REBO I RON I GO LONG EM NA TOKIM EM WANPELA MERI I RING LONG PAPUA NEW GUINEA...**

**HEY, REBO! WANPELA MERI LONG PAPUA NEW GUINEA I RING NA ASKIM LONG ADRES BILONG HALIS NA HAP PLES WE YU STAP!!**

**TRUA?... EM HUSAT YA?**

**BAI MI KISIM TEKSI NA GO LONG HACS BILONG REBO PASTAIM.**

**EM TOKIM WANPELA TEKSI DRAIVA LONG KARIM EM I GO LONG HACS BILONG REBO.**

**DRAIVA!! KARIM MI GO LONG PENTON STRIT PLES NAMBA 214.**

**OKE!!**

**IGO MOA NEKS WIK!!**

# PINKI

**JOHN I RING I GO LONG OPIS.**

**BOS! MERI NA PIKININI BILONG MI I BIN PAINIM BAGARAP LONG KA, OLSEM NA MI STAP WANTAIM TUPELA LONG HAUS SIK.**

**BOS TOKIM JOHN.**

**KAM LUKIM MI LONG OPIS LONG MONING TOMORO NA BAI MI TUPELA I TOKTOK NA STRETIM, OK?**

**JOHN I GO BEK LONG HAUS SIK**

**BAI MI GO NAU.**

**OK.**

**JOHN YU MAS BEKIM K5.00 BILONG MAMA BILONG GAWI.**

**JOHN I GO LUKIM BOS NA TUPELA STRETIM TOKTOK.**

**JOHN! BAI YU KISIM SPESEL LIV, OK?**

**TENK YU TRU BOS... A..A.. INAP MI DINAUM K5?**

**BOS TOK ORAIT.**

**JOHN WOKABOUT I GO PAINIM PORO BILONG EM NA I AUTIM OLGETA TRABEL BILONG EM.**

**JOHN! YU INAP SALIM KA BILONG YU O?**


**JOHN I NO AMAMAS LONG SALIM KA BILONG EM, OLSEM NA PORO I TOK.**

**JOHN! YU KEN RENTIM KA LONG OL MAN.**

**PORO! GUTPELA TINGTING STRET.**

**I GO MOA NEKS WIK!!**


# Em Nambawan Bisket I kam Long...



# **PHILCO JOINERY PTY LTD.**

**MIPELA I AMAMAS LONG TOKAUT  
OLSEM; MIPELA I BAIM PINIS TARAKA  
FURNITURE NA MIPELA I LAIK OPIM  
NUPELA STUA NA SO RUM BILONG  
MIPELA LONG LAE SITI.**

Mipela i singautim yupela long kam na lukim ol nupela kwaliti sia, tabel, bet, na ol kain kain samting bilong haus. Mipela yet i wokim na yu ken lukim long dispela nupela kolwin so rum bilong mipela long Montoro Street, Lae.



**OL TABEL, SIA BILONG KAIKAI, OL PILO SIA BILONG  
SINDAUN STORI NA GRIS, OL SAMTING BILONG SLIP.  
OL SARANG BILONG BANIS, OL SIA NA TABEL  
BILONG OPIS I GAT.**

**MIPELA INAP WOKIM OL DISPELA SAMTING LONG  
LAIK BILONG OL WAN WAN  
KASTAMA.**

**P.O. BOX 161, LAE  
PHONE: 42 4109, 42 3660  
FAX: 42:5494**

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.